



# ভূগদাস

নাটক

দ্বিজেন্দ্রলাল রায়

গুরুদাস চট্টোপাধ্যায় এণ্ড সন্স,  
২০৩।১।১, কৰ্ণওয়ালিস্ ষ্ট্রীট, কলিকাতা

ছই টাকা

একাদশ সংস্করণ  
কাষ্ঠিক — ১৩৪১

উৎসর্গ

যাঁহার দেবচরিত্র সম্মুখে রাখিয়া

আমি এই

দুর্গাদাস-চরিত্র

অঙ্কিত করিয়াছি,

সেই চিরান্ধাশ্রয় শিভদেব

৩৮কার্তিকেয়চন্দ্র রায় দেবশর্মার

চরণকমলে

এই ভক্তি-পুষ্পাঞ্জলি

অর্পণ করিলাম ।



নবকুমার

# দুর্গাদাস

## প্রথম অঙ্ক

### প্রথম দৃশ্য

হান—দিল্লীর প্রাসাদভবনে সম্রাটের দরবার কক্ষ। কাল—প্রহরাধিক প্রভাত। সিংহাসনে ভারতসম্রাট ঔরংজীব উপবিষ্ট ছিলেন। বামপার্শ্বে বিকানীরের মহারাজা শামসিংহ আসীন। তাঁহার দক্ষিণপার্শ্বে তাঁহার জনৈক সৈন্যাধ্যক্ষ তাহবর খাঁ এবং দুইজন প্রহরী নিবিষ্টভাবে দণ্ডায়মান। সম্মুখে রাস্তার সেনাপতি দুর্গাদাস ও তাঁহার ভ্রাতা দমরদাস দণ্ডায়মান।

ঔরংজীব। দুর্গাদাস! যশোবন্তসিংহের মৃত্যু মোগল-সাম্রাজ্যের দুর্ভাগ্য!

দুর্গাদাস। জাঁহাপনা! সাম্রাজ্যের কল্যাণের জন্ত, রাজাজ্ঞা পালনের জন্ত মরা প্রত্যেক প্রজার গৌরবের বিষয়।

ঔরংজীব। তুমি উচিত কথা বলেন্‌ছো, দুর্গাদাস! যশোবন্তসিংহ ভিন্ন আর কে সেই দুর্জয় বিদ্রোহী কাবুলীদের দমন কর্তে পার্ত? তাঁর কাছে যে আমি কত দূর ঋণী—সে ঋণ আমি জীবনে পরিশোধ কর্তে পারব না—(শামসিংহকে) কি বলেন, মহারাজ?

শাম। নিঃসন্দেহ।

দমর। কেন? জাঁহাপনা ত সে ঋণ যশোবন্তসিংহের পুত্র পৃথ্বীসিংহের প্রাণ সংহার করে পরিশোধ করেছেন!

ঔরংজীব। আমি তার প্রাণ সংহার করে'ছি! যুবক! তুমি কি বল'ছো, তুমি জানো না। আমি তার প্রাণ সংহার করে'ছি! আমি পৃথ্বীসিংহকে নিজের পুত্রের স্ত্রায় ভালোবাস্তাম। আমি তাকে স্বহস্তে সম্মান-পরিচ্ছদ পরিবে দিযেছিলাম।

সমর। সম্রাট! সেই অবোধ বালকও তাই ভেবেছিল। কিন্তু সে সম্মান-পরিচ্ছদ যে বিষাক্ত, তা' সরল বেচারী পৃথ্বীসিংহ জানত না!

শ্রামসিংহ। যুবক! তুমি কার সঙ্গে কথা ক'চ্ছ—জানো?

সমর। জ্ঞানি, মহারাজ বিকানীর! আপনার প্রভুর সঙ্গে—আমার নয়।

ঔরংজীব একটু চমকিত হইলেন। তাঁহার সম্মুখে একপ দোষারোপে তিনি কোনকালে অভ্যস্ত ছিলেন না। তাঁহার অঙ্গুগল দ্বিগুণ আকৃষ্ট হইল। কিন্তু তৎক্ষণাৎ তিনি আত্মসংবরণ করিয়া কহিলেন

ঔরং। কে বলে যে সম্মান-পরিচ্ছদ বিষাক্ত?

দুর্গা। না, জাঁহাপনা! তার কোন প্রমাণ নাই। সে সম্মান-পরিচ্ছদ যে বিষাক্ত তা' সাধারণের অজ্ঞান মাত্র।

সমর। (সক্রোধে) অজ্ঞান! তার পরলগুণেই বিষে জর্জরিত হ'য়ে দাক্ষণ যন্ত্রণায় বেচারীর মৃত্যু হয়। আমি কি সে মৃত্যু স্বচক্ষে দেখিনি?—অজ্ঞান! তবে যশোবন্তসিংহকে আফগানিস্থানে পাঠিয়ে হত্যা করাও অজ্ঞান! আর আজ তাঁর রাণী আর পুত্রকে দিল্লীতে অবরোধ করাও অজ্ঞান! তবে তুমি অজ্ঞান; আমি অজ্ঞান; সম্রাট ঔরংজীব অজ্ঞান; মোগল সাম্রাজ্য অজ্ঞান; এ নিখিল বিশ্ব অজ্ঞান! এ অজ্ঞান নয়, দুর্গাদাস!—এ ধ্রুব, স্থল, প্রত্যক্ষ।

দুর্গা। ক্ষান্ত হও, দাদা—মনে কর, কি প্রতিজ্ঞা করে এসেছিলে।

সমর। আচ্ছা! এই চুপ ক'রলাম! কিন্তু এক কথা বলে' রাখি,

জনাব ! মনে ভাববেন না যে, আমরা একেবারে দুঃখপোষ্য শিশু, কিছুই বুঝি না ! কিছু কিছু বুঝি ।

দুর্গা । রাজাধিরাজ ! আমার উগ্র ভ্রাতাকে ক্ষমা করুন । জাঁহাপনা, আমার আজ এক বিনীত প্রার্থনা সম্রাটপদে নিবেদন কর্তে এসেছি ।

ওরং । উত্তম ! নিবেদন কর ।

শ্যাম । বল, দুর্গাদাস ! ভয় কি ? সম্রাট উদার । তিনি তোমার ভাইয়েব উগ্র ব্যবহার ক্ষমা করেছেন । তোমার ভয়ের কোন কারণ নাই ।

দুর্গা । আমার বিনীত নিবেদন এই যে, মৃত যোধপুরের মহারাণী তাঁর শিশু-পুত্র-কন্যাদের নিয়ে স্ববাজ্যে ফিরে যেতে চান ! সে সম্বন্ধে সম্রাটের অনুমতি ভিক্ষা করি ।

ওরং । আমাব অনুমতির প্রয়োজন ?

দুর্গা । জাঁহাপনার অনুমতির প্রয়োজন কি, তা' আমিও জানি না । কিন্তু মোগল সৈন্যাধ্যক্ষ—তাহবর খাঁ—সম্রাটের বিনা অনুমতিতে তাঁকে ছেড়ে দিতে চাইছেন না ।

ওরংজীব তাহবরের দিকে চাহিয়া জিজ্ঞাসা করিলেন

ওরং । কি জন্ত তাহবর খাঁ ?

তাহবর । জাঁহাপনার সেইরূপ আজ্ঞা ব'লেই জেনেছিলাম ।

ওরং । ও—হাঁ, আমি বলে'ছিলাম বটে যে যশোবন্তসিংহের পরিবারকে তাঁদের দিল্লী হ'তে যাবার পূর্বে আমি পুরস্কৃত কর্তে চাই । যে অনুগ্রহ মহারাজ যশোবন্তসিংহের প্রতি দেখাতে কার্পণ্য করি নাই, সে অনুগ্রহ হ'তে তাঁব পরিবারবর্গকে বঞ্চিত কর'ব না—কি বলেন মহারাজ ?



শ্রাম। সস্ত্রাটের চিরদিনই এই যশোবন্তের পরিবারের প্রতি অসীম  
অনুগ্রহ।

সমর। সস্ত্রাট! আমি না ব'লে থাকতে পারছি না, দুর্গাদাস—  
সস্ত্রাট! অনুগ্রহ করবেন না, এইটুকু অনুগ্রহ করুন। আপনাদের  
জরুরী দেখে বড় ভীত হই না, কারণ সেটা বুঝতে পারি। কিন্তু হাসি  
দেখে বড় ভয় পাই জনাব! কারণ সেটা বুঝতে পারি না। সোজা  
ভাষায় বলুন যে, যশোবন্তসিংহের প্রতি প্রতিহিংসা চান—তাকে যেমন বধ  
করে'ছেন, তাঁর জ্যেষ্ঠপুত্রকে পৃথ্বীসিংহকে যে রূপ বধ ক'রেছেন, সেইরূপ  
তাঁর রাণী আর কনিষ্ঠপুত্রকে বধ ক'রেন। বলুন—সোজা ভাষায় যে,  
যশোবন্তসিংহের কুলের কাউকে বাখবেন না। বলুন—আমরা বুঝতে  
পারছি। কেবল অনুগ্রহ ক'রেন না, জনাব, এই ভিক্ষা চাই। আপনাদের  
শত্রুতার চেয়ে বন্ধুত্ব ভয়ঙ্কর!

দুর্গা। দাদা! তুমি কি আমার প্রার্থনা বার্থ ক'র্তে এসেছো? তুমি  
ফিরে যাও।

সমর। যাচ্ছি, দুর্গাদাস। আব এক কথা—একটি কথা মাত্র।  
মহাশয়ের পূর্বপুরুষ আকবরের চেয়ে মহাশয়কে এক বিষয়ে অধিক শ্রদ্ধা  
করি। কারণ, মহাশয় আকবরের মত ভণ্ড নহেন। মহাশয় খাঁটি  
মুসলমান—সরল গোঁবাব ধার্মিক মুসলমান। সস্ত্রাট তাঁর মত বিবাহছলে  
হিন্দুর হিন্দুত্ব নাশ করেন না। সোজা পরিষ্কার শানিত সনাতন মুসলমান  
প্রথায় স্বধর্ম প্রচার করেন।—ককন, তা'তে ডরাই না। তবে অনুগ্রহ  
ক'রেন না। যা অনুগ্রহ ক'রেছেন, যথেষ্ট! তা'তে এখনো জর্জরিত  
হ'য়ে আছি। আর অনুগ্রহ ক'রেন না। দোহাই—

প্রস্থান

তাহবর থা তাহাকে রোধ করিতে যাইলে ঔরংজীব নিষেধ করিলেন

ঔরং। দুর্গাদাস! তোমার খাতিরে তোমার উগ্র ভাইকে ক্ষমা করলাম। কিন্তু তোমার ভাই একটি কথা সত্য বলেছেন যে, আমি ভণ্ড নহি। আমি অন্তরে বাহিরে মুসলমান। এই সনাতন ধর্ম ভারতবর্ষে প্রচার করবার জন্য এই রাজ্যভার নিইছি। রাজ্যভাব গ্রহণ করবার পূর্বে যাই ক'বে থাকি—রাজ্যভাব গ্রহণ করে অবধি এই ধর্মের ফকিরো ক'ছি।

দুর্গা। তা' সম্পূর্ণ মানি, জাঁহাপনা। তার পবেও যদি আপনি কখন শাঠ্য কবে' থাকেন, সে শঠ্যে প্রতি। তা' গহিত হয় নি। উদার না হ'তে পারে, অহুঁচত হয় নি।

ঔরং। স্বীকার কর?

দুর্গা। করি! কিন্তু জাঁহাপনা। মহারাজ যশোবন্তসিংহ যদি ভ্রমবশে কখন আপনাব প্রতিকূল আচরণ করে' থাকেন, তাঁব বিধবা পত্নী ও নিরীহ সন্তান সম্রাটের প্রতিহিংসাব পাত্র নয়। তারা কোন অপরাধ করে নি।

ঔরং। দুর্গাদাস। আমি তাঁদের পীড়ন কর্তে চাই না। পুরস্কৃত কর্তে চাই।

শ্রাম। সম্রাট তাঁদের পুরস্কৃত ক'র্তে চান, দুর্গাদাস।

দুর্গা। সম্রাটের ইচ্ছায়ই মহাবাগী পুরস্কৃত হয়েছেন। এখন অহুঁমতি দিন।

সম্রাট মহারাজ বিকানীরকে কহিলেন

ঔরং। মহারাজ, এখন আপনি আমার নিভৃত কক্ষে অপেক্ষা করুন গিয়ে। আমি আসছি।

শ্রামসিংহ চলিয়া গেলে ঔরংজীব দুর্গাদাসকে কহিলেন

দুর্গাদাস! তুমি দেখছি শুদ্ধ প্রভুভক্ত ভৃত্য নও; তুমি চতুর রাজনৈতিক। তোমার সঙ্গে চাতুরী নিফল। শোন তবে সত্য কথা। আমি যশোবন্তসিংহের রাণীকে আর তাঁর সন্তানকে চাই।

দুর্গা। জাঁহাপনা ! তা' পূর্বেই জানি। কিন্তু কারণ কি জানি না। মহারাজী নারী, আর যশোবন্তের পুত্র সন্তোজাত শিশু। তাঁদের নিষে সত্ৰাটের কি প্রয়োজন হ'তে পারে ?

ঔরং। দুর্গাদাস। ভাবতসত্ৰাট তাঁব প্রত্যেক প্রজাব কাছে প্রত্যেক কার্যের প্রয়োজন ব্যক্ত ক'র্তে বাধ্য নহেন বোধ হয়।

দুর্গাদাস ক্ষণেক চিন্তা করিয়া কহিলেন

দুর্গা। তবে জাঁহাপনা, আমার যাক্সা নিফল ?

ঔরং। সম্পূর্ণ নিফল।

দুর্গা। তবে আর আমাব কিছু বক্তব্য নাই।

ঔরং। তুমি যশোবন্তের বাণীকে আমাব হাতে সমর্পণ ক'র্তে প্রস্তুত নও ?

দুর্গা। প্রাণ থাকতে নয়।

ঔরং। শোন, দুর্গাদাস। তুমি যশোবন্তের বাণীকে আর তার সন্তানকে আমার হাতে দাও। প্রচুর পুস্কার দিব।

দুর্গাদাস হাসিয়া কহিলেন

দুর্গা। সত্ৰাট—আমি সে শ্রেণীর লোকের একটু উপরে। দুর্গাদাস জীবনে কর্তব্য মাত্র চেনে ; দুর্গাদাস জীবিত থাকতে কারো সাধ্য নাই যে তার মৃত প্রভু যশোবন্তসিংহের পরিবারস্থ কাহারো গায়ে কেহ হস্তক্ষেপ করে !—তবে আসি জাঁহাপনা ! আদাব।

ঔরং। দাঁড়াও।—দুর্গাদাস জীবিত থাকতে তা' সম্ভব না হ'তে পারে। কিন্তু দুর্গাদাসের মৃত্যুর পব তা' সম্ভব। তাহবর খাঁ—বন্দী কর।

তাহবর অগ্রসর হইলে দুর্গাদাস সহসা তরবারি খুলিয়া কহিলেন

দুর্গা। খববদার। এর জন্তও প্রস্তুত হয়ে এসেছি, সত্ৰাট—

এই বলিয়া দুর্গাদাস কটিবিলম্বিত তুরী ডুলিয়া বাজাইলেন

মুহুর্তে পাঁচজন সশস্ত্র ব্যক্তি নগ্ন তরবারি হস্তে দরবার-কক্ষে প্রবেশ করিল

দুর্গা। এই পাঁচজন দেখছেন সম্রাট ! আর এক তুরীধ্বনিতে পাঁচ  
শ' সৈনিক দরবার-কক্ষে প্রবেশ ক'ৰ্বে—বুঝে কাজ ক'ৰ্বেন।

ঔরং। যাও।

সৈনিক দুর্গাদাস চলিয়া গেলেন

ঔরংজীব মুহুর্তকাল স্তম্ভিত হইয়া রহিলেন ; পরে কহিলেন

ঔরং। দুর্গাদাস ! াস্তাম, তুমি প্রভুভক্ত, চতুর, সাহসী, বীর !  
কিন্তু তোমার এতদূর স্পর্ধা হবে তা' ভাবিনি। ( তিনি পবে তাহবরকে  
—ডাকিলেন )—তাহবর খাঁ !

তাহবর। খোদাবন্দ !

ঔরং। সেনাপতি দিল্লীর খাঁকে বল যে, আমার হুকুম—সেনাপতি  
এই মুহুর্তেই সৈন্যে যশোবন্তের গৃহ অবরোধ করেন। যাও।

পট পরিবর্তন

## দ্বিতীয় দৃশ্য

স্থান—দিল্লীর প্রাসাদ অন্তঃপুরে সম্রাজ্ঞী গুলনিয়ারের বসিবার কক্ষ। কাল—

বিশ্রহর। সম্রাজ্ঞী সেই কক্ষে পাদচারণ করিতেছিলেন

সম্রাজ্ঞী। যোধপুরমহিষী ! তুমি একদিন গর্বিত হ'য়ে আমাকে  
ক্রীতদাসী ঘবনী বলে' ডেকেছিলে। সে গর্ব চূর্ণ ক'রেছি কি না ?  
তোমার স্বামীকে কাবুলে পাঠিয়ে হত্যা করাইছি ; তোমার জ্যেষ্ঠপুত্রকে  
বিষপ্রয়োগে হত্যা করাইছি ; তোমার সমক্ষে তোমার কনিষ্ঠ পুত্রকে  
হত্যা ক'ৰ্ব। তোমাকে আমার পাদদোদক খাওয়াবো। পরে তোমার

জীবন্তে কবর দিব। জেনো, যোধপুত্ররাণি! যে এই ক্রীতদাসী  
 যবনী সম্রাজ্ঞীই আজ এই স্ববিস্তীর্ণ মোগল-সাম্রাজ্য শাসন  
 কর্ছে।—ঔরংজীব? ঔরংজীব ত আমার এই তর্জনীসংলগ্নরশ্মি-  
 সঞ্চালিত কাষ্ঠপুত্তলিকা। লোকে জানে অন্তরূপ। সে লোকের  
 মূঢ়তার পরাকাষ্ঠা। নহিলে এই যশোবন্তের রাণী আর তার সন্তোজাত  
 শিশুকে ঔরংজীবের কি প্রযোজন? এ কথা একবার লোকে নিজেকে  
 জিজ্ঞাসাও কবে না।

এই সময়ে ঔরংজীব সেই কক্ষে প্রবেশ করিলেন

গুল। কে! সম্রাট?—বন্দিগি জাঁহাপনা!

ঔরং। গুলনেনয়ার, তুমি এখানে একা?

গুল। এই যে যোধপুরের রাণীর অপেক্ষা করছি।—কোথায় সে?

ঔরং। এখনো ধরা পড়ে নি।

গুল। পড়ে নি?

ঔরং। না!—দুর্গাদাস তাকে দিতে অস্বীকৃত হ'য়ে ফিরে গিয়েছে।

গুল। জীবিতাবস্থায়?

ঔরং। হাঁ—তার সঙ্গে সৈন্ত ছিল।

গুল। আর মোগল-সম্রাজ্যে কি সৈন্ত নাই!—ধিক!

ঔরং। প্রিয়তমে—

গুল। আমি কোন কথা শুন্তে চাই না, সম্রাট! আমি আজই  
 সন্ধ্যার পূর্বে যোধপুরমহিষীকে চাই।

ঔরং। গুলনেনয়ার! আমি মহারানীর আবাসগৃহ অবরোধ কর্তে  
 দিল্লীর খাঁকে পাঠিয়েছি।

গুল। আচ্ছা! সন্ধ্যার পূর্বে আমি তাকে চাই। মনে  
 থাকে যেন।

এই বলিয়া তিনি চলিয়া গেলেন

গুরুজীব যাইতে যাইতে কহিলেন

ওং । কি অদ্ভুত স্পর্ধা এই দুর্গাদাসের ! এখনো তাই ভাবছি ।—  
আমার সম্মুখে দরবার-কক্ষে তরবারি খুলে নেমে ষোড়া ছুটিয়ে চলে' গেল ।—  
এরূপ সাহস পূর্বের কাহাবও হয় নাই ; তার প্রভু যশোবন্তসিংহেরও না !

এই বলিয়া সম্রাট ঘীরে ঘীরে বাহির হইয়া গেলেন

### তৃতীয় দৃশ্য

স্থান—মোগল সেনাপতি দিলীর খাঁর বহির্কাটা ; কাল—অপরাহ্ন । দিলীর খাঁ বর্ণ  
পরিতেছিলেন, সম্মুখে তাঁহার প্রধান সৈন্যধ্যক্ষ তাহবর খাঁ দাঁড়াইয়া ছিলেন ।

দিলীর । কি বল্'ছো খাঁসাহেব ? রাঠোর সেনাপতি দুর্গাদাস  
সম্রাটের নাকের কাছ দিয়ে তলোয়ার ঘুরিয়ে চলে' গেল ?

তাহবর । তা' গেল বৈ কি !

দিলীর । আর তুমি তাই দাঁড়িয়ে দেখ'লে ?

তাহবর । তা' দেখ'লাম বৈ কি !

দিলীর । সোজা হবে ?

তাহবর । যতদূর সম্ভব ।

দিলীর । যতদূর সম্ভব কি রকম ?

তাহবর । এই তার তলোয়ারখানা নাকের উপর দিয়ে ঘুরলো  
কি না—

দিলীর । ঘুরলো না কি ?

তাহবর । ঘুরলো বলে' ঘুরলো ! বেশ একটু ঘুরলো !

দিলীর । তাই তুমি বুঝি একটু কাৎ হ'লে ?

তাহবর। হ'লাম বলে' হ'লাম! আমি বলেই কাৎ হ'লাম! আর কেউ হ'লে চিৎ হ'তেন।

দিলীর। নিজের তলোয়ারখানা বের ক'লে' না কেন?

তাহবর। ফুস'ৎ পেলাম কৈ?

দিলীর। ফুস'ৎ পেলে না বুঝি?

তাহবর। আরে! সে বেটা এমনি হঠাৎ তলোয়ার বের ক'লে' যে ভজলোকে সে রকম করে না। তারপরে সে চলে' গেলে—

দিলীর। তখন তলোয়ার বের ক'লে' বুঝি?

তাহবর। তখন আর বের ক'রে কি কর্ব্ব?

দিলীর। তবে সে চ'লে গেলে কি ক'লে'?

তাহবর। নাকে হাত দিয়ে দেখলেম—নাকটা আছে কিনা!

দিলীর। সন্দেহ হ'ল বুঝি?

তাহবর। একটু হ'ল বৈ কি! বেটা এমন ধাঁ করে' তলোয়ার ঘুরোলে যে তাতে তার সঙ্গে নাকের খানিকটা যাওয়া আশ্চর্য্য কি?

দিলীর। (সম্মিত মুখে) নতুন রকম ব্যাপার বটে! লোকটাকে দেখতে হচ্ছে ত!

তাহবর। তাকে দেখবার জন্তই ত সম্রাট আপনাকে ডেকেছেন! নাও, তোমার যে বর্ষ পরা শেষই হয় না।

দিলীর। আরে রোস! দুপুর বেলায় কোথায় একটু বিশ্রাম কর্ব্ব, না, ছোটো এখন সৈন্ত নিষে একটা উদ্দাদের পেছনে।—এ সামান্য কাজটা তুমি ক'র্ত্তে পা'র্ত্তে না?

তাহবর। না! তার সঙ্গে সমধিক পরিচয় করবার আমার ইচ্ছা নাই! তার উপরে—

দিলীর। তার উপরে?

তাহবর। তার উপরে এই রাজপুত জাতটার উপরে আমার কেমন একটা অভক্তি আছে। তা'রা যুদ্ধ ক'র্তেই জানে না।

দিলীব। কি রকম ?

তাহবর। আরে ! তা'রা যুদ্ধ করে—কোন প্রথা মেনে করে না। ফস করে' তলোয়ার বের কোরেই কোপ্। নিজের মাথার দিকে লক্ষ্য নেই। তার নজর দেখ্ছি ববাবব আমার এই মাথাটির উপরে। এ রকম বেকুফের সঙ্গে যুদ্ধ ক'র্তে আছে ?

দিলীর। নজর বুঝি তোমার মাথার উপরে ?

তাহবর। হাঁ—আরে নিজের মাথা বাঁচিয়ে যুদ্ধ কর—না ধপাধপ্ কোপ দিচ্ছে। যেন শত্রুগুলোকে কচুএন পেয়েছে !

দিলীর। রাজপুত সৈন্ত কত ?

তাহবর। আড়াই শ হবে।

দিলীর। যাও, তাহবর ! পাঁচ হাজার মোগলসৈন্ত তৈয়ের হতে আজ্ঞা দাও। যা'রা প্রাণ তুচ্ছ ক'রে যুদ্ধ করে তারা ভয়ঙ্কর জাত ; তাদের সঙ্গে ভেবে চিন্তে যুদ্ধ ক'র্তে হয়। পাঁচ হাজার মোগল অথারোহী—বুঝ্লে ? যাও।

তাহবর চলিয়া গেলে দিলীর নিজ মনে কহিলেন

“অসমসাহসিক এই রাজপুত জাতি !” কিন্তু সম্রাটের এ আদেশের অর্থ বুঝি না। তিনি যশোবন্তসিংহকে বধ করিষেছেন, কেন না তাকে ভয় ক'র্তেন ! কিন্তু তার পরিবারবর্গের প্রতি আক্রোশ কেন ?—যাই বাড়ীর মধ্যে গিয়ে বিদায় নিয়ে আসি। ফিরে এসে বিদায় নেবার অবসর যদি নাই পাই। আগেই নিয়ে রাখা ভাল।

এই বলিয়া দিলীর অন্তঃপুরাভিমুখীন হইলেন



## চতুর্থ দৃশ্য

স্থান—মেবারের রাণা রাজসিংহের অন্তর্য্যাসী । কাল—অপরাহ্ন । রাজকুমার জয়সিংহের নবোঢ়া দ্বিতীয়া স্ত্রী—কমলা একাকিনী দাঁড়াইয়া ছিলেন ।

কমলা । কেমন তোমাকে পেঁচের মধ্যে ফেলেছি, স্বামী ! ঘোরো এখন ! দিদি অবাক হয়ে গিয়েছে ! এত অল্প সময়ের মধ্যে এসে আর একজন তার মুখের গ্রাস খপ্ করে' কেড়ে নিলে গা ! কি দুঃখ !—হাঃ হাঃ—মস্ত জানি দিদি, মস্ত জানি ! খুব হয়েছে ! এমন একটা স্বামীর মত স্বামী, রাণা রাজসিংহের পুত্র—এমন একটা স্বামী ছুকিয়ে একা একা ভোগ করবে ঠিক ক'রেছিলে দিদি ! গজ্ঞাও করে না !—রাণার এই পুত্রই ত মেবারের রাণা হবে ! আর তুমি একা রাণী হবে মনে করে'ছিলে ! তা' হ'চ্ছে না দিদি ! কেমন চিলের মত ছোঁ মেরে খপ্ করে' কেড়ে নিইছি !—কেমন ! রাণী হবে ? হও !—আর ভীমসিংহ ! তুমি রাজা হবে ? হ'লে আর কি ! রাণা নিজ হাতে আমার স্বামীর হাতে রাজবন্ধনী বেঁধে দিয়েছিলেন, জানো ? বলি ও ভাসুর ! তার খবর রাখো কি ! তার উপর আমার স্বামীই ত রাণার প্রিয়পাত্র । কর্কে কি ভীমসিংহ !—দুই ভায়ে খুব ঝগড়া বাধিয়ে দিয়েছি ! ভীমসিংহ এখন থেকেই যাক্, দূর হোক ! এমনি কল পেতেছি বাবা !—প'ড়তেই হবে । তার পর শ্রীজয়সিংহ মেবারের রাজা, আর শ্রীমতী কমলা দেবী মেবারের রাণী ;—আর তুমি দিদি—সরে' পড় দিদি ! সরে' পড় !

চীৎকার করিতে করিতে জনৈক ধাত্রী প্রবেশ করিল

ধাত্রী । ওরে বাবা রে !

কমলা । কি হয়েছে ?

ধাত্রী। ওরে বাপ ! একেবারে কুরুক্ষেত্রের কাণ্ড রে—ওরে কি হবে রে ।

কমলা। ময় বলি, হয়েছে কি ?

ধাত্রী। আরে একেবারে দক্ষিণজি ! ওরে বাবা ! এমন কাণ্ড কেউ দেখিনি গো—একেবারে নিপুস্ত বধ !

কমলা। বলি, হয়েছে কি ?

ধাত্রী। আর হয়েছে কি—ওরে—একেবারে নক্ষাকাণ্ড রে !

কমলা। বল না, কি হয়েছে ?

ধাত্রী। তবে শুনা !—ঐ ছোট রাজপুত্র—ঐ যে জয়সিংহ—তোমার সোয়ামী গো ।

কমলা। হাঁ—কি কবেছে ?

ধাত্রী। সে ঐ যে বড় রাজপুত্র ভীমসিংহ—তার পায়ে তরোয়াল খুলে এক কোপ—ওরে একেবারে রক্তগঙ্গা ভগীরথ রে !

কমলা। যাঁ ! তার পর ?

ধাত্রী। তার পর আবাব কি ? বড় রাজপুত্র ভীমসিংহ ঐ ছোট রাজপুত্র জয়সিংহের গলা টিপে ধরেছে, এমন সময় রাণা এসে হাজির । এসে বড় রাজপুত্রকে কি বকুনিটাই ব'কলে গা—একে বারে সাত কাণ্ড রামায়ণ, ন ভূতি ন ভবিষ্যতি শুনিয়ে দিলে ! ভীমসিংহের মুখে রা-টি নেই । চূপ করে বেরিয়ে এলো ! মুখখানি চূপ ক'রে চলে গেল ।

কমলা। বেশ হয়েছে ।

ধাত্রী। ওমা সে কথা বোলো না ! বড় ছেলে বড় ভালো গো, বড় ভালো ! দেশপুঙ্ক লোক তাকে ভালো বলে ! আর ছোট ছেলেও ত ছেলে ভালো ! মুই ত তারে হাতে করে মাহুষ ক'রেছি।—যত গোল পাকালি ত এ সংসারে এসে তুই সর্বনাশী !

কমলা। চূপ হারামজাদী !

ধাত্রী। ওরে বাবা ! একেবারে তাড়কা রাক্ষসী রে !

বলিয়া উদ্ধ্বাসে পলায়ন করিল

কমলা। কি ! এতদূর গড়িয়েছে ? এতদূর গড়াবে তা' ভাবিনি !  
তা' মন্দই কি ! দিন থাকতেই মীমাংসা হ'য়ে যাক না । ]

এই সময়ে তাঁহার সপত্নী সরস্বতী সেই কক্ষে প্রবেশ করিলেন

সরস্বতী। এই যে কমলা—কমলা ! এই কি তোমার উচিত কাজ  
হ'চ্ছে ? জানো আজ কি হ'য়েছে ?

কমলা। জানি। তবে আমার কি উচিত কাজ হ'চ্ছে না দিদি ?

সর। স্বামীকে ক্রমাগত তাঁর বড় ভাইয়ের বিরুদ্ধে উত্তেজিত করা ?

কমলা। কে ক'র্ছে ?

সর। তুমি !

কমলা। মিথ্যা কথা ! ভাস্করই ত ঝগড়া বাধান—তাঁর লক্ষ্য চিরকাল  
দেখছি এই মেবাবের সিংহাসনের দিকে। এ ত তাঁর দোষ।

সর। তিনি এ রাজ্য চান না, কমলা ! আমি বেশ জানি !—আর  
যদি বা চান—তিনি ত বড় ভাই !

কমলা। হাঁ, ঘটনাখানেকের বড় বটে ! রাণা নিজে স্বামীর হাতে  
তাঁর জন্মবার সময় হলদে স্নতো বেঁধে দেন নি ?—ঐ নিয়েই ত ঝগড়া।

সর। যদি তাই হয়—আমাদের চেষ্টা করা উচিত নয় কি বোন,  
যাতে সে বিরোধ ত্রাত্বন্ধে পরিণত হয়, যাতে সে কালো মেঘ বিছাৎ  
উদগার না করে' জল হয়ে নেমে যায়, যাতে সে বহি দাহ না করে' দুইটি  
হৃদয়কে যুক্ত করে ?

কমলা। সে কথা আমি তোমার সঙ্গে বিচার ক'র্তে চাই না।  
আমার স্বামীর বিষয় আমি বুঝবো।

সর। বোন ! তিনি তোমারই স্বামী, আমার কি কেউ ন'ন ?

কমলা। তবে তুমি তাঁকে বুঝিয়ে বোলো। আমার সঙ্গে ঝগড়া ক'র্ত্তে আসো কেন ?

বলিয়া দ্রুত পদক্ষেপে সে স্থান হইতে প্রস্থান করিলেন

সর। আমি তাঁকে বুঝিয়ে বলবো ! হা কপাল ! এক দিন ছিল, যখন তিনি আমার কথা শুন্তেন। তার পবে তুমি এসে তাঁকে যে কি মন্ত্বে যাহু ক'ল্লে বোন্, তুমিই জানো।

জয়সিংহ কক্ষে প্রবেশ করিলেন

জয়। কে ? সবস্বতী ? আমি ভেবেছিলাম কমলা।

সর। ভেবেছিলে সত্য। এতখানি ভুল করেছিলে ? কিন্তু কেন সে ভুল এত শীঘ্র ভেঙ্গে গেল ! সে ভুল ভাঙ'বার আগে কেন একবার আমায় কমলা ভেবে প্রাণেশ্বরী বলে' ডাকলে না ? আমি ভুলেও একবার ভাব'তাম যে, আমাকে ডাক্ছো ! সে ভুল ভাঙ'তো ; কিন্তু একবার এক মুহূর্ত্তেবও জগ্গ স্বর্গস্থ অলুভব ক'র্ত্তাম।

জয়। সরস্বতী, আমি এখন যাই। আমার বিশেষ প্রয়োজন আছে।

সব। দাঁড়াও ! আমি তোমাকে আমার হৃদযেব আবেগ জানানাবার জগ্গ ডাকছি না। যা' গিয়েছে তা' আর ফির্কে না !—শোন ! একটা কথা জিজ্ঞাসা করি। বড় ভাইযের সঙ্গে আজ আবার বিবাদ করে'ছিলে ?

জয়। সে দোষ আমার নয় !

সরস্বতী। তাঁর দোষ ?

জয়। আমি রাগে তাঁর পাযে তলোয়ার দিয়ে মেরেছিলাম ; তিনি আমার গলা টিপে ধরে'ছিলেন।

সরস্বতী। তাঁরই ত দোষ বটে !—প্রভু, তুমি ত এ বকম ছিলে না ! কমলা তোমায় নিয়ে খেলাচ্ছে। ভাযে ভাযে বিরোধ কর' না, প্রভু ! যদি কমলা বুঝিয়ে থাকে যে ভাস্কর মেবারের সিংহাসনপ্রার্থী, সে মিথ্যা কথা। ভাস্কর উদার, মহৎ।

জয় । আর আমি নীচ !—বেশ !

সবস্বতী । আমি তা' বলি নাই । তবে আমি বলি যে, যে তোমার কাণে এই মন্ত্র দিচ্ছে সে নীচ, সে তোমার হিতার্থিনী নয় । সে তোমার সর্বনাশ করছে !—ঐ ভাসুর আসছেন, আমি যাই ।—নাথ, তোমার যদি মনুষ্যত্ব থাকে, ত এইক্ষণেই এই ভায়ের ক্ষমা প্রার্থনা কর ।

বলিয়া প্রস্থান করিলেন

তৎপরেই ভীমসিংহ কক্ষে প্রবেশ করিয়া জয়সিংহকে মদুস্বরে ডাকিলেন

ভীম । জয়সিংহ—ভাই ।

জয়সিংহ নীরব রহিলেন

জয়সিংহ—ভাই—আমারই অন্তায় হয়েছিল । আমাকে ক্ষমা কব ।

জয়সিংহ তথাপি নীরব রহিলেন

হাঁ জয়সিংহ ! আমি সম্যক্ ক্রোধ সংবরণ ক'র্ত্তে শিখিনি । আমার উচিত ছিল, ছোট ভাইকে ক্ষমা কবা ।—ভাই ! আমায় ক্ষমা কর ।

এই সময়ে রাণা রাজসিংহ আসিয়া ভীমসিংহকে কহিলেন

বাজসিংহ । ভীমসিংহ । জয়সিং তোমাকে তববারি দিয়ে আঘাত করে'ছে ?

ভীম । না, পিতা, বিশেষ কিছু নয় ।

রাজ । আমি তা' জানতাম না । পরিচারিকাব মুখে শুনলাম । পরে কক্ষ রক্তের রেখা দেখে বুঝলাম যে কথা সত্য—দেখি, কোথায় আঘাত ক'রেছে ?

ভীম । বিশেষ কিছুই নয় ।

রাজ । দেখি—

ভীমসিংহ দক্ষিণ পদ দেখাইলেন

রাজ । হাঁ !—ভীম ! পুত্র ! আমি না দেখেই বিচার ক'রেছিলাম

অন্তায় বিচার ক'রেছিলাম। শান্তি তোমাকে দেওয়া উচিত ছিল না, জয়সিংহকে দেওয়া উচিত ছিল। এই নাও আমার তরবারি—আমার হয়ে তুমি তার শাস্তিবিধান কর।

ভীম। না, পিতা, অন্তায় আমার। জয়সিংহ অবোধ।

রাজ। না, ভীমসিং! আমি ত্রায় বিচার কর্ব! লোকে বলে যে আমি জয়সিংহের পক্ষপাতী। তা' হ'তে পারে। কিন্তু ত্রায় বিচার কর্ব।

ভীম। আমি তাকে ক্ষমা ক'লাম।

রাজ। না, ভীমসিংহ! শাস্তিবিধান কর। আরো আমি একটা দেখছি যে, কিছু দিন থেকে তোমাদের যে কারণেই হোক বনে না। ভবিষ্যতেও বোধ হয় বনবে না। দুই জনেই রাজ্যের জন্ত যুদ্ধ ক'র্বে। আমি মরে' গেলে তা' হওয়ার চেয়ে আমার জীবিতাবস্থায়ই সে যুদ্ধ হয়ে থাক। রাজ্যের অমঙ্গল হবে না। এই নাও তরবারি। যুদ্ধ কর।

ভীম। পিতা, আমি রাজ্য চাহি না, এর জন্ত বিবাদ ক'র্বে না—শপথ করছি।

রাজ। প্রমাণ কি?

ভীম। আমি এই দণ্ডেই রাজ্য পরিত্যাগ করে যাচ্ছি।—প্রতিজ্ঞা ক'ছি যে, এই রাজ্যে যদি আর জলগ্রহণ করি, ত আমি আপনার পুত্র নই।

রাজসিংহ কিয়ৎকাল নিম্নরূপ রহিলেন; পরে কহিলেন

রাজ। তুমি আজ বড় কঠোর প্রতিজ্ঞা ক'রেছ, ভীম! তুমি নির্দোষ; জয়সিংহের দোষের জন্ত তুমি স্বদেশ হ'তে চিরনির্বাসিত হবে। তবে আমি যখন ভ্রমবশে রাজবন্ধনী জয়সিংহের হাতে বেঁধে দিয়েছি, এখন বোধ হয় রাজ্যের মঙ্গলের জন্ত তোমার এ রাজ্য পরিত্যাগ করাই ঠিক! কিন্তু মনে রেখো, ভীম! যে, এই স্বার্থত্যাগ রাজ্যের মঙ্গলের জন্ত ক'র্ছ, রাজ্যের প্রতি বিদ্বেষবশে নয়।

ভীম । এই রাজ্যের কল্যাণেই যেন আমি ম'রতে পারি । পিতা, প্রণাম হই । ( পরে জয়সিংহকে কহিলেন ) ভাই, আশীর্বাদ করি, জয়ী হও, যশস্বী হও ।

এই বলিয়া ভীমসিংহ চলিয়া গেলেন

রাজ । আমার পুত্র বটে ।—জয়সিংহ ! শিক্ষা কর—বীরত্ব কা'র বলে ।

উভয়ে বিপরীত দিকে নিজান্ত হইলেন

### পঞ্চম দৃশ্য

স্থান—দিল্লী নগরীতে যশোবন্তসিংহের গৃহের দ্বিতল কক্ষ । কাল অপরাহ্ন । দুর্গাদাসের ভ্রাতা সমর ও যোধপুরের সামন্তগণ উত্তেজিত ভাবে দণ্ডায়মান ।

বিজয়সিংহ । তুমি তা হ'লে উদ্দেশ্য বিফল করে' এসেছো ?

সমর । বিজয়সিংহ ! আমি ক্রোধ সংবরণ ক'র্ত্তে শিখিনি ।

মুকুন্দসিংহ । তবে গেলে কেন ?

সমর । এক উদ্দেশ্যে !—একবার পাণ্ডিত্যকে দেখতে—মুখোমুখি দেখতে । সম্রাটের কাছে কোন ভিক্ষা ক'র্ত্তে যাইনি । সে কাজ দুর্গাদাস করুক । আমার কৌশল নাই, চাতুরী নাই । আমার সহায় ভগবান, আর এই তরবারি ।

সুবলদাস । সেনাপতি এখনো এলেন না কেন ?

বিজয়সিংহ । সম্রাট তাঁকে ছলে বন্দী করেননি ত ?

সমরদাস চীৎকার করিয়া উঠিলেন

সমর । কি ! তাও কি সম্ভব ?

সুবল। না, সমর ! সেনাপতি সম্যক্ সতর্ক না হ'বে কোন কাজে হাত দেন না ।

মুকুন্দ । এ দুর্দিনে তিনিই আমাদের ভরসা । ঐ তুরীধ্বনি । ঐ যে সেনাপতি ঘোড়া ছুটিয়ে আসছেন !—উঃ ! কি ভয়ানক ছুটিয়ে আসছেন !

বিজয় । দরকার কি ? সেনাপতি এখানে আসুন না ।

নেপথ্যে দুর্গাদাসের স্বর শ্রুত হইল

“প্রস্তুত হও, প্রস্তুত হও ।”

সমর । প্রস্তুত ! কিসের জন্ত ?

সুবল । ঐ যে দুর্গাদাস উপরে আসছেন ।

বর্ধমান্ত কলেবরে দুর্গাদাস কক্ষমধ্যে প্রবেশ করিলেন

দুর্গা । সকলে প্রস্তুত হও ।

সমর । কিসের জন্ত ?

দুর্গা । আত্মরক্ষার জন্ত ।

বিজয় । কি সংবাদ শুনি ?

দুর্গা । বিস্তারিত বলবার এখন সময় নাই, বিজয়সিংহ ! যশোবন্তের পবিবারকে ছাড়বে না সম্রাট্ ; সে তাঁদের চায় ।—মহারাজী আর তাঁব পুত্র-কন্যাদের বাঁচাতে হবে ।—এক্ষণেই মোগলসৈন্য এসে এ বাড়ী ঘেরাও কর্বে ।

বিজয় । উপায় ?

দুর্গা । এক মাত্র উপায় আছে, আপনাদের প্রাণদান করা । বন্ধ-গণ ! মহারাজীর জন্ত কে কে প্রাণ দিতে প্রস্তুত ?

সকলে । সকলেই প্রস্তুত ।

দুর্গা । কিন্তু শুদ্ধ প্রাণ দিলেই হবে না । মহারাজীকে আর তার সন্তানদের নিরাপদ করা চাই ।



ঠিক এই মুহূর্তে যশোবন্তের রাণী সেই কক্ষে প্রবেশ করিয়া স্থিরকণ্ঠে কহিলেন  
 রাণী। যশোবন্তের রাণী নিরাপদ। তার জন্ত চিন্তা নাই, দুর্গাদাস !  
 তার পুত্রকে—যোধপুত্রবংশের প্রদীপকে বাঁচাও। সে বংশ রক্ষা কর।  
 রাণী য জন্ত ভয় নাই। সে ম'রতে জানে।—শিশুকে বাঁচাও, দুর্গাদাস !  
 দুর্গা। সে চেষ্টার ক্রটি হবে না, মা !—মা, শিশুকে আনুন।  
 যশোবন্তের রাণী প্রস্থান করিলেন

দুর্গা। বিজয় ! কাশিমকে ডাকো।

বিজয় প্রস্থান করিলেন

দুর্গা। দাদা ! বাহিরে একটা মিষ্টানের বুড়ি আছে, নিয়ে এসো।  
 সমর। মিষ্টানের বুড়ি ! কি জন্ত ?  
 দুর্গা। তর্কের সময় নাই, দাদা !—যাও।

সমরসিংহ প্রস্থান করিলেন

দুর্গা। মুকুন্দদাস—এই যে কাশিম।

এই সময় বিজয় ও কাশিম সেই কক্ষে প্রবেশ করিল ও কাশিম দুর্গাদাসকে  
 অভিহান করিল।

কাশিম। হুজুর, কি আজ্ঞে হয় ?

দুর্গা। কাশিম ! তোমায় একটা কাজ ক'র্তে হবে। মহারাজ-  
 কুমারকে বাঁচাতে হবে। মোগলদৈত্য এখনি আসবে তাকে ছিনিয়ে  
 নিতে।—তোমায় তাকে বাঁচাতে হবে।

কাশিম। আজ্ঞে করুন, হুজুর।

সমর একটা বুড়ি লইয়া প্রবেশ করিলেন

দুর্গা। এই যে—তুমি এই মেঠাঘের বুড়ি করে' যশোবন্তের  
 শিশুকে নিয়ে যাবে। তুমি মুসলমান তোমাকে কেউ সন্দেহ ক'র্বে না।  
 —বুঝলে ?

কাশিম । কোথায় যেতে হবে, হুজুর ?

দুর্গা । দূরে ঐ মন্দিরের চূড়া দেখ্‌ছো ?

কাশিম । দেখ্‌ছি ।

দুর্গা । ঐ মন্দিরের পুরোহিতের কাছে দিবে আস্বে, তার পর যা ক'র্ত্তে হবে, তিনি জানেন । মোগলসৈন্ত এসে প'ড়লো বলে'—এই ক্ষণেই যেতে হবে ।

কাশিম । যে আজ্ঞা, হুজুর । আমি লেড়্‌কার জন্ত জান নিতে পার্‌ব ।

দুর্গা । তা' জানি, কাশিম ! নইলে এ কাজ তোমাকে দিতাম না ।

শিশুকে লইয়া রাণী <sup>১৭-১৮</sup> প্রবেশ করিলেন

দুর্গা । মহারাণী ! শিশুকে কাশিমের হাতে দিন ।—কোনও ভয় নাই, মা—আমি বল্‌ছি ।

রাণী । তুমি যখন ব'ল্‌ছো, দুর্গাদাস—কাশিম ! তোমারও একটা ধর্ম্ম আছে ।

কাশিম । কোন ভয় নেই মা । আমি তাকে নিজের জানের চেয়ে যতন ক'রে নিয়ে যাবো মা !

কাশিম শিশুকে রাণীর হস্ত হইতে লইল

রাণী । ( পুনর্বার শিশুকে কাশিমের হাত হইতে লইয়া চুখন করিয়া গদগদস্বরে কহিলেন ) বাছা আমার !

দুর্গা । দেন—আর সময় নাই ।

রাণী । ( পুনর্বার চুখন করিয়া কাশিমের হস্তে দিলেন ) ধর্ম্ম সাক্ষী কাশিম ।

কাশিম । ধরম সাক্ষী, মা ! কোন ভয় নেই, মা !—(বলিয়া কাশিম শিশুকে বুড়িতে পুরিল ও বুড়ি মাথায় করিল ।)

সমর । যদি ধরা পড়ে ?

রানী। যদি ধরা পড়ে, ত এই ছুরী ওর বুকে বিঁধিয়ে দিও।  
জীবিতাবস্থায় ওকে কেউ যেন ঔরংজীবের কাছে নিয়ে যেতে না পারে।

ছুরিকা প্রদান

দুর্গা। কোন ভয় নেই, মা!—যাও, এই পিছনের দরোজা দিয়ে  
যাও।—এস, দেখিয়ে দিচ্ছি।

কাশিম খুড়ি লইয়া প্রস্থান করিল। পশ্চাৎ দুর্গাদাস, ও তাঁহার

পশ্চাৎ রানী বাহির হইয়া গেলেন

বিজয়। দুর্গাদাস! ধন্য তোমার উপস্থিত বুদ্ধি!

সুবল। এ সব দুর্গাদাস সত্ৰাটের কাছে যাবার পূর্বে ঠিক করে'  
গিয়েছিল, আমি নিশ্চয় ব'লতে পারি।

মুকুন্দ। ঐ মোগলসৈন্ত আসছে!

বিজয়। এ যে অসংখ্য সৈন্ত!

সুবল। সঙ্গে অসংখ্য সেনাপতি দিলীব খাঁ!

দুর্গাদাস পুনঃ প্রবেশ করিয়া কহিলেন

দুর্গাদাস। ব্যাস! এখন নিশ্চিন্ত। মোগলসৈন্ত এসে পড়ে'ছে—  
এখন তোমরা মরবার জন্য প্রস্তুত হও।

বিজয়। আর স্ত্রী কন্তারা?

দুর্গা। তাদের উপায় আমি ক'ছি! সত্ৰাটের কাছে যাবার আগে  
কেন সে বিষয় ভাবিনি?—ডাকো তাঁদের, দাদা!

সমরদাস আবার বাহির হইয়া গেলেন

মুকুন্দ। ঐ মোগলসৈন্ত এসে প'ড়লো!

বিজয়। গুলি চালাচ্ছে!

সুবল। দরোজা ভাঙ'বার চেষ্টা ক'চ্ছে!

মুকুন্দ। আগুন জ্বলছে, বাড়ীতে আগুন দেবে বোধ হয়।

দুর্গা। না, হ'লো না; আর সময় নাই।

নারীগণের সঙ্গে সমরদাস কক্ষে প্রবেশ করিল

দুর্গা! মা সকল! আজ তোমাদের জন্ত বড় কঠোর বিধান ক'র্ত্তে হ'চ্ছে। আজ তোমাদের পুড়ে' ম'রতে হবে।

জনৈক প্রোচা নারী। সে আমাদের পক্ষে কিছু নূতন নয় সেনাপতি! আমরা ক্ষত্রিয় নাবী, ম'রতে জানি।

দুর্গা। অল্প উপায় নাই, মা! আমরাও ম'রতে যাচ্ছি—যাও মা সকল। ঐ ঘরে যাও; ঐ ঘর বাকুদে পোরা। তা'তে তোমাদের দাঁড়াবার মাত্র স্থান আছে। বাকুদের উপর গিয়ে দাঁড়াও, তার পর আর কি ব'লব মা!

উক্ত নারী। তার পর আমি স্বহস্তে তা'তে আগুন দেবো। চল সব! আত্মীয়তাকেনা রাগী সেই কক্ষে পুনঃ প্রবেশ করিলেন

নারীগণ। রাগীমার জয় হউক!

রাগী। (জয়? আমাদের জয় মৃত্যু! ম'রতে যাচ্ছো!—যাও!—যাও স্বর্গধামে!—আমি তোমাদের সঙ্গে আজ যাব না। আমি আজ পারি যদি, বাঁচবো। এখনি মরতে চাচ্ছিলাম, দুর্গাদাস! না, আমি মরব না। উপর থেকে কে আমাকে ডেকে ব'লে—“সময় হয় নাই—তোমার কাজ বাকি আছে।”) আমায় বাঁচতে হবে। দুর্গাদাস! পারো ত আমায় এই দিন—এই এক দিন মাত্র আমাকে বাঁচাও। (জাহ্নু পাতিয়া করযোড়ে) দৈব! আজ আমাকে রক্ষা কর। (উঠিয়া) তার পর—তার পর—দেশে আগুন জালবো—এমন আগুন জালবো যে, সপ্তসমুদ্রের বারি তাকে নেবাতে পার্কে না।

দুর্গা। মা! পারি ত আজ আমাদের প্রাণ দিয়ে মহারানীকে বাঁচাবো। তোমরা যাও, মা। দরোজা ভাঙলো বলে'!

অস্তান্ত নারীগণ প্রস্থান করিলেন

বাণী । চল তবে, দুর্গাদাস !—বোসো । আমি কল্যাকে নিয়ে আসি ।  
তাকে ফেলে যাবো না । বুকে কবে নিয়ে যাবো ।—তোমরা এসো !

এই বলিয়া মহারাণী প্রস্থান করিলেন

দুর্গা । দাদা !

সমর । ভাই ।

দুর্গা । চল তবে ম'রতে ।

সমর । চল ।

দুর্গা । একটু অপেক্ষা কর এদের শেষ দেখে যাউ । ঐ—ঐ—  
( দূরে ভীষণ শব্দ ) ঐ যাক । হযে গিয়েছে , সব শেষ ।—চল ।

সমর । চল ।

দুর্গা । ভাই । ভাই । বুঝি শেষ দেখা । মর্কবার আগে এসো ।

উভয়ে কোলাকুশি করিলেন

পটপরিবর্তন

## ষষ্ঠ দৃশ্য

স্থান—সম্রাটের অন্তঃপুর কক্ষ । কাল—প্রভাত । ঔরংজীব একাকী

ঔরংজীব । কি ।—যশোবন্তের বাণী আড়াই শ' মাত্র সৈন্ত নিয়ে  
পাঁচ হাজার মোগলসৈন্তেব ব্যুহ ভেদ করে' চলে' গেল ।—আর সে  
মোগলসৈন্তের সৈন্তাধ্যক্ষ স্বয়ং দিল্লী থা' !—এব মধ্যে কিছু রতন্ত  
আছে !—দৌবারিক !

নেপথ্যে । খোলাবন্দ ।

ঔরংজীব । সেনাপতি দিল্লীর থা' ।

নেপথ্যে । যো হকুম ।

ঔরংজীব। এখন সম্রাজ্ঞীর কাছে মুখ দেখাবো কি করে? অপमानে আমার অঙ্গ-প্রত্যঙ্গ জ'লছে।

বেগে গুলনেয়ার কাছে প্রবেশ করিলেন

গুলনেয়ার। সম্রাট! এ যা শুন্ছি, তা' কি সত্য?

ঔরংজীব। কি সত্য?

গুল। এই সংবাদ—যে যশোবন্তের রাণী আড়াই শ' মাত্র সৈন্ত নিয়ে মোগল কটক ভেদ ক'রে চলে' গিয়েছে?

ঔরংজীব। হাঁ প্রিয়ে, সত্য।

গুল। তোমার এই সৈন্ত, এই সেনাপতি, এই শক্তি নিয়ে তুমি ভারতবর্ষ শাসন ক'র্ত্তে বসে'ছো?

ঔরংজীব। প্রিয়তমে—

গুল। আর কাজ নেই সো'গে সম্রাট। আমার একটা যৎ-সামান্য ইচ্ছা পূর্ণ করবার জন্য তোমাকে বলে'ছিলাম তার এই পরিণাম!

ঔরংজীব। আমার যথাসাধ্য ক'রেছি!

গুল। তোমার যথাসাধ্য তুমি করে'ছো?—তোমার সাধ্য এইটুকু? তুমি ব'লতে চাও—আজ তোমার হাতে পড়ে', মোগল রাজশক্তি এমন ক্ষীণ হ'য়ে গিয়েছে যে, এক নারী—সঙ্গে আড়াই শ' মাত্র সৈন্ত—সেই শক্তি দীর্ণ, চূর্ণ, দলিত করে' চলে' গেল! হা ধিক!

ঔরংজীব নীরব হইলেন

গুল। যশোবন্তের রাণী এখন কোথায়?

ঔরংজীব। সম্ভবতঃ তিনি রাণা রাজসিংহের আশ্রয়ে—মেবারে।

গুল। মেবার আক্রমণ কর—আমি যশোবন্তের রাণীকে আর তার পুত্রকে চাই।

ঔরংজীব। গুলনেয়ার, এ বিষয়ে বিবেচনা করা যাবে।

গুল। বিবেচনা?—বেগম গুলনেবারের ইচ্ছাই সম্রাট ঔরং-জীবের কাছে যথেষ্ট নয় কি?—বিবেচনা?—শোন, আমার এক কথা শোন; আমি যশোবন্তের রাণীকে চাই-ই। সে স্বর্গে থাকুক, মর্ত্যে থাকুক, পাতালে থাকুক, আমি তাকে চাই। মেবার আক্রমণ কর।

ঔরংজীব। প্রিয়তমে—

গুল। গুলে চাই না। মেবার আক্রমণ কর!

এই বলিয়া সম্রাজ্ঞী গভীর অভিমানে কক্ষ পরিত্যাগ করিলেন। ঔরংজীব

সেই কক্ষে একাকী পাদচারণ করিতে লাগিলেন।

ঔরংজীব। আমি এ কথা বিশ্বাস ক'র্তে পারি না। আড়াই শ' মাত্র রাজপুতসৈন্য পাঁচহাজার মোগলের ব্যুহ ভেদ কবে' চলে গেল! নিশ্চয় এর মধ্যে বিশ্বাসঘাতকতা আছে।—কিন্তু সেনাপতি দিলীব খাঁ বিশ্বাসঘাতকতা ক'র্তে, এই বা কি বলে' বিশ্বাস কবি? দিলীব খাঁ—আমার বাল্যের বন্ধু, যৌবনের সহায়, বার্কাক্যেব মন্ত্রী—দিলীব খাঁ—সবল, মহৎ, উদার দিলীর খাঁ—আমার বিশ্বাসঘাতক হবে!—আমি বিশ্বাস ক'র্তে পারি না। কিন্তু আড়াই শ' রাজপুতসৈন্য পাঁচহাজার মোগলসৈন্য কেটে বেরিয়ে গেল! আর সে মোগলসৈন্যের সেনাপতি স্বয়ং নির্ভীক পরাক্রান্ত বীরবর দিলীর খাঁ!—তাই বা কি বলে' বিশ্বাস করি—নিশ্চয় এব ভিতর কোন গুচ রহস্য আছে।—এই যে দিলীর খাঁ!

দিলীর খাঁ প্রবেশ করিয়া অভিবাদন করিলেন

দিলীর। বন্দীগি, জাঁহাপনা!

ঔরংজীব। দিলীর খাঁ! তোমায় ডেকে পাঠিইছি জান্তে যে, এ কথা সত্য কি না যে—

দিলীর। সম্রাট বা গুলেছেন, তা সম্পূর্ণ সত্য।

ঔরংজীব। আমার কথা শেষ ক'র্তে নাও—এ কথা সত্য কি না

যে, আড়াই শ' মাত্র রাজপুত পাঁচহাজার মোগলসৈন্য ভেদ করে' চলে গিয়েছে ?

দিলীর। হাঁ জাঁহাপনা, এ কথা সম্পূর্ণ সত্য !

ঔরং। আর সে সৈন্তের সেনাপতি তুমি !

দিলীর। হাঁ জনাব !

ঔরংজীব। যুদ্ধ ক'রেছিলে ?

দিলীব। জনাব ! এই যুদ্ধে আমাদের পাঁচ হাজার সৈন্তের মধ্যে পাঁচ শ' বেঁচেছে। রাজপুতদেব মধ্য বোধ হয় পাঁচটি।

ঔরংজীব। আর যশোবন্তের রাণী।

দিলীর। তিনি সামন্তদের সঙ্গে উদয়পুর অভিযুগে গিয়েছেন।

ঔরংজীব। শিশু ?

দিলীব। শিশুকে সেই সৈন্তদের মধ্যে দেখি নাই জনাব ! তবে যশোবন্তের রাণীর বৃকের উপর একটি তিন বৎসরের কন্যা ছিল।

ঔরংজীব। মোগলসৈন্য কি মেঘের অধম হ'য়েছে যে, একটা নারীর গতি প্রতিরোধ ক'র্তে পারবে না ?—সঙ্গে তার আড়াই শ' মাত্র সৈন্য ?

দিলীর। জানি না, জাঁহাপনা। কিন্তু যখন সেই নারী মোগলসৈন্য-বাহের সম্মুখে এসে দাঁড়ালেন—নিরবগুণ্ঠনা, আল্লায়িতকেশা, বক্ষে স্তূপ কন্যা—তখন মহারাণীর আড়াই শ' সৈন্য আড়াই লক্ষ বোধ হ'ল। সেই মোগলসৈন্য কৃষ্ণমেঘের উপর দিয়ে তিনি বিহ্বালের মত এসে চলে' গেলেন। কেউ তাঁকে স্পর্শ ক'র্তে সাহস ক'ল্লে না।

ঔরংজীব। আর তুমি ?

দিলীর। আমি দূরে দাঁড়িয়ে সে অপূর্ণ মাতৃমূর্তি দেখলাম। বলতে চেষ্টা করলাম—“ধর যশোবন্তের রাণীকে।”—কণ্ঠ রুদ্ধ হোল। তরবারি খুলতে চেষ্টা করলাম—তরবারি উঠলো না। পিস্তল নিলাম—পিস্তল হাত থেকে প'ড়ে গেল।



ঔরংজীব। দিলীব খাঁ! তুমি কি পাগল হ'য়েছ?

দিলীর। হয ত হয়েছি। জানি না! কিন্তু সেই মুহূর্ত্তেই যেন বোধ হল যে, আমি আর একটা মানুষ হ'য়ে গেলাম! এক মুহূর্ত্তে কে যেন এসে আমার হৃদয়ের দ্বারে আঘাত করে' রক্ত-দুয়ার খুলে দিলে। একটা নূতন জগৎ দেখলাম।

ঔরংজীব। তাই তুমি পাঁচহাজার সৈন্য নিয়ে সন্ডের মত খাড়া হ'য়ে দাঁড়িয়ে দেখলে?

দিলীর। হাঁ, জনাব! দেখলাম সে এক মহিমময় দৃশ্য। কি সে মহিমা! আশ্চর্য্য!—আল্লাযিতকেশা নাবী। বুকেব উপর তার যুমস্ত শিশু! কি সে দৃশ্য, জাঁহাপনা!—নির্ম্মেষ উষাব চেয়ে নির্ম্মল, বীণার বন্ধারের চেয়ে সঙ্গীতময়, ঈশ্বরের নামের চেয়ে পবিত্র—সেই মাতৃমূর্ত্তি। আমি বজ্রাহতের ন্যায় দাঁড়িয়ে রৈলাম।

ঔরংজীব। তার পব?

দিলীর। তার পব সে মূর্ত্তি অন্তর্হিত হ'লে জ্ঞান হোল। চোঁচিয়ে উঠলাম, “আক্রমণ করো।” আমাদের পাঁচহাজার তরবারি সেই সন্ধ্যালোকে ঝলসে উঠলো! বিপক্ষ ফিরে দাঁড়ালো। যুদ্ধ বাধলো! মানুষ প'ডতে লাগলো—ভূমিকম্পে বালুস্তূপের মত। যুদ্ধ শেষ হ'লে দেখলাম—আমাদের পাঁচশ' সৈন্য অবশিষ্ট; বিপক্ষ পক্ষের একজনও না। মৃতদেব মধ্যে দুর্গাদাস আর তার ভাইকে খুঁজে পাওয়া গেল না।

ঔরংজীব। দিলীর! তুমি মেঘেমানুষেরও অধম! যাও।

উভয়ে বিপরীত দিকে নিষ্ক্রান্ত হইলেন

## সপ্তম দৃশ্য

স্থান—রাণা রাজসিংহের বহির্বাটী ! কাল—অপরাহ্ন । উচ্চ আসনে রাণা  
রাজসিংহ । সম্মুখে শিশুহস্তে যশোবন্তসিংহের রাণী মহামায়া জাহ্ন  
পাতিয়া উপবিষ্টা । দক্ষিণে দুর্গাদাস ও কাশিম

রাণী । রাণা ! আমার এই শিশুকে আপনার দুর্গে স্থান দিন,  
বেশী দিনের জন্ত নয়, রাণা ! সামান্য কিছুদিনের জন্ত !

রাজসিংহ । মহামায়া, তোমার পুত্র আমার পর নয় ; এর জন্ত  
মিনতির প্রয়োজন কি ?—দুর্গাদাস ! ঔরংজীব কি এরই প্রাণবধ  
ক'র্ত্তে চান ?

দুর্গা । নইলে আর কি উদ্দেশ্য হ'তে পারে, মহারাণা ?

রাণী । রাণা ! এক পুত্র আর এক কন্যা—শুধু এই সম্পত্তি নিয়ে  
সে দিন দিল্লী থেকে বেরিয়েছিলাম । পথে কন্যাটি হারিয়েছি । আমার  
সম্পত্তির অবশিষ্ট মাত্র আছে এই সন্তোজাত পুত্রটি, আমার এই শেষ,  
একমাত্র, সর্বস্বধন পুত্রটিকে রক্ষা করুন, রাণা ! ঈশ্বর আপনার মঙ্গল  
করেন ।

রাজসিংহ । তোমার পুত্রের জন্ত কোন চিন্তা নাই, মহামায়া ! আমি  
তাকে নিজের প্রাণ দিয়ে রক্ষা ক'র্ব্ব ।

রাণী । রাণার জয় হোক ।

রাজসিংহ । দুর্গাদাস ! ঔরংজীবের অত্যাচারের মাত্রা ক্রমেই  
বাড়ছে । তিনি হিন্দুদের উপরে আবার এই জিজিয়া কর স্থাপিত  
ক'রেছেন ! তার পরে বাড়বারপতি যশোবন্তসিংহের পরিবারের প্রতি  
এই দারুণ অবিচার !—দেখি, পত্র লিখে সাবধান করে' দিয়ে, যদি তাঁকে  
নিবৃত্ত ক'র্ত্তে পারি ।

মহামায়া। পত্র লিখে ? অনুমত করে ? নতজাহ্নু হ'য়ে ভিক্ষা চেয়ে ? না, মহারাণা ! আর না ! আর না ! এবার যখনরাজ্য উচ্ছেদ ক'র্ব্ব।

রাজসিংহ। না, মহামায়া ! বিনা বহরক্ৰপাতে তা' সিদ্ধ হবে না। যখন একটা রাজ্য প্রতিষ্ঠিত হ'য়েছে, তাকে তখন ধ্বংস ক'র্ত্তে চেষ্টা করা অন্তায়। বরং তাকে আরও সুপ্রতিষ্ঠিত ক'র্ত্তে চেষ্টা করা উচিত।

মহামায়া। বিজ্ঞাতি-শাসনকে রক্ষা ?—এই কি ক্ষত্রধর্ম্ম ?

রাজসিংহ। ক্ষত্রধর্ম্ম কেবল বধ করার ধর্ম্ম নয়, মহামায়া ! বধ করা বিঘাটা একটা উচ্চ অঙ্গের বিঘা নয়। আত্মরক্ষার্থ কিংবা আত্মরক্ষার্থ ভিন্ন উদ্দেশ্যে বধ করার নাম হত্যা।

পরে রাজসিংহ কাশিমের পানে চাহিয়া জিজ্ঞাসা করিলেন এ কে ?

দুর্গা। এ কাশিমউল্লা। আমাদের পুরাতন বন্ধু। এ নিজের প্রাণ তুচ্ছ করে' আমার প্রভুর পুত্রকে রক্ষা করে'ছে।

কাশিম। রাণা ! মুই এদের পুরানো চাকর। মহারাণা একবার মোরে বড় বিপদে বাঁচান। মুই সেই থেকে এদের ঘরে থাকে মাছুষ।

রাজসিংহ। দুর্গাদাস ! মুসলমান জাতের মধ্যে কাশিমও ত জন্মায় !

কাশিম। মহারাজা, মোদের জাতের নিন্দা করো না। মোরা জাত ধারাপ নই। মোরা সব হ'তে পারি ! নেমক্‌হারাম নই।

রাজসিংহ। না, কাশিম ! তোমার জাতির নিন্দা ক'র্ছি না। তবে বাদশাহের সঙ্গে তোমার তুলনা ক'র্ছি। বাদশাহ এই ছোট ছেলেটিব প্রাণ নিতে চান—আর তুমি—

কাশিম। আহা, দেখ দেখি ! আহা এই চেংড়া। এখনো চোখ ফুটেনি।—আহা, বাছা মোর শীতের রোদ্দুরে বড় দুকু পেয়েছে। বাছা মোর !—হুঁ—এখন গুট গুট কোরে তাকানো হ'চ্ছে। আহা ! চোক ত নয়—জীলপদ।

রাজসিংহ। ঔরংজীব ! তুমি দিল্লীর সিংহাসনে বসে' এক নিরীহ

শিশুকে হত্যা করবার জন্য ব্যগ্র ; আর তোমারই জাতের এই কাশিম তাকে প্রাণ দিয়ে রক্ষা কর্তে প্রস্তুত !—ঈশ্বরের চোখে কে বড়, ঔরংজীব ?

রাণী। রাণা ! আমি এই বিরাট অত্যাচারের প্রতিশোধ নেবো !  
—এর প্রতিশ্রুতি নেবার জন্যই সে দিন অস্ত্রাস্ত্র নাবীদের সঙ্গে পুড়ে মরিনি ! তার জন্যই এখনও বেঁচে আছি—আপনি কেবল এই শিশুকে রক্ষা করুন !

আজ। আমি বলেছি, এর জন্য কোন চিন্তা নাই, মহামায়া ! তুমি আর তোমার পুত্র এখানে নিশ্চিন্ত হৃদয়ে বাস কর ।

রাণী। না, রাণা ! আমি এখানে বাস করব না । আমার এ বর নয় । আমি আমার মৃত স্বামীর রাজ্যে ফিরে যাব । সম্পদে বিপদে, সুখে দুঃখে, শান্তিতে বিগ্রহে, জীবনে মরণে, স্বামীর ঘরই নাবীর ঘর—পিতৃগৃহ পর । আমি মাড়বারে ফিরে যাবো ।

রাজা। কিন্তু সে স্থান ত এখন তোমার পক্ষে নিরাপদ হবে না, মা ।

রাণী। নিরাপদ ! আমি কি এখানে নিরাপদ খুঁজতে এসেছি ? না, রাণা, আমি আর নিরাপদ খুঁজি না । আমি আপদ খুঁজি । আপদের ক্রোড়ে আমি লালিত, ভূমিকম্পে আমার জন্ম, বজ্রাঘ আমার আবাস, প্রলয়মেঘে আমার শয্যা ।—বিপদ ! তার সঙ্গে ত সই পাতিয়েছি, রাণা । আমার বিপদ !—বিধবা, পুত্রহারা, হতসর্কস্বা, পথের ভিখারিণী আমি । আমার আবার বিপদ ! রাণা, আমার একমাত্র বিপদ অবশিষ্ট আছে—সে এই শিশুর হত্যা । তাকে রক্ষা করুন, রাণা ! আর কিছু চাই না, তাকে রক্ষা করুন । আমি মাড়বারে ফিরে যাবো ! আগুন জালবো ! আগুন জালবো ! এমন আগুন জালবো—যাতে ঔরংজীব ত ছার—যাতে সমস্ত মোগলসাম্রাজ্য ধ্বংস, চূর্ণ, ভগ্ন হয়ে উড়ে যাবে ।

# দ্বিতীয় অঙ্ক

## প্রথম দৃশ্য

স্থান—দিল্লীর প্রাসাদের অন্তঃপুরস্থ উদ্যান। কাল—সন্ধ্যা। ঔরঞ্জীবের পৌত্রী, আকবরের কন্যা রাজিখা একাকিনী সে উদ্যানে বেড়াইয়া গাহিতেছিলেন :

কোথা যাও হে দিনমণি,                      আমার সঙ্গে নিয়ে যাও ভাই

যখন নিয়ে গেলে চ'লে, তোমার সর্ব গরিমাই

চাহে কেবা রৈতে ভবে      আধার ছেয়ে আসে যবে !

—চাহে যে সে থাকুক পড়ে' আমি ত না রৈতে চাই।

তুফান মাঝে, সিঙ্কনীরে, আশা ভেলায় বেঁধে বুক,

থাকুক তা'রা যাদের কাছে বেঁচে থাকাই পরম সুখ ;

যতদিন এ জীবন রাখি,                      আমি যেন হুখে থাকি ;

হুখের বেলা ফুরিয়ে গেলে আমি যেন চলে যাই।

নিকটস্থ একটি বকুল গাছে একটি কোকিল ডাকিয়া উঠিল।

রাজিখা একাগ্রমনে তাহা শুনিতে লাগিলেন।

এই সময় গুলনেয়ার প্রবেশ করিয়া রাজিয়াকে ডাকিলেন

গুলনেয়ার। রাজিয়া!

রাজিয়া। চুপ্!—কোকিল ডাকছে!

গুল। কি হাবা মেয়ে!—কোকিলের ডাক আর কখনও শুনিস্নি?

রাজিয়া। শুনেছি। শুনেছি বলে, কি আর শুন্তে নেই?—ঐ

শোন! আবার—ঐ চুপ কর! দাদুমা—এই জগৎটা যদি একটা অশ্রান্ত  
ঝড়ার হোত, বেশ হোত, না?

গুল। বেশ হোত ? তা' হ'লে প্রাণ ওষ্ঠাগত হোত। একটা কথা কইবার অবসর পেতাম না।

রাজিয়া। কথা!—কথার জ্বালায় ত অস্থির, ঠান্দি! তার উপরে বড্ড বোঝা যায়! একটা কথা ব'লেই তা'র পিছনে অমনি একটা মানে।—অস্থির!—দু'পা এগিয়ে যাবার ঘো নাই।—সঙ্গে সঙ্গে মানে ঘুচ্ছে।

গুল। আর গান ?

রাজিয়া। মানে ধর্বার ছোঁবার যো' নাই। কেবল একটা উদাস ভাব মনে এনে দেয়। বোঝবার যো' নাই। এই যেমন 'চামেলিয়া, বেলা, চম্পা'। এর মানে বেশ বোঝা যায়—কি না তিনটে ফুল—চামেলিয়া, বেলা আর চম্পা! কিন্তু (হাষিরে সুর করিয়া) 'চামেলিয়া বেলা চম্পা'—ধর দ্বিধিনি মানে!

গুল। তা' বটে—ওর মানে ধর্বার যো' নাই। ভারি সুন্দর!

রাজিয়া। না, দাছমা! তুমি গান কিছু ভালোবাসো না, তা' আমি জানি। কিন্তু আমি গানে ডুবে আছি, মজে' আছি, বিভোর হয়ে আছি।—সুরে গুন্-গুন্ করিতে লাগিলেন—“চামেলিয়া বেলা চম্পা।”

গুল। রাজিয়া, তুই গান শিখেছিলি কার কাছে ?

রাজিয়া। বাবার ওস্তাদের কাছে। বাবা গান বড় ভালোবাসেন। বাবা নিজে কটা গান তৈয়ের করে'ছেন। ওস্তাদজি সুর দিয়ে দিয়েছেন। এই আমি একটা তাঁরই গান গাচ্ছিলাম—রাগিণী পুরবী, ভারি মিষ্টি রাগিণী! (পুরবী সুরে) “তা রি না তোম তোম তোম না দে রে তোম্”—উঃ কি মিষ্ট!

গুল। মোরোব্বার চেয়ে ?

রাজিয়া। দাছমা! তুমি একেবারে একটা জ্বন্ত! একটা গাধার মধ্যে যতটুকু সুর জ্ঞান আছে—তাও তোমার নেই।—আচ্ছা, ঠান্দি,

এই গাথাগুলো কি বিশ্রী ডাকে ! নীচেকার গান্ধার থেকে একেবারে উপরকার কোমল রেখাব ।

গুল । তা' হবে !

রাজিয়া । আচ্ছা, ঠান্দি, কোকিলের স্বর এত মিষ্ট, আর কাকের স্বর এত কর্কশ কেন ?—আমার বোধ হয় কোকিলের স্বর থেকে গানের সৃষ্টি হয়েছিল । সা, বে, গা, মা, পা—ঠিক কোকিলের স্বর ।—শোন—  
কু, কু, কু, কু, কু—ঠিক কোকিল !

গুল । তোমাদের বান্ধালাদেশে খুব গানের চর্চা হয় বুঝি ?

রাজিয়া । তা' হয় । তবে তা'রা কার্তন গায় বেশী । আমি একটা একটু শিখছিলাম—শুনবে ? শোন—

বঁধুয়া কি আর কহিব আমি !

জীবনে মরণে, জনমে জনমে প্রাণনাথ হৈয়ো তুমি ।

তোমার চরণে আমার পরাণে লাগিল প্রেমের কাসি,

মন প্রাণ দিয়ে সব সমর্পিয়ে নিশ্চয় হইবু দাসী ।

একুলে গুলে দুকুলে গোকুলে কে আর আমার আছে,

রাখা বলে আর শুধাইতে নাথ দাঁড়াবে আমার কাছে ।

তার পরটা জানি না ।—বেশ !—না ?—আচ্ছা, দাতুমা ! ঠাকুর্দা গানের উপর এত চটা কেন ?—তিনি আমাকে খুব ভালোবাসেন । কিন্তু যদি দৈবাৎ একটা তান ধরিছি—ত আমার দিকে চেয়ে বলেন “দ্যা”—  
আর ঘাড় নাড়েন ।

গুল । তোর ঠাকুর্দা তোকে খুব ভালোবাসেন ?

রাজিয়া । উঃ ! কি ভালোই বাসেন ! ( সুর করিয়া ) “বঁধুয়া—”  
তোমাকে বাসেন ?

গুল । আমায় ?—তোর ঠাকুর্দাকে একবার জিজ্ঞাসা করে' দেখিস্ ।

রাজিষা। ( সুর কবিয়া ) “কি আর কহিব আমি—” তুমি যা কর্তে  
বল তাই করেন ?

গুল। কেনে ? দেখছিন্ না যে আমার জন্তে একটা যুদ্ধই  
বাধুলো।

‘রাজিষা। যুদ্ধ ! যুদ্ধ কাবে’ বলে, ঠান্দি।

গুল। লড়াই।

রাজিষা। ওঃ!—এ একখান তলোয়ার নেয, ও একখান তলোয়ার  
নেয। তার পবে ছ’জনে বাজনা’ব সঙ্গে তালে তালে নাচে, আব বোরে—  
আমি দেখেছি বাংলাদেশে ! যুদ্ধ কা’ব সঙ্গে হবে, লাহুমা !

গুল। মেবারে’ব সঙ্গে।

রাজিষা। মেবার পুণ্ড্রমানুষ, না মেঘেমানুষ ?

গুল। দূর হাবা মেঘে ! মেবার একটা দেশ।

রাজিষা। বাবা ! একটা দেশের সঙ্গে যুদ্ধ হবে।—কেন, ঠান্দি,  
যুদ্ধ হবে কেন ?

গুল। এক রাণীকে ধবে’ নিয়ে আসবার জন্ত।

রাজিষা। তুমি বুঝি তাঁকে তাই বলে’ছো ?

গুল। হাঁ।

রাজিষা। ধরে’ নিয়ে এসে কি ক’র্কে ? তা’কে ভালোবাস্বে ?

গুল। তা’র শ্রদ্ধ ক’র্ক।

রাজিষা। বেঁচে থাকতে থাকতেই ? আমি ত শুনেছি মরে’  
গেলেই শ্রদ্ধ হয়।—ঐ যে ঠাকুর্দা আর বাবা আসছেন।—দেখ্বে মজা।

ঔরঞ্জীব ও আকবর প্রবেশ করিলেন

রাজিষা কীর্তন ধরিল—“বধূষা—”

ঔরঞ্জীব। র্যা—রাজিষা !—আবার !



রাজিষা । ঐ শোন—হাঃ হাঃ হাঃ—হাসিতে হাসিতে পলায়ন  
কবিল ।

ঔরংজীব । আকবর । তোমাকে বঙ্গদেশে পাঠিয়েছিলাম—শাসন  
করা শেখবার জন্ত । তা' তুমি দেখ'ছি নৃত্য-গীতেই কাল হরণ কবে'ছো !  
আর এই মেয়েটাকে পর্য্যন্ত গান শিখিয়েছো ।—এত অপদার্থ তুমি, তা'  
জাস্তামনা ।

শুল । সত্য কথা । মেয়েটার গান ভিন্ন আব কথা নেই । দিবা-  
রাত্রিই গুন-গুন ক'র্ছে । আলাতন !

ঔরং । ওর পরকাল খেয়েছো । সে যাক, সে বিষয়ে যথাবিধিত  
কবা যাবে । এখন আকবর, তুমি মেবার যুদ্ধে যাও । আমি তোমার  
অধীনে পঞ্চাশ হাজার সৈন্য পাঠাচ্ছি । মেবার আক্রমণ কর ।

আকবর । যে আজ্ঞা ।

ঔরং । আমি শুনেছি, তুমি' অত্যন্ত অলস, বিলাসী, আর সন্তোষ-  
প্রিয় হ'য়েছো । জীবনের কঠোরতা কিছু শিক্ষা করা তোমার দরকার ।  
মেবার যুদ্ধে যাবাব জন্তেই আমি তোমাকে ডেকে পাঠাই নি,  
তোমার সংস্কারেব জন্ত তোমায প্রধানতঃ ডেকে পাঠাইছি ।  
যাও—প্রস্তুত হওগে । সেনাপতি দিলীব খাঁকে তোমার সাহায্যে  
পাঠাচ্ছি । আর আমি আর আজীম দোবারীতে গিয়ে তোমাদেব জয়ের  
প্রতীক্ষা ক'র্ব ।—যাও ।

আকবর নীরবে প্রস্থান করিলেন

ঔরংজীব । শুলনেয়ার ! তোমার অন্ত্রবোধে আজ একটা প্রকাণ্ড  
যুদ্ধে হস্তক্ষেপ করে'ছি ।

শুল । প্রকাণ্ড যুদ্ধ ! একটা সামান্য জনপদ মেবারের সঙ্গে যুদ্ধ  
একটা প্রকাণ্ড যুদ্ধ !—আমি ত জানি, ভারতসম্রাট ঔরংজীবের কাছে এ  
একটা অতি তুচ্ছ ব্যাপার ।

ঔরংজীব। তা'নয় সম্রাজ্ঞী! যে দিন আড়াই শ' রাজপুতসৈন্ত পাঁচ হাজার মোগলসৈন্তকে মথিত করে' চলে' গিয়েছে, সেই দিন জেনেছি যে, রাজপুত জাতি একটা অসমসাহসিক জাতি। আমি তাই এ যুদ্ধে বঙ্গদেশ হ'তে যুবরাজ আকবর আর কাবুল হ'তে কুমার আজীমকে ডেকে পাঠিইছিলাম।—মেবার-জয় নিতান্ত সহজ ও স্বতঃসিদ্ধ নয়।

গুল। আমি মেবার-জয় চাই না। আমি যশোবন্তের রাণীকে চাই—আর কিছু নয়! তা'ব সঙ্গে একবার সাক্ষাত চাই।

ঔরং। এবার সাক্ষাত হবে।—ভিতরে চল, গুলনেনয়ার। বৃষ্টি প'ড়ছে। এই বলিয়া নিষ্ক্রান্ত হইলেন।

### দ্বিতীয় দৃশ্য

স্থান—আবুর গিরিহর্গ। কাল—দ্বিপ্রহর দিবা। দুর্গাদাস ও রাঠোর সামন্তদ্বয়—মুকুন্দ ও শিব দণ্ডায়মান।

দুর্গাদাস। শিবসিং মুকুন্দসিং! রাণীর পুত্রকে তোমাদের রক্ষণা—বেক্ষণে রেখে যাচ্ছি। এ আবাসস্থানের অস্তিত্ব মাত্র যেন প্রকাশ না হয়।

উভয়ে। তা, হবে না, সেনাপতি!

দুর্গাদাস। সম্রাট সসৈন্তে মেবার আক্রমণ করে'ছেন। কুমারকে আর উদয়পুরে রাখা শ্রেয় নয় বলে'ই রাণার উপদেশক্রমে এখান নিয়ে এসেছি।

মুকুন্দ। সম্রাট মেবার আক্রমণ করে'ছেন কেন?

দুর্গাদাস। সেখানে ঘোষণাপুরের রাণী ও রাজকুমারকে আশ্রয় দেওয়াই তার প্রধান কারণ। তবে আর এক কথা শুনেছি যে, ঔরংজীবের অত্যাচারের, বিশেষতঃ হিন্দুর উপর এই জিজিয়া করের প্রতিবাদ করে' রাণা যে পত্র লিখেছিলেন, সেই পত্রই এর কারণ। কিন্তু সেটা একটা

রাণা যে পত্র লিখেছিলেন, সেই পত্রই এর কারণ।' কিন্তু সেটা একটা ওজর মাত্র। সে পত্র সতেজ, নির্ভিক বটে; কিন্তু সে অতি নম্র, সরল। তা'তে সম্রাটের ক্রুদ্ধ হবার কোন কারণ ছিল না। আমি সে পত্র দেখেছি।

শিব। আপনি এই যুদ্ধে যাচ্ছেন ?

দুর্গাদাস। আমার প্রভুকে আশ্রয় দেবার জন্যই এ যুদ্ধ। আমি এখানে নিশ্চিন্ত হ'য়ে ব'সে থাকলে চলে না, শিব! তোমরা এ দুর্গে থাকবে। এখান থেকে এক পা ন'ড়বে না। এ দুর্গ খুব নিভৃত, খুব গুপ্ত, খুব নিরাপদ। তবু এই দুর্গ পাহারা দেবার জন্য দুই শ সৈন্য রইল। যদি কোন বিপদের সম্ভাবনা মাত্র দেখ, আমাদের তৎক্ষণাৎ জানাবে।

মুকুন্দ। সম্রাট কি মেবার আক্রমণের জন্য রওনা হয়েছেন ?

দুর্গাদাস। হাঁ। তাঁর সৈন্য পঞ্চপালের মত মেবার রাজ্য ছেয়েছে। চিতোর, মণ্ডলগড়, মন্দশূর ও জৌড়ন দুর্গ সম্রাটের হস্তগত হ'য়েছে। রাণা তাঁর সৈন্য সব পার্শ্ববর্তী প্রদেশে টেনে এনেছেন।

শিব। আমাদের মহারাণী কোথায় ?

দুর্গাদাস। মাড়বারে! তিনি দশ হাজার মাড়বারসৈন্য—সৈন্যধ্যক্ষ গোপীনাথের অধীনে মেবারে পাঠিয়েছেন। নিজে আরও সৈন্য সংগ্রহ করে' নিয়ে আসছেন!—আচ্ছা যাও, তোমরা আহালাদি করগে যাও।

মুকুন্দ ও শিব প্রস্থান করিলেন

দুর্গাদাস। আজ মুষ্টিমেয় রাজপুত সৈন্য নিয়ে বিরাট' মোগলসৈন্য-সমুদ্রে নামছি! ঈশ্বর জানেন এর পরিণাম কি! এক আশা যে, মিলিত মাড়বার আর মেবার আজ প্রাণ তুচ্ছ করে' এ সমরে নামছে। এই মাত্র আশা। দিগন্তব্যাপি-ঘনীভূত-মেঘসজ্জ্ব—এইমাত্র জ্যোতির ক্ষীণ রেখা।—যদি একবার এই সঙ্গে মারাঠা শক্তির সাহায্য পেতাম!

এই বিচ্ছিন্ন হিন্দুশক্তিকে যদি একবার একত্রিত ক'রতে পারতাম।—কি অদ্ভুত জাতি। ত্রিশ বৎসরে একটা জাতির সৃষ্টি হ'য়ে গেল!

এই সময়ে সেখানে কাশিম প্রবেশ করিল।

দুর্গাদাস। কি কাশিম! রাজকুমার কোথায়?

কাশিম। এতক্ষণ মোর সাথে থেলা ক'ছিল। এই ঘুমায়ে প'ল।

তাকে আঘির কাছে রাইখে আলাম। মুই নাবোনা খাবোনা?

দুর্গাদাস। হাঁ। যাও, নানাদি করোগে যাও—বেলা হ'য়েছে।

কাশিম। আর—তুমি—আপনি নাবানা, খাবানা?

দুর্গাদাস। না, আমার শরীরটা আজ ভালো নেই।

কাশিম। ঐ ত আপনার দোষ। নইলে ত আপনি নোক খারাপ নও। ঐ ত দোষ।

দুর্গাদাস। হাঁ, ঐ আমার দোষ।

কাশিম। মোর ইস্তিরিরও ঐরকম ছেল। আজ কাসি, কা'ল জর পরদিন শূলবেদনা। মোব ওরকম নয়। জরে পলাম ত পলাম। নৈলে ত খাসা আছি। খাছি দাচ্চি—কোন ঝাঠাই নেই।

দুর্গাদাস। তোমার জীৱ কিসে মৃত্যু হয়, কাশিম?

কাশিম। আরে! কে জানে। এক দিন ঘুম থেকে উঠে দেখি মরে' রয়েছে। হাকিমে বল্ল যে বুকের ব্যামো।

দুর্গাদাস। আর তোমার ছেলে?

কাশিম। মোর পুতির কতা কৈবান না, হুজুর! টুকটুকে ছাওয়া! হেঁটে যাতো, যেন আদারির মদে দিয়ে একটা পিরদিম চলি' যাচ্ছে। কতা কৈত, যেন বাঁশী বাজতো। হাসতো, যেন নদীর কিনারায় ছাপিয়ে ঢেউ উঠতো। ঠিক এই মোদের রাজপুত্রুরের মত। তবে রং এর এত জেলা ছেল না। আহা। মুই একদিন কাম করে' বাড়ী ফিরে এসে জাখি—বাছা মোর গুয়ে পড়ে' রয়েছে। বাছার রং একেবারে

কালীবরণ। পুছ কল্লাম কি হয়েছে? জবাব নেই।—চাটীকে ডাকলাম, চাটী কান্দি লাগল। হাকিম ডাকলাম, হাকিম মাতা নেড়ে চলে গেল।

দুর্গাদাস। কি হয়েছিল?

কাশিম। আরে সেইটেই ত মুই কইতে নাহ্লাম। তার পরে ঘাশে একরকম জ্বর এলো; তার নাম কালাজ্বর। খড়াধবড় মাহুষ মর্তি নাগলো। ভাগিয়ার দোষে মুই মলাম না।

এই বলিয়া কাশিম চণ্ড মুছিল।

দুর্গাদাস। সংসারের এই নিয়ম, কাশিম! তুমি কি করবে? যাও—এখন নান করগে।

কাশিম। এই যাউ।

বলিয়া কাশিম চলিয়া গেল

দুর্গাদাস। এই কাশিমের সঙ্গে দু'দণ্ড কথা কইলে মন পবিত্র হয়, সরলপথে চলা সহজ হয়, জৈশ্বের ভক্তি বাড়ে।

### তৃতীয় দৃশ্য

স্থান—জয়সিংহের স্ত্রী কমলার শয়ন কক্ষের প্রান্তর। কাল—রাত্রি। কমলা বেওয়ারে হেলিয়া উপবিষ্টা। তাঁহার মুখে জ্যোৎস্নালোক আসিয়া পড়িয়াছিল; অদূরে কমলার মুখে নিবন্ধ দৃষ্টি, করতলশূন্তগণ্ড, বামপার্শ্বোপরি অর্কশয়ান জয়সিংহ।

জয়সিংহ। কি সুন্দর রাত্রি, কমলা।

কমলা। অতি সুন্দর, অতি সুন্দর, অতি সুন্দর—নাও, তিনসত্টি করলাম।

জয়সিংহ। প্রিয়ে!

কমলা। নাথ! প্রাণেশ্বর!

জয়সিংহ। না, আমার কিছু বক্তব্য নাই! তুমি অমনভাবে বসে থাকো, আমি তোমার সৌন্দর্য্য পান করি।

কমলা। দেখো যেন একচুমুকে শেষ কবে দিও না; আমার জন্তও একটু রেখো।

জয়সিংহ। কমলা! সৌন্দর্য্য কি স্মরা! নইলে দেখতে দেখতে এ মাদকতা আসে কোথা থেকে? অঙ্গ শিথিল হয়ে আসে কেন? চক্ষু মুদে আসে কেন?

কমলা। তোমার ঐ রকম হয় বৃদ্ধি!—আমাব ত ঠিক বিপরীত। তোমাকে দেখলেই আমার নেশা ছুটে যায়।

জয়সিংহ। তবে তুমি আমায় ভালোবাসো না।

কমলা। (কটাক্ষ কবিয়া) বাসি না?—আচ্ছা বেশ—বাসি না।

জয়সিংহ। বাসো বোধ হয়। কিন্তু আমি তোমায় যেমন বাসি? দেহের প্রত্যেক লোমকূপ দিবে, হৃদয়ের সমস্ত শোণিত দিয়ে, প্রাণের সমস্ত আবেশ দিয়ে, ইহকাল দিয়ে, পরকাল দিয়ে—সেই রকম ভালোবাসো?

কমলা। হাঁ, বাসি! তবে অতগুলো সংস্কৃত কথা দ্বিধে ভালোবাসি না।

জয়সিংহ। না, কমলা! ততখানি প্রাণ তোমার নেই।

কমলা। তা না থাকুক। কিন্তু তোমাকে নাকে দড়ি দিয়ে ঘোরাচ্ছি ত!

জয়সিংহ। তা' ঘোরাচ্ছ। তোমাকে বিধে কবে' অবধি, প্রিয়ে, আমি সংসারটাকে একটা যেন নতুন ভাবে দেখছি।

কমলা। কেমন—দেখছি কি না?

জয়সিংহ। দেখছি—যেন একটা অশ্রান্ত ব্যঙ্গার, যেন একটা অনন্ত বিপ্রাস্তি, যেন একটা অসীম মোহ; অর্দ্ধ স্রুতি, অর্দ্ধ জাগরণ।

কমলা। যেমন আপিং খেলে হয়, না? আমার ঠান্ডির মুখে শুনেছি।

জয়সিংহ। কি রকম, আমি বোঝাতে পারি না—যেন একটা আকাজ্জা, অথচ কিসের বোঝা যায় না। হাসি অধরে বিকশিত হয়, অথচ দেখা যায় না! যেন গানের মূর্চ্ছনা, উপরে উঠে মিলিয়ে যায়। কি রকম একটা অবাধ স্মৃতিস্বপ্ন, অগাধ সৌন্দর্য্য, অনন্ত তৃপ্তি।

কমলা। কেমন! প্রথম পক্ষে এ রকম হয়েছিল?—ঐ যে ব'লতে না ব'লতে প্রথম পক্ষ এসে হাজির!

এই সময়ে সরস্বতী সেই স্থানে প্রবেশ করিয়া কহিলেন

সরস্বতী। এখানে প্রভু! আমি তোমাকে খুঁজে বেড়াচ্ছি!

জয়সিংহ। কেন সরস্বতী।

কমলা। তবে তুমি এখন প্রথম পক্ষের সঙ্গে বাক্যালাপ কর—  
আমি আসি। এই বলিয়া উঠিয়া চলিয়া গেলেন

জয়সিংহ। না, যেও না—শোন!

বলিয়া উঠিয়া দাঁড়াইলেন

সরস্বতী। আমি তোমার স্মৃতি বাধা দিতে আসিনি, নাথ—বিশেষ প্রয়োজন কাছে।

জয়সিংহ। কি প্রয়োজন?

সরস্বতী। স্বামীর কি স্ত্রীর প্রতি এই উচিত প্রশ্ন নাথ? যাক সে কথা। এখন তোমার আদর কাড়াবার জন্য আমি আসিনি—যদিও তার উপর কমলারই মত আমারও দাবী আছে।—যাক্—যা' গিয়েছে, তা' গিয়েছে।

জয়সিংহ। কি প্রয়োজন।

সরস্বতী। বড় ব্যস্ত হচ্ছেো? তবে শোন। মোগল মেবার আক্রমণ করে'ছে, শুনেছো?

জয়সিংহ। না।

সরস্বতী। তোমার পিতা তবে তোমাকে সে সংবাদ দেওয়া দরকার বিবেচনা করেন নি।

জয়সিংহ। বুদ্ধির কাজ ক'রেছেন।

সরস্বতী। তিনি এই বুদ্ধি তাঁর জ্যেষ্ঠ পুত্রকে যোধপুর থেকে ডেকে পাঠিয়েছেন।

জয়সিংহ। তার পর ?

সরস্বতী। শুনে লজ্জা হোল না ? তুমি ক্ষত্রিয়, রাজপুত্র, মেবারের ভাবী রাণা ! বাণা তোমাকে মেবার আক্রমণের সংবাদও দিলেন না। আর জ্যেষ্ঠ পুত্রকে সূদূর যোধপুর থেকে ডেকে পাঠিয়েছেন। এতে কি প্রমাণ হয়, প্রভু ?

জয়সিংহ। কি প্রমাণ হয় ?

সরস্বতী। এতে এই প্রমাণ হয়, রাণা তোমাকে কাপুরুষ মনে করেন। যোধপুর থেকে দুর্গাদাস, রূপনগর থেকে বিক্রম সোলাঙ্কি, রাঠোর বীর গোপীনাথ সকলে মেবারের সাহায্য এসেছেন। তাঁরা এখন রাণার মন্ত্রণাকক্ষে। আর তুমি মেবারের ভাবী রাণা—তুমি বিলাসকুঞ্জে বসে' প্রেমের স্বপ্ন দেখছো ! শুনে লজ্জা হ'চ্ছে না ? শোণিত উষ্ণ হ'চ্ছে না ? নিজের প্রতি দিক্কার দিতে ইচ্ছা হ'চ্ছে না ? কি ! চুপ করে রইলে যে ?

জয়সিংহ। সব বুঝতে পাচ্ছি। কিন্তু সরস্বতি ! কে যেন আমার সমস্ত উত্তম ভেঙে দিচ্ছে ; আমাকে নারীরও অধম ক'রেছে।

সরস্বতী। তা' যদি বুঝে থাকো, তবে এখনো আশা আছে নাথ ! কমলাকে ভালোবাসো। সেও তোমার অমুচিত নয়। কিন্তু যখন বিজ্ঞাপ্তি সৈন্ত এসে স্বদেশ ছেয়েছে, যখন শত্রু দ্বারদেশে, যখন কঠোর কর্তব্য সম্মুখে, তখন নারীর অধরসুধা পান করা ক্ষত্রিয়ের কাজ নয় !

জয়সিংহ। সত্য কথা। সরস্বতি ! তুমি চিরদিন সত্য, উচিত, সঙ্গত কথা বল—কিন্তু শুন্তে চাই না। কর্তব্য-পথ বুঝি, কিন্তু সে পথে চ'লতে পারি না।

সরস্বতী। যদি কর্তব্য পথ বুঝে থাকো নাথ, তবে ওঠো ! একবার



প্রাণপণ উত্তমে এই বিলাস—পুরাতন ছিন্নবস্ত্রখণ্ডসম প্রাণ থেকে ঝেড়ে ফেলো দেখি নাথ! দেখবে কর্তব্য সহজ হবে। একবার কর্তব্যকে আমাব বলে ডাকো দেখি, তাব পব সে তোমায় হাত বাড়িয়ে টেনে নেবে, তোমাকে বাছ দিয়ে ঘেরে বক্ষা ক'রে! কর্তব্যকে যত কঠোর ভাবছ, সে তত কঠিন নয়! একবার সবলে, উত্তমভাবে, উঠে দাঁড়াও দেখি, নাথ!

জয়সিংহ। তুমি ঠিক বলেছো, সরস্বতি! উত্তম! দেখি একবার চেষ্টা কবে'।—কি ক'র্তে বল, সরস্বতি!

সরস্বতী। এই ত আমার স্বামীর উপযুক্ত কথা। শোন তবে, নাথ! এসো।—বীরবেশ পর। তার পরে যাও তোমার পিতার মন্ত্রণা-কক্ষে। সেখানে গিয়ে তোমাব পিতাকে বল, “আমাকে এ যুদ্ধে কেউ ডাকো নাই, আমি স্বয়ং এসেছি।” তোমার পিতা সগর্বে ব্লেহে তোমাকে বীরপুত্র বলে' বক্ষে ধর্কেন, সমস্ত মেবাব সাহস্বারে বলবে—এই ত আমাদের ভাবী রাণা; সমস্ত রাজস্থান মাথা উচু ক'বে চেয়ে সে দৃশ্য দেখবে। সে কি গোববময় মুহূর্ত!—নাথ! দ্বিকৃত হ'য়ে চিরজীবন ধাবণ কবার চেয়ে পূজ্য হয়ে একদিনও বাঁচা বড় সুখের।

জয়সিংহ। সরস্বতী! আমি এই মুহূর্তেই বাচ্ছি।

সরস্বতী। হাঁ, এই মুহূর্তে চল। আমি স্বহস্তে তোমায় বীরবেশ পরিষে দিই! চল।

জয়সিংহ সে স্থান হইতে প্রস্থান করিলেন

সরস্বতী। যাও নাথ, এই যুদ্ধে। আমার গাঢ় স্নেহ তোমাকে অভেদ বর্ষের মত ঘিরে থাকবে। শত্রুর তরবারি তোমাঙ্ক স্পর্শ ক'র্তে পার্কে না।

সরস্বতী এই বাক্য-জয়সিংহের পদাঙ্গামিনী হইলেন

## চতুর্থ দৃশ্য

স্থান—উদয়পুর। রাণা রাজসিংহের মন্ত্রণা-কক্ষ। কাল—মধ্যরাত্র। রাণা রাজসিংহ, মহারাণী মহামায়া, দুর্গাদাস ও অস্তান্ত রাজপুত্র সামন্তগণ সমাসীন

৷ বিক্রম সোলাঙ্কি। আমরা সম্মুখ যুদ্ধে মোগলসৈন্ত আক্রমণ কর্ব।

রাজসিংহ। সেটা উচিত নয়। যুদ্ধ ক্ষেত্রে অসংখ্য মোগলসৈন্তের সম্মুখে দাঁড়ানো যুক্তি সঙ্গত নয়।

গোপীনাথ। আমি বলি—অল্পসংখ্যক সৈন্তেব অনেকগুলি দল বাঁধা যাক। তা'বা মোগলসৈন্তের গতি পথ দূরূহ করুক।

রাজসিংহ। তুমি কি উপদেশ দাও, গরীবদাস? তুমি এ পার্শ্বত্যা প্রদেশের প্রত্যেক পথ, উপত্যকা, অরণ্যের সঙ্গে পরিচিত আছো। তোমার মত কি?

গরীব। আমি বলি—মোগলেরা এ পার্শ্বত্যা পথে আসুক। আমরা কোন বাধা দেবো না। কেবল কোশলে তাদের সর্বাপেক্ষা দূরূহ পথে টেনে আনুবো। সেখানে তাদের সৈন্তসন্নিবেশ করা কঠিন হবে। তা'রা পর্বতপথে বিশৃঙ্খল হ'বে প'ড়লে তাদের আক্রমণ কর্ব।

দুর্গাদাস। এ অতি উত্তম প্রস্তাব, বাণা! মোগলসাম্রাজ্যের সঙ্গে শুদ্ধ আজ নয়—অনেক বৎসর ধরে এখন যুদ্ধ কর্ত্তে হবে; যতদূর সাধ্য আমাদের দেখতে হ'বে যাতে শক্তির অপব্যয় না হয়।

গোপীনাথ। সে কথা মন্দ নয়।

বিক্রম। খুব ভালো! তা'রা সেখানে দল বাঁধবার সুযোগ পাবে না।

রাজসিংহ। সকলেরই কি এই মত? তুমি কি বল, মহামায়া?

রাণী। সকলের মতেই আমার মত। কিন্তু সম্রাট স্বয়ং যুদ্ধে আসেন নি?

রাজসিংহ। না, তিনি আর আজীম দোবাবোতে! সম্রাটের পুত্র আকবর উদয়পুরে আসছেন;—এই ত ঠিক সংবাদ, দুর্গাদাস?

দুর্গাদাস। হাঁ মহারাণা। শত্রুসৈন্য তিন ভাগে অবস্থিত—এক, আকবরের অধীনে উদয়পুর পথে; এক, দিল্লীর খাঁব অধীনে দাঙ্গুবী পথে; আর এক সম্রাটের অধীনে দোবাবীতে।

বাণী। আমি বলি—সৈন্যে সম্রাটকে আক্রমণ করি।

রাজসিংহ। না তা' হ'লে আকবরের অগণিত সৈন্য পশ্চাতে রেখে আসতে হবে। সেটা উচিত নয়। কি বল, দুর্গাদাস?

দুর্গাদাস। না, তা' উচিত নয়।

রাজসিংহ। তবে গরীবদাসের প্রস্তাবে সকলেই সম্মত?

সকলে। হাঁ, সকলেই সম্মত।

বাজসিংহ। উত্তম! এখন এই মিলিত সৈন্যের অধিনায়ক কাকে করি? গরীব। কেন, দুর্গাদাসকে।

রাজসিংহ। তাই সকলের মত?

বাণী ও দুর্গাদাস ব্যতীত সকলেই কহিলেন—“নিশ্চয়ই।”

বাজসিংহ। তবে দুর্গাদাস! তোমাকে এই মিলিত রাজপুতসৈন্যের সেনাপতিরূপে বরণ করলাম।

দুর্গাদাস। আমি সে সম্মান গ্রহণ করলাম, রাণা। এই যে কুমার ভীমসিংহ।

ভীমসিংহ আসিয়া রাণার চরণ বন্দনা করিলেন ও ঋগ্বেদ সকলকে অভিবাদন করিলেন

রাজসিংহ। এসো, বৎস—তোমাকে বুঝি ‘এসো’ বলবারও আমার অধিকার নাই।

ভীম। কেন, পিতা?

রাজসিংহ। আমি তোমাকে নির্বাসিত ক'রেছি।

ভীম । না, পিতা, আমি স্বেচ্ছায় নির্বাসিত হ'য়েছি ।

রাজসিংহ । আমাব প্রতি তোমার ক্রোধ নাই, ভীমসিং ?

ভীম । আপনাব প্রতি ক্রোধ । আপনার ইচ্ছা পূর্ণ ক'র্ত্তে আমি প্রাণ দিতে পারি । ভগবান্ শ্রীবামচন্দ্র পিতৃমত্য রক্ষা কর্কার জন্ত বনবাসা হযেছিলেন । আমি ক্ষুদ্র নব । কিন্তু আমি সেই ক্ষত্রিয় বলে আপনাকে পরিচয় দিই ।

বাণী । তোমাকে আজ তোমাব পিতা ডেকেছেন—তোমার জন্মভূমি বক্ষার !

ভ । সে আমার গোববের কথা মহারাণী ।

বিক্রম । তোমার জন্মভূমিকে ভোলোনি, ভীমসিং ?

ভীম । জন্মভূমিকে ভুলবো ?—বিক্রমসিং । এ কথ বৎসর, আহাবে বিহাবে, জাগ্রতে, নিদ্রায়, এই কঠিন পরীতসঙ্কুল ধুমধূসব মেবারভূমি সর্বদাই আমাব চক্ষে ভাস্তো । আজ সেখানে ফিবে আস্তে, পথে সেই চিরপবিচিত্র অবগ্যপথ, উপত্যকা, শৈলমালা দেখতে পেলাম, আব আমার চক্ষু জ্বলে ভরে এলো ; আবেগে কণ্ঠধ্বন হযে এলো ।

বাণী । ( স্বগত ) রাণা বাজসিংহের অবিকল প্রতিচ্ছবি !

সশস্ত্র জয়সিংহ প্রবেশ করিলেন

রাজসিংহ । কে ? জয়সিংহ !

জয় । হাঁ, পিতা, আমি ! পিতা আমায় এ বুদ্ধে ডাকেন নি ।—আমি নিজে এসেছি ।

রাণা রাজসিংহ অতি বিন্মিতভাবে স্বর্ণেক জয়সিংহের পানে চাহিয়া রহিলেন

পরে কহিলেন

রাজসিংহ । সত্যকথা, জয়সিংহ ? স্থিরচিত্তে এ কথা বল্ছো ?

জয় । হাঁ পিতা ! মেবার বিপন্ন ; আমি মেবারের ভাবী রাণা ; এ সময় আমার নিশ্চিন্ত ভাবে থাকা শোভা পায় না ।

ভীম। দীর্ঘজীবী হও, ভাই। এই ত তোমার উপযুক্ত কথা!

রাজসিংহ। ভীমসিংহকে প্রণাম কব, জয়সিংহ।

জয়সিংহ ভীমসিংহকে প্রণাম করিলেন। ভীমসিংহ তাঁহাকে আলিঙ্গন করিলেন

দুর্গাদাস! আমাব এই পুত্রদ্বয়কে তোমাব অধীনে দিলাম।

দুর্গাদাস। এ আমাব মহৎ সম্মান, বাণী।

রাজসিংহ। তবে আজ সভাভঙ্গ হ'ল। তোমরা সকলে যাও।

—যাও, রাণী, অন্তঃপুরে যাও।

রাজসিংহ ও তাঁহার পুত্রদ্বয় ভিন্ন আর সকলে প্রস্থান করিলেন। তাঁহার

সকলে চলিয়া গেলে রাজসিংহ মৃদুস্বরে ডাকিলেন

ভীম!

ভীম। পিতা।

রাজসিংহ নীরবে রহিলেন

বুকেছি, পিতা! আমি সে প্রতিজ্ঞা ভুলি নাই। আমি এই মুহূর্তেই মেবার  
পরিত্যাগ করছি। তবে আসি, পিতা! আসি ভাই!

ভীম যথাক্রমে রাজসিংহকে ও জয়সিংহকে প্রণাম ও আশীর্বাদ করিয়া দ্রুত প্রস্থান করিলেন

রাজসিংহ ক্ষণেক নীরব রহিলেন—পরে জয়সিংহকে কহিলেন

রাজসিংহ। জয়সিংহ—পারো যদি তোমার এই ভাইয়ের উপযুক্ত হও।—

যাও—বৎস, শয়ন করগে।

জয়সিংহ চলিয়া গেলে রাজসিংহ কহিলেন

ভীম! ভীম! আব আমাষ তুমি ভালোবাসো না। জন্মভূমির কথা  
ব'লতে ব'লতে তোমাব কণ্ঠরুদ্ধ হয়ে এলো। আর আমার প্রাণ্য এক গুড়  
প্রণাম—নিজ দোষে কি পুত্রই হারিয়েছি!

বলিয়া কক্ষ হইতে নিজ্জাত হইলেন

## পঞ্চম দৃশ্য

স্থান—চিতোরের স্নিহিত কানন ; মোগল শিবির। কাল—অপরাহ্ন। সম্রাট  
ঔরংজীব উত্তেজিতভাবে দণ্ডায়মান। সম্মুখে দিলীর খাঁ ও সম্রাটপুত্র আজীম। পার্শ্বে  
শ্যামসিংহ।

ঔরং। কি, কি দিলীব খাঁ ! তুমিও যুদ্ধে হেরে এসেছো ?

দিলীর। হাঁ, জনাব ! গুরু হেরে আসি নি। সর্বস্ব হারিয়ে  
এসেছি।

ঔরং। আর কুমার আকবর ?

দিলীব। তাঁর বিষয়ে বা শুনেছি, তা বিশেষ শুভ নয়। তিনি  
আরাবলি গিরিসঙ্কটে বাণা রাজসিংহের পুত্র জয়সিংহের হস্তে বন্দী !

ঔরং। বন্দী ! আকবর—ভারতের ভাবী সম্রাট বাজপুতের হাতে  
বন্দী ! এবার মোগলের অবমাননার মাত্রা পূর্ণ হোল !

আজী। ( স্বগত ) কি ? ভারতের ভাবী সম্রাট আকবর !

দিলীর। এখন জাঁহাপনার নিজের সংবাদ কি ? জাঁহাপনা দোবারী  
ছেড়ে যে চিতোরের দুর্গমূলে আশ্রয় নিয়েছেন ?

ঔরং। দিলীর খাঁ ! আমি বাঠোর সেনাপতি দুর্গাদাসের হাতে  
সম্পূর্ণ পরাজিত হ'য়েছি। আমার খাণ্ডভাণ্ডার, উট, হস্তী, প্রাণাধিকা  
বেগমকেও এই যুদ্ধে হারিয়েছি।

দিলীর। তা'হলে বোঝা হাক্কা হয়ে গিয়েছে, বলুন জনাব ! এখন  
দিল্লী ফিরে যাওয়া অনেকটা সোজা হবে !

ঔরং। দিল্লী ফিরে যাব এই অপমান নিয়ে ! কি বলেন, মহারাজ !  
শ্যামসিংহ। অসম্ভব !

দিলীর। যেমন অপমান নিয়ে যাচ্ছেন, তেমনি অনেক জিনিস

রেখেও ত যাচ্ছেন—উট, হস্তী, গো, মহিষ, বেগম। ফিরে যাওয়া এখন খুব সহজ।

ওরং। এ দুঃখের সময় তোমার পরিহাস ভালো লাগে না, দিলীর খাঁ!

শ্রাম। হাঁ সেনাপতি, পরিহাসের সময় অসময় আছে।

দিলীর। সম্রাট! পরিহাসটা আমার দুঃখেই বড় ভাল লাগে। দুঃখেই সেটা আমার মুখে বেরোয় ভালো! করুণ হাশ্র বলে' একটা জিনিস আছে জানেন, জনাব?

ওরং। মোগলের এরূপ অপমান কখন হয়নি—যেমন—

দিলীর। যেমন আপনার হাতে হোল। তা' মানি, সম্রাট।

ওরং। আমার হাতে না তোমার হাতে? দুর্ভাগ্যক্রমে আজ দিলীর খাঁ মোগলের সেনাপতি। আজ যদি যশোবন্তসিংহ জীবিত থাকতো—

শ্রাম। যদি রাজা যশোবন্তসিংহ জীবিত থাকতো, জাঁহাপনা!

দিলীর। সম্রাট ইচ্ছা করলে তিনি আজ জীবিত থাকতে পারতেন।

ওরং। কি? তুমি কি বিবেচনা কর যে—

দিলীর। বিবেচনা কিছু করি না, সম্রাট! জানি। জানি যে, সম্রাট তাঁকে আফগানিস্থানে হত্যা করেছেন। এই হত্যার অবিচার আর নিষ্ঠুরতা তেমন করে কখন অনুভব করি নাই—যেমন সেই দিন করে'ছিলাম, যে দিন মোগল-সৈন্যবাহুর সম্মুখে সেই নির্ভীক, ঈশ্বরের উপর অভিমানিনী বিদ্রোহীমণী বিধবা মহারাজীকে দেখি—কস্তুর সঙ্গে নিজের প্রাণ দিতে প্রস্তুত। সেই দিনই বুঝেছিলাম, জনাব, যে, এই যশোবন্তসিংহের হত্যা মোগল-সাম্রাজ্যের সর্বনাশ করবে। সম্রাট যদি ইচ্ছে করতেন, ত এই সাহসী বীর সম্রাটের শত্রু না হয়ে মিত্র হোত; আর এই রাজপুত জাতি। মহারাজ শ্রামসিংহের

মত আত্মাভিমানবর্জিত স্বদেশদ্রোহী কাপুরুষ রাজপুত্র নয়। দুর্গাদাসের  
হ্রায় প্রকৃত, উদার, সরল, বীর রাজপুত্র বারা তারা মোগল রাজ্যের  
ঝঙ্কারকপ না হ'য়ে রাজ্যের স্তম্ভস্বরূপ হোত।

ঔরং। কি রূপে দিলীর খাঁ?

দিলীর। কি রূপে? ভারতের অতীত ইতিহাসের পৃষ্ঠা ওল্টান।  
দেখতে পাবেন কি রূপ? মানসিংহ, ভগবানদাস, টোডরমল, বীরবল  
— এঁরা না থাকলে আজ মোগল-সাম্রাজ্যের অস্তিত্বও থাকত না; আর  
ঔরংজীবও তাঁর সিংহাসনে বসতে পেতেন না। যে ভিত্তি আকবর  
দৃঢ় করে' গিয়েছিলেন, আপনি আজ আপনার আত্মঘাতী নীতিতে  
সে ভিত্তি জীর্ণ করে' তুলছেন।

ঔরং। আমি!

দিলীর। হাঁ, আপনি। জিজিয়া'কর স্থাপিত না করলে এদিকে  
রাজপুত্র এক হোত না, ওদিকে মারাঠা হুকুম দিয়ে উঠতো না।  
রাণা রাজসিংহ আপনারই হিতার্থে এই কথা লিখেছিলেন। আপনি  
তাঁকে তুচ্ছ করে' নিজের এই সর্বনাশ টেনে আনছেন। রাজাধিরাজ!  
জানবেন যে, ভয় দেখিয়ে এই প্রকাণ্ড জাতকে কেউ শাসন ক'র্ত্তে পারেন  
না। তা'রা ইচ্ছা করে' যদি অধীন থাকে ত থাকবে; আর যদি সমস্ত  
জাতি বিরক্ত হয়, ত তাদের গুচ্ছ মিলিত উষ্মনিশ্বাসে মোগল-সাম্রাজ্য  
উড়ে যাবে।

ঔরং। আমি এ বিষয় চিন্তা ক'রছি, দিলীর খাঁ! আমার মাথা  
ধবে'ছে! আমি এখন ভাবতে পারছি না।

এই বলিয়া সম্রাট চলিয়া গেলেন

দিলীর। ভগবান্ তোমার মতি ফেরান, ঔরংজীব।

[আজীম। ( স্বগত ) আকবর ভারতের ভাবী সম্রাট।—এ হ'বে না!  
এ হ'তে পারে না।



দিলীর। (স্বগত) কুমার আজীমের চেহারাটা বড় সুবিধার বোধ হচ্ছে না! (প্রকাশে) কি ভাবছেন, সাহাজাদা!

আজীম। সে কথা তোমার সঙ্গে বিচার্য্য নয়, সেনাপতি!

প্রস্থান

দিলীর। হাঁ! একটা বিশেষ কিছু হ'য়েছে। এ শুধু দোবারীর পরাজয় নয়।—কুমারের মনে একটা বেশ খটকা লেগেছে!]

শামসিংহ। তুমি হেরে এলে, দিলীর খাঁ?

দিলীর সহসা শামসিংহের প্রতি ফিরিয়া কহিলেন, “হ্যাঁ এলাম বৈকি চাঁদ! হ্যাঁ, চাঁদ, হেরে' এলাম।—আপনার মনে বড় আক্ষেপ হ'য়েছে, মহারাজ! না? যে, রাজপুতজাত শক্তিবলে চেগে উঠবে? খোসামোদের জোরে নয়—গায়ের জোরে উঠবে। এটা আপনার সহিছে না।—না?”

শাম। না, আমি বলছিলাম যে—

দিলীর। দরকার কি? ভগবান! তোমার অদ্ভুত সৃষ্টি! যে জাতে দুর্গাদাস জন্মায়, সেই জাতেই শামসিং জন্মায়। এক জাত? আচ্ছা সিংহ মহাশয়! আপনার নাম শামসিংহ না হ'য়ে শামসুজজোহা হ'লে ঠিক হোত না।

নেপথ্যে কোলাহল শ্রুত হইল

শাম। ও কি শব্দ? জযোল্লাসধ্বনি! দুর্গাদাস এখানে এসে আমাদের আক্রমণ করেনি ত?

দিলীর। পালাও, মহারাজ! পৈতৃক প্রাণটা রাখো।

শাম। না, ওরা “আল্লা আল্লা হো” বলে' চেষ্টাচ্ছে। ওরা আমাদের সৈন্ত।

দিলীর। আপনাদের সৈন্তই বটে! যদি আমাদের সৈন্ত হোত

ত—“হর হর ব্যোম” বলে চোঁচাত ।—না ? আচ্ছা মহারাজ ! আপনাকে খোসামুদে বিজ্ঞাটা কে শিখিয়েছিল ?

শ্রাম । কেন ?

দিলীর । সে একটা ভারি ওস্তাদ মাল্লুষ হবে । কি কর্তব্যই শিখিয়েছিল !—বাঃ !

সাহাজাদা আকবর প্রবেশ করিলেন

শ্রাম । এই যে সাহাজাদা আকবর !

দিলীর । সত্যই ত ! সাহাজাদাই ত বটে । বন্দিগি, কুমার—  
গুন্‌হিলাম যে যুবরাজ শত্রুহস্তে বন্দী—সে সংবাদ তবে মিথ্যা ।

শ্রাম । আমি জানি—ও মিথ্যা ।

দিলীব । হাঁ—নিশ্চয় মিথ্যা ; মহারাজ যখন ব’লেছেন মিথ্যা, তখন নিশ্চয়ই মিথ্যা—কেমন মহারাজ ! হ’চ্ছে কি না ?

শ্রাম । সাহাজাদা নিশ্চয় শত্রুজয় কবে’ ফিরে এসেছেন ?

দিলীর । হাঁ, আমি ত তাই ভাবছিলাম ।—যুবরাজ রাজাকে কি বন্দী করে’ এনেছেন ?—নৈলে এত জয়োল্লাস-ধ্বনি কেন ?

আকবর । না, দিলীর ! আমিই রাণাব হাতে বন্দী হ’য়েছিলাম ।

শ্রাম । কৌশলে মুক্ত হয়ে এসেছেন ?

আকবর । না মহারাজ !—রাণার বদান্ততায় । দিলীর থা ! রাজ-  
পুত জাতটা যুদ্ধ ক’র্ত্তে জানে ।

দিলীর । বলেন কি, যুবরাজ ?

আকবর । গুরু যুদ্ধ ক’র্ত্তে জানে, তা’ নয় । ক্ষমা ক’র্ত্তে জানে ।

দিলীর । অদ্ভুত আবিষ্কার !

শ্রাম । এখন, মুক্ত হ’লেন কিরূপে ?

আকবর । দিলীর ! শোন—

দিলীর । মহারাজকে বলুন—উনি বড় ব্যস্ত হয়েছেন ।

আকবর । শুনুন, মহারাজ ! আমি যখন আরাবলির গিরিসঙ্কটে  
পিঞ্জরাবদ্ধ, সসৈন্তে অনাহারে মৃতপ্রায় ; তখন রাণা তাঁর পুত্র জয়সিংহকে  
পাঠিয়ে দিলেন—আমাকে বধ ক’র্ত্তে নয় ; বন্দী ক’র্ত্তে নয় ; আমাকে খাণ্ড  
দিতে, আমাকে মুক্ত ক’র্ত্তে ।—আর কি চাও ?

দিলীর । রাণা আরও একটা কাজ ক’র্ত্তেন, তাঁর এক কন্যার  
সঙ্গে সাহজাদার বিয়ে দিতে পার্ত্তেন ।—যান, এখন ভিতরে যান । ঘরের  
ছেলে ঘরে ফিরে এসেছেন, সেই যথেষ্ট ।—চলুন, মহারাজ !—না, মহা-  
রাজের এখানে আজ নিমন্ত্রণ আছে ?

সকলে বিভিন্নদিকে নিষ্ক্রান্ত হইলেন

### ষষ্ঠ দৃশ্য

স্থান—রাজপুতশিবির । কাল—অপরাহ্ন । রাণা রাজসিংহ ও যশোবন্তের রাণী  
উপবিষ্ট । সম্মুখে মোগলপতাকা হস্তে দুর্গাদাস ও রাজপুত স্নানান্তরঙ্গ দণ্ডায়মান

রাজসিংহ । ধন্য, দুর্গাদাস ! তুমি মোগলকে মেবার হ’তে বিতাড়িত  
করে’ছো ।

রাণী । ধন্য, দুর্গাদাস ! তুমি বেগমকে বন্দী করে’ছো ।—আজ  
প্রতিশোধ নেবো !

রাজসিংহ । কি ? দুর্গাদাস ! তুমি সন্ন্যাসের বেগমকে বন্দী করে’ছো ?  
কোন বেগম ?

দুর্গাদাস । কান্দীরা বেগম !

রাজসিংহ । তাঁকে বন্দী করে’ছো ? তৎক্ষণাৎ তাঁকে মুক্ত করে’  
দাওনি—

দুর্গাদাস । রাণা ! আমি সেনাপতি মাত্র । যুদ্ধে শত্রুপক্ষকে বন্দী করবার অধিকার আমার । তা'কে মুক্ত করবার অধিকার রাজার ।

রাজসিংহ । যাও দুর্গাদাস ! বেগমসাহেবাকে এক্ষণেই মুক্ত করে' সসম্মানে সম্রাটের কাছে পাঠিয়ে দাও ।

রাণী । কেন দ্বেব, রাণা ?

রাজসিংহ । নারীর সঙ্গে আমাদের বিবাদ নাই ।

রাণী । নাই বটে ! তবে আমি এসে আপনার আশ্রয় গ্রহণ করেছি কেন, মহারাণা ? আমাকে বন্দী করবার জন্য কি এই প্রকাণ্ড যুদ্ধ নয় ? আমি যদি এ যুদ্ধে সম্রাজ্ঞার বন্দী হ'তাম, সম্রাজ্ঞী কি ক'র্ভেন ?

রাজসিংহ । মোগলের নীতি আমার অল্পকরণ ক'রতে বসিনি ।

রাণী । না, মহারাণা ! আমি এই বেগমকে ছেড়ে দেব না । আমি প্রতিশোধ নেবো !

রাজসিংহ । প্রতিশোধ ? কিসের প্রতিশোধ, মহামায়া ?

বাণী । কিসের ? কিসের নয় তাই জিজ্ঞাসা করুন ! এই কান্দারী বেগমই আমার পতিপুত্রকে হত্যা করিয়েছে ! এই কান্দারী বেগমই আমাকে বন্ধ্য পশুর মত স্থান হ'তে স্থানান্তরে তাড়িয়ে নিয়ে বেড়াচ্ছে— এর শোধ নেবো, রাণা ! আমি তাকে মূঠোর মধ্যে পেয়ে ছাড়বো না । প্রতিশোধ নেবো !

রাজসিংহ । কি প্রতিশোধ নেবে ?

রাণী । তা এখনো ঠিক করে উঠতে পারি নি, রাণা ! এ বিষয়ে চিন্তা কর । ভেবে বার কর । তিলে তিলে তাকে পোড়ালে যথেষ্ট হবে না । সর্ব্বাঙ্গে তার হুচীভেদ ক'রলে যথেষ্ট হবে না । ভেবে বার কর । নূতন যন্ত্রণার যন্ত্র আবিষ্কার ক'র । নারীর উচিত শাস্তি নারীই বোঝে ।

রাজসিংহ । মহামায়া ! পাপের শাস্তি দেবার তুমি আমি কে ? যিনি দেবার তিনি দেবেন ।

রাণী। ( উঠিয়া ) তিনি—কোথায় তিনি ? তিনি কোথায় ? তিনি হাত গুটিয়ে বসে' আছেন। আকাশেব বজ্র চিরদিন পানীর শিরেই পড়ে না, মহারাজ ! পুণ্যআর শিবেও পড়ে। ভূকম্পে এক পানীর গৃহই ভগ্ন হয় না, নিরীহ বেচাবীর কুঁড়েখানি আগে ভাঙ্গে। প্রবল জলোচ্ছ্বাসে ক্ষুদ্র শস্যই ডোবে, বিরাট মহীকহ তেমনি মাথা উঁচু করে' থাকে। ঈশ্বরের নিয়ম ধর্ম অধর্ম বিচার করে না—যেখানে দুর্বল, জীর্ণ, হবির পাষ, আগ গিয়ে তারই টুঁটি চেপে ধবে।

রাজসিংহ। বাণি। উদ্ধত হয়ে ঈশ্বরের উপব বিচার কর্তে বোসো না। জেনো—ঐব নিয়মে অস্তিমে অধর্মের পতন হবেই।

বাণী। সে কবে ? আমি ত তা আজ পর্যন্ত দেখলান না, রাণা ! আমি ত আজ পর্যন্ত দেখছি—সাবল্য আজীবন শাঠ্যেব চরণে পড়ে' ভিক্ষা মেগেছে, শাঠ্য একবার ফিরেও চায়'নি। সত্য চিরকালটা মিথ্যার দাস্ত্র করেছে, মাথা উঠাতে পারে নি। আমি চিরদিন দেখেছি—স্বাধের ক্ষেত্রে উদ্ভীর্ণ অস্বাধের বিজয় নিশান। আমি চিরদিন শুনে এসেছি—ধর্মের ভগ্ন মন্দিরে অজ্ঞাত অধর্মের জয়ভেরী। পুণ্যেব শ্রামল রাজ্যের উপব দ্বিষে পাপের ভৈরব রক্তবস্ত্রাব ঢেউ বয়ে যাচ্ছে, শ্রামলতার চিহ্নমাত্র নাই। উৎকোচে, অত্যাচারে, মিথ্যাবাদীতায় পৃথিবী ভবে' গেল।—তবু বলেন অস্তিমে ধর্মের জয় হবে ! সে কবে—কবে—কবে ?

রাজসিংহ। ক্ষান্ত হও মহারাণি ! তুমি উতাক্ত হয়েছো। ধৈর্য ধর।

রাণী। ধৈর্য, রাণা ? আপনি যদি নারী হতেন, আর আপনার দূরে প্রোথিত ভর্তা বিশ্বাসঘাতকের বিধে প্রাণত্যাগ কর্তো ; আপনার সরল উদার পুত্রের যদি নিষ্ঠুরভাবে হত্যা হোত ; ক্ষুদ্র নিঃসহায় নিরীহ শিশুকে নিষে—আমার মত আপনার যদি প্রতারিত হ'য়ে দেশ হতে দেশান্তরে পরের দুয়ারে ভিক্ষারী হয়ে বেড়াতে হোত, ত বুখতেন। ধৈর্য ! রাণা—আমি সেই পানীসীকে ছাড়বো না।

রাজসিংহ। দুর্গাদাস ! আমি জীবিত থাকতে অবলার প্রতি অত্যাচার দেখবো না। যাও তুমি তাঁকে সসম্মানে সম্রাটের কবে সমর্পণ কব।

রাণী। দুর্গাদাস। তুমি রাণার ভৃত্য নও। আমার কর্মচারী।

দুর্গাদাস। ক্ষমা কর্বেন, মহারাণি ! এ যুদ্ধে আমবা সকলেই রাণাব ভৃত্য। বেগম আজ মেবারের রাণার বন্দী ; মাড়বারের মহিবীর নয়। মহারাণি ! আত্মবিশ্বস্ত হবেন না। আপনারই রক্ষার্থে রাণা এই যুদ্ধে অস্ত্র ধরেছেন। রাণার প্রতি রূঢ় হবেন না। তাঁর আজ্ঞায় অবাধ্য হবেন না।

রাণী কিয়ৎকাল নীরব রহিলেন পরে কহিলেন, “তুমি সত্য কথা বলেছো দুর্গাদাস।”—পবে রাণার সম্মুখে নতজানু হইয়া কহিলেন—  
“রাণা ! মার্জনা করুন। যন্ত্রণায় উত্থিত হয়ে দুর্বিনীত হয়েছি ; ক্ষমা করুন ! কিন্তু যদি বুঝতে ন রাণা, এই তীব্র বেদনা এই নির্দাকুণ জালা, এই গাঢ় অন্তর্দাহ। ক্ষিপ্তপ্রায় হ’বেছি ! ক্ষমা করুন।”

রাজসিংহ। ক্ষমা করেছি, মহামায়া ! তবে তুমি যে ক্ষমা আমার কাছে চাইলে, সেই ক্ষমা এই সম্রাজ্ঞীর প্রতি লেখাও। তাঁকে তোমার কাছে বিচারার্থে রেখে বাচ্ছি। তাঁকে ক্ষমা করে তোমার মহত্ব দেখাও ! মহামায়া ! নারী স্নেহ, দয়া, ভক্তি, ক্ষমা গুণেই পূজ্য। তা’তেই তার শক্তি। আর যদি শাস্তি দিতে চাও, মা, মনে কর কি মা যে, তোমার অত্যাচারীকে যদি তুমি হস্তমুখে ক্ষমা কর—সে তার কম শাস্তি ?

রাণী। উত্তম ! সম্রাজ্ঞীকে নিয়ে এসো, দুর্গাদাস।

দুর্গাদাস প্রস্থান করিলেন

রাজসিংহ। তবে তোমার দয়ার উপর নির্ভর করে’ সম্রাজ্ঞীকে রেখে গেলাম মহামায়া।

রাণা চলিয়া গেলেন

রাণী। তাই হোক ! আমি তার উপর বিচার কর্কর্ষ...এই বিচার-সনে বসে’—সেই যথেষ্ট। ভারতের সম্রাজ্ঞী, গুপ্তরাজ্যের বেগম, আমার

পতিপুত্রহন্তী শত্রু আজ আমার সম্মুখে বন্দী হ'য়ে দাঁড়াবে; আমি সিংহাসনে বসে' নীচুপানে তার মুখের দিকে চেয়ে, তাকে প্রাণভিক্ষা দেব। তাই বা মন্দ কি ?—ঐ আসছে। এখনো মুখে সেই দর্প, চাহনীতে সেই দীপ্তি, পদদাপে সেই গর্ব ! জগদীশ্বর ! পাপকে এমন উজ্জল করে' তৈবী করে'ছিলে !

সন্নাজ্ঞী গুলনেয়ারসহ দুর্গাদাসের পুনঃ প্রবেশ

রাণী। সেলাম, বেগমসাহেবা !

গুলনেয়ার। যশোবন্তসিংহের রাণী ?

রাণী। হাঁ ! চিন্তে পার্ছেন না ? অথচ আমাকে বন্দী করবার জন্তই এই বিরাট আয়োজন ! আপনি আমার পতিপুত্র খেয়েছেন। তাতেও ও রাক্ষসী-উদর ভরে নি। এখন আমায় আর আমার ছোট ছেলেকেও খেতে চান ! এর মধ্যে সব ভুলে গেলেন ? এত ভুল করলে চলবে কেন, বেগমসাহেবা ?

গুলনেয়ার। তুমিই দুর্গাদাস !

দুর্গাদাস। হাঁ জাঁহাপনা !

গুলনেয়ার। আমাকে এখানে এনেছো কেন ?

রাণী। আপনার বিচার হবে।

গুলনেয়ার। আমার বিচার ? কার কাছে ?

রাণী। আমার কাছে। কথাটা একটু রুক্ষ ঠেকছে, না ? কি ক'রেন বলুন।—চাকা ঘুরে গিয়েছে বেগমসাহেবা ! কি। দুর্গাদাসের পানে অত চাইছেন যে ? ভাবছেন এতদূর আত্মপক্ষী এই কাফেরের যে আপনাকে বন্দী করে ! তাই ভাবছেন—না ? এখন কি শাস্তি চান ?

গুলনেয়ার। আমি তোমার বন্দী ; যা ইচ্ছা হয় কর।

রাণী। ইচ্ছা তাই ক'রব ? সে বড় কঠোর হবে, বেগমসাহেবা। আমার যা ইচ্ছা, সে শাস্তি দিলে সহিতে পারবে না। সে বড় নিদারুণ

শান্তি। নরকের জ্বালা তার কাছে বসন্তবায়ুর মত শীতল, শত  
বৃশ্চিকের দংশনের যন্ত্রণাও তার কাছে শৈলনির্ব্বরের মত স্নিগ্ধ! আমার  
যা ইচ্ছা? আমার কি ইচ্ছা জানো বেগমসাহেবা?—যাক—তুমি  
আমাকে বন্দী করলে কি কর্তে, ভারতসম্রাজ্ঞী?

গুলনেয়ার। কি কর্তাম? তোমায় আমার পাদোদক খাওয়াতাম;  
পরে বধ কর্তাম।

রাণী। এখনও তেজ যায় নি! বিষদাঁত ভেঙ্গে গিয়েছে, তবু  
আফালন যায় নি! বেগমসাহেবা! বড় আশায় নিরাশ হ'য়েছো।  
আজ আমি তোমার বন্দী না হয়ে তুমি আমার বন্দী! দেখ, গুলনেয়ার!  
ভারতসম্রাজ্ঞী! তুমি আজ আমার মুষ্টিগত। ইচ্ছা ক'রলে তোমায়  
আমার পাদোদকও খাওয়াতে পারি, বধ কর্তেও পারি! কিন্তু তা কিছুই  
ক'র না। আমি তোমাকে মুক্ত করে' দিলেম! সেনাপতি! এঁকে  
রেখে এসো এঁর স্বামীর কাছে। (গুলনেয়ারকে) যাও—দাঁড়িয়ে  
রৈলে যে! আশ্চর্য্য হ'চ্ছে—এই রাজপুত্রের প্রতিশোধ।



# তৃতীয় অঙ্ক

## প্রথম দৃশ্য

স্থান—দিল্লীর প্রাসাদের বহিঃকক্ষের বারান্দা। কাল—প্রভাত। তাহবর খাঁ “  
আকবর দাঁড়াইয়া গল্প করিতেছিলেন।

তাহবর। তাই ত! তোমাদের তা’লে রাজপুতেরা ঠিক ইঁদুরের  
কলে ফেলেছিল?

আকবর। অবিকল! আমরা বরাবর সোজা গিয়ে দেখি যে সে দিকে  
বেরোবার পথ নাই! ফিরে গিয়ে দেখি সে দিকও বন্ধ।

তাহবর। আর পাহাড়ের উপর থেকে রাজপুতেরা মজা দেখেছিল—  
যে, ঠিক কলের ভিতর ইঁদুরের মত তোমরা একবার এদিক একবার ওদিক  
করে’ বেড়াচ্ছে?

আকবর। আর সে গিরিপথ এমন সঙ্কীর্ণ যে, ১০০ জন মানুষ  
পাশাপাশি হ’য়ে দাঁড়াতে পারে না। আমাদের সৈন্তেরা কে কোথায়  
আছে দেখার যো নাই—এমনি সঙ্কীর্ণ!

তাহবর। দেখলে বুঝি—সব পাহাড়ের সঙ্গে জড়িয়ে গিয়েছে?

আকবর। হাঁ, দস্তুর মত! এমনি জড়িয়ে গিয়েছে যে—

তাহবর। বোঝা দুষ্কর যে, কোন্‌গুলো পাহাড় আর কোন্‌গুলো সৈন্ত?

আকবর। না! তা’ বেশ বোঝা যাচ্ছিল।

তাহবর। যাচ্ছিল না কি? বুদ্ধ তা’লে হ’লো না?

আকবর। যুদ্ধ ক'র কার সঙ্গে ? পাহাড়ের সঙ্গে ? শত্রুর  
সন্ধান পেলাম না।

তাহবর। ঐ আমি বরাবর বলে' আসছি, রাজপুত জাতটা যুদ্ধই  
জানে না। একটা প্রথা মেনে চলে না। কেউ কখন শুনেছো যে,  
না থেতে দিয়ে যুদ্ধে জেতা ?

আজীমের প্রবেশ

তাহবর। বন্দিগি, সাহজাদা !

আজীম। ( সেদিকে ক্রক্ষেপ না করিয়া ) আকবর শুনেছো ?

আকবর। কি, আজীম ?

আজীম। মেবার যুদ্ধে তোমার এই পরাজয়ে পিতা বড়ই ক্ষুব্ধ  
হ'য়েছেন।

আকবর। তা কি ক'র !—আর আজীম, এ যুদ্ধে আমিই একা  
পবাজিত হই নি। স্বয়ং দিল্লীর খাঁ—

আজীম। দিল্লীর খাঁর উপবত্ত পিতা সন্তুষ্ট হন নি।

আকবর। আর সম্রাট নিজের ? আব তুমি ? তোমরাই জিতে  
এসেছো নাকি ?

আজীম। আমরা যুদ্ধ ক'রেছিলাম। যুদ্ধে পরাজয় হ'য়েছে।

আকবর। আর আমি ?

আজীম। বিলাস কালহরণ কবে'ছিলে। অন্ততঃ পিতা তাই বলেন।

আকবর। বলেন কি ক'র ?

তাহবর। কুমার যুদ্ধ ক'রেন কার সঙ্গে, সাহজাদা ?

আজীম। চোর রও !

তাহবর। ওরে বাবা—

আকবর। তা এখন কি ক'র্তে হবে ? আমি ভীক, বিলাসী,  
নৃত্যগীতপ্রিয়। তা হবে কি ?

আজীম। হবে আর কি ? আকবর ! জানো, পিতা তোমাকে অকর্মণ্য বিবেচনা করে' তোমাকে ফের বঙ্গদেশে পাঠাচ্ছিলেন। আমি তাঁকে নিরস্ত করে'ছি—অনেক অল্পনয়ের পর। জেনো, পিতা তোমাব উপর অত্যন্ত ক্রুদ্ধ হয়েছেন ; সাবধান ! পিতার কাছে এখন বেশী ঘেঁষো না ! আমি বন্ধুভাবে ব'লছি।

প্রস্থান

তাহবর। ' কি বলেন, কুমার !, গতিক বড় সুবিধার নয়। আপনি যুদ্ধটা না জিতে বড়ই বেকুবী করে'ছেন।

আকবর। আমি কি ইচ্ছা করে' হেরেছি নাকি ?

তাহবর। তা বটে ! তবে ইচ্ছা না করে'ও হারা উচিত ছিল না। সাম্রাজ্যটা বা যদি কখন পাবার আশা ছিল—তা' গেল।

আকবর। তবে সাম্রাজ্য পাবেন কে ?

তাহবর। আজীম। (দেখলেন না, কি রকম আমার পানে ফৌস করে' উঠলেন। পেছোনে বিষ না' থাকলে অমন 'কুলো পানা' চক্র হয় ? ওর তাড়াতে আমি কি রকম মুষড়ে গিয়েছিলাম দেখলেন না ?)

আকবর। আজীম ত নিজে ভারি বীর ! উনিই কি জিতে এসেছেন নাকি ?—হেরে—বেগম সাহেবাকে পর্যন্ত হাবিয়ে এসেছেন। রাজপুত উদার জাতি, তাই বেগমসাহেবাকে ফিরিয়ে দিয়েছে।

তাহবর। আজীম হেরে এসেছেন সত্য ; কিন্তু সে হারাটা সম্রাটের নিজের কি না ! সম্রাট কিছু মুখ ফুটে ব'লতে পারেন না। আজীম ছিলেন সম্রাটের অধীন কর্মচারী। আর আপনি ছিলেন স্বাধীন সেনাপতি।

আকবর। আজীম সম্রাটের প্রিয়পাত্র—কেন না সে খোসামুদে, গোঁড়া মুসলমান—মদ ছোঁয় না, গান শোনে না, দশবার নেওয়া জ পড়ে।—ভণ্ড ! কেবল সম্রাটকে খুসী রাখবার ফন্দি।

তাহবর। আপনিও তাই কখন না কেন ?

আকবর। তাহবর ! আমি বাজ্য ত্যাগ ক'র্ত্তে প্রস্তুত আছি ; সুরা, নারী আব গান ত্যাগ ক'র্ত্তে প্রস্তুত নই। আমি আজীবন মত নীচ নই। দরাজ হাতে জীবন ব্যয় করি। বত নীচ, ভীক, কৈতববাদী !

তাহবর। চুপ ! সম্রাট আসছেন—মাথা সামাল !

আকবর বিনাবাক্যে অলক্ষিতভাবে চণিয়া গেছেন

ওরংজীব ও দিলীর ঐ প্রবেশ করিলেন

ওরংজীব। কি। দুর্গাদাস ঝালোব জয় কবেছে ? আর পুন্মণ্ডলে সুরবলদাস খাঁও রোহিলাকে গবাস্ত কর'ছে ?

দিলীর। হাঁ, জাঁহাপনা ! আবো আছে। দখাল সাহা মোগল-সৈন্যকে মালব থেকে তাড়িয়ে দিয়েছে। এখন সে কাজিদেব ধবে' শ্মশ্রু-মুণ্ডন ক'র্ছে, কোবাণ কুপে নিধেপ ক'র্ছে, মসজিদ সব ধূলিসাৎ ক'র্ছে।

ওরংজীব। কি শেবে বর্শ্মেব উপর অত্যাচার !

দিলীর। তা'রা এ জিনিসটা জাস্তো না। সম্রাটই পথ দেখিয়ে-ছেন। সম্রাট হিন্দুব বেদ অগ্নিহুণ্ডে নিক্ষেপ কবেন নি ? ব্রাহ্মণকে ধবে' কন্ডা পড়ান নি ? তীর্থ অপবিত্র করেন নি ? দেবমন্দির বিচূর্ণ কবে নি ? জনাব। কথা শুনুন ! হিন্দুবিদ্বেষ পরিত্যাগ ককন, জিজিয়াকব বদ করুন। হিন্দু মুসলমান এক হোক।

ওরংজীব। কখন না ! আমি যতদিন জীবিত আছি, ততদিন মুসলমান মুসলমান, কাকের কাকের।) দিলীর খাঁ ! দাক্ষিণাত্য হ'তে মোজামকে আস্তে লিখ্ছি। এবাব সমস্ত মোগলসৈন্য নিয়ে মাড়বার আক্রমণ ক'র্ক। দেখি কি হয় ! তাহবর খাঁ ! সম্ভব হাজার সৈন্য নিয়ে মাড়বারের বিপক্ষে যাত্রা কর। আরো সৈন্য আকবরের অধীনে

পাঠাচ্ছি; আমি নিজে সটম্বে পিছে যাচ্ছি। দেখ—যদি মাড়বার জয় ক’র্ত্তে পারো, এক সাম্রাজ্যখণ্ড তোমায় দেব। যদি না পারো—তোমার পুরস্কাব লোহশৃঙ্খল।

প্রস্থান

তাহবর। কি বলেন, খাঁ সাহেব?

দিলীর। আমি একবার দেখলাম; তুমিও একবার দেখ।

### দ্বিতীয় দৃশ্য

স্থান—দিলীর প্রাসাদের অন্তঃপুরস্থ প্রমোদ উদ্যান। কাল—সায়াহ্ন। সম্রাজ্ঞী গুলনেয়ার সেই উদ্যানে বিচরণ করিতেছিলেন।

গুলনেয়ার। কি দীর্ঘায়ত বলিষ্ঠ দেহ। কি উচ্চ প্রশস্ত ললাট! কি তীক্ষ্ণ দৃষ্টি! কি দৃঢ়নিবদ্ধ বক্ষিম ওষ্ঠযুগল! সুনন্দর পুরুষ এই দুর্গাদাস! কিন্তু কি আশ্চর্য্য! সে একবার আমার পানে গদগদভাবে চাইল না? জগতে এই অতুলনীয় রূপ সে বিস্মিত হ’য়ে দেখল না? এ চাহনির জ্যোতির ছটায় সে অন্ধ হ’য়ে গেল না? আমার করম্পর্শের তড়িতপ্রবাহে সে মূচ্ছিত হ’য়ে প’ড়লো না? জগদাশ্বর! তোমার জগতে এ রকম মানুষ আছে!

গাইতে গাইতে রাজিয়ার প্রবেশ

গীত

কেমনে কাটাবো সারা রাত্তি রে, সে বিনা সই

—পলখ না হেরে যারে বাঁচি না বাঁচি না সই!

রাখি’ এ হৃদয়পুরে,

যারে মনে হয় দূরে,

তারে দূরে রাখি’ র’ব কেমনে—জানি না সই।

রাজিয়া। কি, ঠান্দি! সন্ধ্যা উত্তীর্ণ হ’য়ে গিয়েছে। তুমি এখনও এ নির্জজন উদ্যানে একা?

গুলনেয়ার। একাই আমার ভালো লাগে।

রাজিয়া। আগে লাগতো না!—ঠান্দি! আজকাল তোমাকে এত চিন্তাকুল দেখি কেন? আগে ত এরকম ছিলে না?

গুলনেয়ার। রাজিয়া তুই কখন ভালোবেসেছিস?

রাজিয়া। ওমা, তা আর বাসিনি! গ্রীষ্মে আম আর বর্ষাষ খিচুড়ি আমি খুব ভালোবাসি। তার পর উপরে ঐ পুঁষি মেনিটাকে যে কি ভালোইবাসি, ঠান্দি—কেমন “মেউ মেউ মেউ” করে—যদিও সেটা জানত কোন রাগরাগিণীর সঙ্গে মেলে না।

গুলনেয়ার। দূর হাবা মেরে! বলি কোন মানুষকে ভালোবেসেছিস?

রাজিয়া। মানুষ! বেসেছি বৈ কি—তোমায় ভালবাসি, মাকে ভালোবাসি—আর একজনকে ভারি ভালোবাস্তাম; সে মরে’গিয়েছে।

গুলনেয়ার। কে সে?

রাজিয়া। ঐ আমাদের বুড়ো বাবুটি। কি রান্নাই রান্ধত, ঠান্দি! যেন একেবারে সুরট মল্লার—(বলিষা গান ধরিয়া দিল—  
“পিয়ারে কহিও বর্ষা খাতু আই”—এটা কিন্তু দেশ! মল্লারেরই কাছাকাছি।)

গুলনেয়ার। তুই একটা গান গা, রাজিয়া, আমি শুনি।

রাজিয়া। (সোল্লাসে) শুনবে? রোস, এশ্রাজটা আনি।

গোড়িয়া প্রস্থান

গুলনেয়ার। যা হোক, আমি আর একবার তা’কে চাই! তা’র দস্ত চূর্ণ ক’র্ব্ব। কি স্পর্দ্ধা। আমার সম্মুখে একজন পুরুষ সোজা হ’য়ে দাঁড়িয়ে চলে’ যাবে? লালসায় জরজর হবে না? নতজাহ্ন হ’য়ে আমার কপাকটাক্ষ ভিক্ষা ক’র্ব্বেনা?

রাজিয়ার প্রবেশ

রাজিয়া এসাজ লইয়া বসিয়া কহিল—“কি শুনবে?”

শুলনেয়ার। কাল ছাদের উপর রাত্রে যেটা গাচ্ছিল!

রাজিয়া। সেটা? সেটা ত এসাজে বাজাতে পার্ক না।

শুলনেয়ার। বিনি এসাজেই গা’।

রাজিয়া এসাজ রাগিয়া দণ্ডিত গান বরিল

গান

হৃদয় আমার গোপন করে’ আর ত লো সহ রৈতে নারি

ভরা গাঙে ঝড় উঠেছে খর খর কাঁপছে বারি।

চেউয়ে চেউয়ে নৃত্য তুলে ছাপিয়ে উঠে কুলে কুলে,

বাধ দিয়ে এ মত্ত তুফান আর কি ধরে রাখতে পারি!

মানের মানা শুনবো না আর, মান অভিমান আর কি মাজে,

মানের তরী ভাসিয়ে দিয়ে, কাঁপ দেবো এই তুফান মাঝে;

যাবো তার তরঙ্গে চড়ি, দেখবো গিয়ে কোথায় পড়ি;

জীবন যখন করেছি পণ, সরমের ধার আর কি ধারি!

রাজিয়া। এটা হ’চ্ছে ছাযানট—ছায়া আর নয়—পঞ্চম থেকে একে-  
বারে রেখাব (সুর করিয়া) ভারি সুন্দর! না?

শুলনেয়ার। সত্যি ভরা গাঙে ঝড় উঠেছে! ‘বাধ দিয়ে এ মত্ত  
তুফান আর কি ধরে’ রাখতে পারি?’ দরকার কি? ধরে’ রাখতেই  
বা যাবো কেন? ভালোবাসার প্রবল উচ্ছ্বাস এসে আমায় গ্রাস করুক;  
আমায় ছেয়ে ফেলুক। উচ্ছ্বালেই আমার আনন্দ; বির্রাটেই আমার  
উল্লাস। তবে এই দুর্গাদাসকে আমি চাই। যশোবন্তের রাগী আমার  
উপলক্ষ মাত্র! আমার লক্ষ্য দুর্গাদাস। ওরংজীব! মাড়বার আক্রমণ  
কর। এই দুর্গাদাসকে আমি চাই।

শেষ

রাজিয়া। কি রকম! ঠান্দি কি বিড়ির বিড়ির ব'কতে ব'কতে চলে' গেল? এমন ছাযানটু বুঝলে না—

এই বলিয়া রাজিয়া মুখে কৃপাপ্রকাশক বসি করিয়া ছাযানটু

ভাঁজিতে ভাঁজিতে চলিয়া গেল

### তৃতীয় দৃশ্য

স্থান মাড়বার পদতঃশ্রেণী। কাল—প্রভাত। দুর্গাদাস ও ভীমসিংহ মুখোমুখি দাঁড়াইয়া। অদূরে গ্রামবাসিগণ কোলাহল করিতেছিল।

দুর্গাদাস। ভীমসিংহ! সম্রাট সমস্ত মোগলসৈন্য নিয়ে মাড়বাব আক্রমণ ক'রেছেন!—এবাব আমাদের জীবন-মরণেব সমস্তা! এবার রাজপুত জাতির হয় উচ্ছেদ, না হয় উত্থান-বীর! এই মহাসমরের জন্ম প্রস্তুত হও।

ভীম। সেই জন্মই পিতা আমাকে এখানে পাঠিয়েছেন। আমি এসেছি যুদ্ধে প্রাণ দিতে।

দুর্গাদাস। শিশোদীয় বীর! তোমার শৌর্য, তোমার স্বার্থত্যাগের কথা অবগত আছি। কিন্তু মেবার যুবরাজ! তুহি মহৎ আছো; তোমায় মহত্তর হ'তে হবে। তুমি বীর, কিন্তু এ যুদ্ধে তোমায় বীর্যের শিখরে উঠতে হবে।

ভীম। নিশ্চিন্ত থাকুন, সেনাপতি। এ যুদ্ধে প্রাণ বিসর্জন ক'র্তে এসেছি—কর্তব্যজ্ঞানে। সে কর্তব্য নিজের প্রতি, পিতার প্রতি, রাজপুত জাতির প্রতি। সে কর্তব্যের পথ হ'তে ভীমসিংহ স্থলিত হবে না। আমায় বিশ্বাস করুন।

দুর্গাদাস। ভীমসিংহ! আমরা তোমায় সম্পূর্ণ বিশ্বাস করি।

ভীম। মহারানী কোথায়?



দুর্গাদাস । তিনি সমস্ত মাড়বারে ; নগরে, গ্রামে, অরণ্যে, পর্বতে । তিনি স্বয়ং সৈন্যসংগ্রহ ক'রছেন—জাতিকে উত্তেজিত ক'রছেন ! মাড়বার যশোবন্তসিংহের মৃত্যুতে বিচ্ছিন্ন হ'য়ে পড়ে'ছে ! তাই মহারাজী স্বয়ং মাড়বাব জাতিকে একত্রিত ক'র্ত্তে বেরিয়েছেন !

ভীম । আমি তাঁর সঙ্গে একবাব সাক্ষাৎ ক'র্ত্তে চাই ।

দুর্গাদাস । আজই সাক্ষাৎ হবে, কুমার ! তিনি আজ প্রভাতেই এই গ্রামে আসবেন । আমি তাঁর উদ্দেশ্যেই এসেছি !

সমরদাসের প্রবেশ

দুর্গাদাস । সংবাদ পেয়েছো, দাদা ?

সমর । হাঁ, মোগলসেনাপতি তাড়বব থা ৭০,০০০ সৈন্য নিয়ে মাড়বাব অভিমুখে আসছেন ! কুমাব আকবরের সঙ্গে আরো সৈন্যপিছনে আসছে ।

দুর্গাদাস । আর সশ্রাট ?

সমর । তিনি সসৈন্যে আজমীরে । তাঁর সঙ্গে লক্ষাধিক সৈন্য ।

দুর্গাদাস ভীমসিংহের দিকে চাহিলেন

ভীম । বাঠোরসৈন্য কত, সেনাপতি ?

দুর্গাদাস । ১০০০০ মাত্র । আমাদের লক্ষাধিক সৈন্য ছিল ; যশোবন্তসিংহের মৃত্যুতে ছত্রভঙ্গ হ'য়ে গিয়েছে—অনেক সৈন্য যুদ্ধ ছেড়ে ব্যবসা কি কৃষি ধরে'ছে । মহারাজী তাদেরই ডাক্তে বেরিয়েছেন । দেখ'ছে গ্রামবাসীদের ? যেন জীবন নাই । কিন্তু এরাই উত্তেজিত হবে । মহারাজীর মুখে, বক্তৃতায়, উত্তেজনার একটা তাড়িত শক্তি আছে ! তিনি আজ যেন একটা কি স্বর্গীয় প্রেরণায় উদ্দীপিত ! তাঁর কথায় আজ হিম পাথরকেও উষ্ণ করে, মেঘকেও ফেপিয়ে দেয় ।

ভীম । ঐ মহারাজী আসছেন !

দুর্গাদাস । হাঁ, ঐ আসছেন ! ভীম ! সরে' দাঁড়াও ।

ভীম। সত্যই ত। এ যে অপূর্ব, সেনাপতি! এ ত কখনও দেখি নাই! কি দানবদলনী মূর্তি! পৃষ্ঠে লুষ্ঠিত ঘন কৃষ্ণ কেশরাশি, দু' চারি গাছ উদ্ভাসিত কপোলে এসে পড়ে'ছে; চক্ষে কি দিবা জ্যোতি, ললাটে কি গর্ভ; ওষ্ঠে কি বরাভয়প্রদ হাস্য।—আর ভয় নাই, সেনাপতি! স্বয়ং মা জন্মভূমি মানবমূর্তি ধারণ করে' এসেছেন। আর ভয় নাই!

দুর্গাদাস ও ভীমসিংহের অন্তরালে অবস্থিত, রাণী ও

তৎপক্ষ্যতে গ্রামবাসিদিগের প্রবেশ

গ্রামবাসিগণ। জয় রাণীমাইর জয়!

প্রথম গ্রামবাসী। মহাবাণীকে জায়গা ছেড়ে দাও।

দ্বিতীয় গ্রামবাসী। আমরা মহারাণীকে দেখতে পাচ্ছি না।

রাণী একটি সন্নিহিত উচ্চ প্রস্তরের উপর দাঁড়াইয়া কহিলেন, “গ্রাম-বাসিগণ—পুত্রগণ!”

[তৃতীয় গ্রামবাসী। আমরা শুভে পাচ্ছি না। আমরা শুভে পাচ্ছি না।

রাণী। শুভে পাবে। শুভ হও!

চতুর্থ গ্রামবাসী। শুভ হও। স্থির হও।

রাণী। শোন, আমি আজ এখানে এসেছি কেন—শোন—

পঞ্চম গ্রামবাসী। আহা, তোমরা স্থির হও না—শুভে দাও।

রাণী। আগে আমার পরিচয় দেই! শোন আমি কে।

ষষ্ঠ গ্রামবাসী। এই চুপ কর! শুভে পাচ্ছি না।]

রাণী। মাড়বারবাসিগণ! আমি যশোবন্তের রাণী। মহাট্ট ঔরঞ্জীবের কৌশলে হিন্দুকুশের পরপ্রান্তে আফগানিস্থানের তুষার মধ্যে আমার স্বামী—তোমাদের রাজা যশোবন্তের মৃত্যু হয়। আমার জ্যেষ্ঠ পুত্র তোমাদের যুবরাজ পৃথ্বীসিংহ ঔরঞ্জীবের কৌশলে বিষ-প্রয়োগে প্রাণত্যাগ করে। আমার কনিষ্ঠপুত্র তোমাদের বর্তমান

কুমার অজিতসিংহ ঔরংজীবের গ্রাস হ'তে দূরে নিভুতে রক্ষিত। আর আমি তোমাদের রাণী আজ পথের ভিখারিণী !

গ্রামবাসিগণ কোলাহল করিতে লাগিল

সপ্তম গ্রামবাসী। তা' আমরা কি ক'রব ?

অষ্টম গ্রামবাসী। আমাদের ক্ষমতা কি ?

নবম গ্রামবাসী। সত্রাটের এ সব অত্যাচারের কিন্তু একটা প্রতিকার করা উচিত।

দশম গ্রামবাসী। আমাদের ত রাণী বটে ! আমরা ক'রব না ত কে ক'রবে ?

রাণী। শোন গ্রামবাসিগণ—আমি কিন্তু আজ নিজের দুঃখ জানানোই তোমাদের কাছে আসিনি। আমি এসেছি আজ—আমাদের সুন্দর মাড়বারের জন্ত তোমাদের সাহায্য ভিক্ষা ক'র্তে ! সত্রাট লক্ষাধিক সৈন্য নিয়ে মাড়বার আক্রমণ ক'র্তে আসছেন। তোমরা মাড়বারের সম্ভান ; তোমরা রাজপুত্র ; তোমরা বীর ! তোমরা কি নিশ্চিত ভাবে দাঁড়িয়ে তোমাদের জন্মভূমি পরপদদলিত, নিষ্পেষিত বিধ্বস্ত হ'তে দেখবে ?

একাদশ গ্রামবাসী। লক্ষাধিক সৈন্য ? হায় হতভাগ্য মাড়বার !

দ্বাদশ গ্রামবাসী। সেনাপতি ঝালোর আক্রমণ না করলে এটা হ'তো না।

ত্রয়োদশ গ্রামবাসী। হাঁ। কেন সুস্থ ব্যাঘ্রকে জাগিবে তোলা ?

চতুর্দশ গ্রামবাসী। লক্ষ মোগলসৈন্যের সঙ্গে যুদ্ধ করা হীনবীর্য মাড়বারের পক্ষে সম্ভব নয়।

রাণী। সম্ভব নয় ? সম্ভব নয় ? তবে তোমাদের দূর করে' দলিত করে' মোগল এই তোমাদের স্বর্ণভূমি অধিকার ক'র্তে, তাই তোমরা

নির্বিকারভাবে দাঁড়িয়ে দেখবে? হা ষিক! এত তরল কোমল যে জল, তাকে স্থানচ্যুত ক'র্তে গেলে, সেও বাধা দেয়। আর তোমরা নীরবে নিশ্চেষ্টভাবে নিজের দেশকে অস্ত্রের হাতে সাঁপে দেবে? হিন্দু তোমরা! রাজপুত তোমরা! ক্ষত্রিয় তোমরা!—সম্ভব নয়? যশোবন্তসিংহ জীবিত থাকলে তাঁর সম্মুখে এ কথা ব'লতে সাহস ক'র্তে না। তাঁর জন্ত সকলে প্রাণ দিতে তোমরা প্রস্তুত ছিলে। যশোবন্ত-সিংহের এক চাহনিতে তোমাদের রক্ত উষ্ণ হোত, তাঁর একটি কথাতে দশসহস্র তরবারি পিধান হ'তে বেরিয়ে আসতো; তাঁকে অস্বারূঢ় দেখলেই তোমাদের মিলিত জয়ধ্বনিতে আকাশ ধ্বনিত ক'র্তে। আমি নারী! আমি তাঁর বিধবা পত্নী। আমি আজ পথের ভিখারিণী। আমার কথা শুনবে কেন? আমি ত আর তোমাদের রাণী নই!

গ্রামবাসিগণ। আপনি আমাদের মহারানী। আপনার কথা শুনবো।

রাণী। শুনবে যদি, তবে তোমাদের গ্রাম, কুটীর ছেড়ে চলে' এসো। তরবারি লও। ওঠ, এই ঔদাসীন্ড পরিত্যাগ কর। একবার দৃঢ়পণ করে' ওঠো! ওঠো, যেমন তুরীশব্দে সিংহ জেগে ওঠে! ওঠো—যেমন ডমরুধ্বনি শুনে সর্প কণা বিস্তার করে' ওঠে; ওঠো—যেমন বজ্রধ্বনি শুনে পর্বতের কন্দরে কন্দরে প্রতিধ্বনি জেগে ওঠে; যেমন ঝঞ্ঝার নিষ্পেষণে সমুদ্রের তরঙ্গকল্লোল ওঠে। ওঠো! রাজস্থান জালুক, ঔরংজীব জালুক যে, তোমাদের শৌর্য্য স্থপ্ত ছিল মাত্র, লুপ্ত হয় নাই।

গ্রামবাসিগণ। মহারানী, আমরা যাবো। কিন্তু এ যুদ্ধে জয়শা নাই। মৃত্যুই সার হবে।

রাণী। মৃত্যু! গ্রামবাসিগণ—মৃত্যু কি একদিন আসবে না? সে যখন বিছানায় এসে তোমার টুঁটি চেপে ধ'র্কে, সে বড় স্বথমৃত্যু নয়। কিন্তু স্বেচ্ছায়, দেশের জন্ত, কর্তব্যের জন্ত, মৃত্যুই স্বথমৃত্যু।

গ্রামবাসিগণ । আমরা যাবো, মহারানি ! যেখানে আপনি নিয়ে যান, আমরা যাবো ।

রানী । এই ত তোমাদের যোগ্য কথা ! শোন—আমি কাউকে তাঁর ইচ্ছার বিরুদ্ধে ডাকছি না ! যদি কারো মাতৃভূমির প্রতি টান থাকে, যদি কারো স্বদেশের প্রতি সন্তানের জ্ঞান থাকে, যদি কেউ স্বাধীনতার জন্য প্রাণ উৎসর্গ কর্তে প্রস্তুত থাকে—সে এসে ! সে একাই একশ' ! ক্ষীণসংকল্প, দ্বিধাসন্দিগ্ধ ব্যক্তিকে আমি চাই না ! একাগ্র দৃঢ় স্থিরপ্রতিজ্ঞ ব্যক্তিকে আমি চাই । দুই পথ আছে, বেছে নাও !—একদিকে বিলাস, আমোদ, আরাম, আর উপভোগ ; আর একদিকে শ্রম, অনাহার, দারিদ্র ও দুঃখ ! একদিকে সংসার, গৃহ ও শান্তি ; আর একদিকে সমরক্ষেত্র, ক্ষত ও মৃত্যু । একদিকে নিজের সুখ ; আর একদিকে দেশের প্রতি কর্তব্য ; বেছে নাও ।

সকলে । আমরা কর্তব্য বেছে নিলাম ।

রানী । উত্তম ! তবে আজ সব রাঠোর মিলিত হও ! তুচ্ছ বিসংবাদ এই মহাত্মতের অগ্নিকুণ্ডে নিক্ষেপ কর । একবার সকলে এক হ'য়ে জন্মভূমিকে প্রাণ ভরে' ডাক “মাইজিকি জয়” !

সকলে । মাইজিকি জয় !

### চতুর্থ দৃশ্য

স্থান—বুদ্ধক্ষেত্রে রাজিয়ার শিবির । °কাল—রাত্রি । বৃষ্টি, ঝটকা বিদ্যুৎ ও বজ্র ।  
রাজিরা গাহিতেছিল—

ঘন ঘোর মেঘ আই', ঘেরি' গগন,  
বহে শীকরস্নিগ্ধচ্ছসিত পবন,  
নামে গভীর মল্লৈ, গুরু গুরু গরজন ।

ছুট, উন্মাদিনী ঝগড়া, এসে  
 বিধ্বস্তনে পড়ে—বৃষ্টিত কেশে  
 —মুখে হা হা স্বন ।  
 পিঙ্গল দামিনী মুহূর্ত্ত চমকে  
 ধাঁধি নয়ন—কড় কড় কড়কে  
 বজ্র সঘন।)

বাজিয়া। উঃ! বাপ্বে! কি কোলাহল! সৈন্তদের চীৎকাব!  
 কামানের গর্জ্জন! বণবাণেব ধ্বনি। হঠাৎ এ কি! কান ঝালা  
 পালা ক'বে দিলে। মানুষগুলো সঙ্গীতশাস্ত্র কখন চর্চা কবে'ছে বলে'  
 বোধ হয় না—উঃ।

কণে হস্ত প্রদান

আকবরের প্রবেশ

রাজিয়া। কে? বাবা?

আকবর। হাঁ, বাজিয়া!

বাজিয়া। এঃ! আপাদমস্তক ভিজে গিয়েছে যে বাবা! বাইরে  
 এসে কি? এত কোলাহল।

আকবর। যুদ্ধ হ'চ্ছে। রাজপুত মোগলশিবিবর আক্রমণ করে'ছে।

রাজিয়া! তা' না হয় ক'রেছে! কিন্তু এত বেস্তবো চোঁচায় কেন?

আকবর। বেস্তবো কি ব'ল্‌ছিস্, রাজিয়া? ব্যাপার গুরুতব।

—উঃ! কি বাশি বাশি মৃত্যু!

রাজিয়া। বেশ বুঝ্‌ছি। কিন্তু চোঁচায় কেন?

আকবর। কি ব'ল্‌ছিস্, রাজিয়া—এ সাক্ষাৎ মৃত্যু! মৃত্যুকে  
 এত কাছাকাছি কখন দেখিনি! উঃ—বাইরে কত লোক ম'র্ছে  
 জানিস্?

রাজিয়া। ম'র্ছে! তাই পালিয়ে এসেছ বাবা! ভয় ক'র্ছে?  
 ভয় কি বাবা!

আকবর। হয় ত আমাকে আর তোকেও আজ ম'র্তে হবে !

রাজিয়া। যদি ম'র্তেই হয় ত গাইতে গাইতে মরোঁ ! তীরাপহত লহরীর মত গাইতে গাইতে নেমে যাবো !

আকবর। ও কি ! বাব বার রাজপুতের জয়ধ্বনি ! ঐ আরো নিকটে !

নেপথ্যে। জয় মহারাণীর জয় !

তাহবরের প্রবেশ

তাহবর। যুবরাজ ! পালান পালান।

আকবর। কেন তাহবর থা ?

তাহবর। আমাদের পরাজয় হ'য়েছে।

আকবর। আমাদের সৈন্তরা কি ক'র্ছে।—সব মরে' গিয়েছে ?

তাহবর। না, সব মরে নি। তারা এ রকম অবস্থায় বুদ্ধিমান ব্যক্তি যা করে' থাকে—তাই ক'র্ছে ; শত্রুকে “পশ্চাদ্ভাগ দেখহ” করে' ছুটেছে।

রাজিয়া। পালাচ্ছে ! সে কি ! পালাচ্ছে কেন ? সেনাপতি ! রাজপুতের হাতে পরাজয় মেনে পালাতে লজ্জা হ'চ্ছে না !

তাহবর। তাদের আর লজ্জা কি ! তা'রা ত জীলোক নয়।  
—পালান সাহাজাদা, এখনও সময় আছে।

রাজিয়া। আমি পালাবো না। পালাবো কেন ? না হয় মরোঁ।  
বাবা ! তুমি মোগল হ'য়ে কোন্ মুখে পালাবে ?

তাহবর। যে মুখে যুদ্ধ হ'চ্ছে তারই উণ্টো মুখে। পালাতে হয় আবার কোন্ মুখে ?

রাজিয়া। আমি পালাবো না।

তাহবর। আপনি যদি না পালান, আমরাই পালাই। আপনি জীলোক—একটু লজ্জা হ'চ্ছে হয় ত, আমাদের সে বিষয়ে লজ্জা নাই !  
কি বলেন সাহাজাদা !

আকবর। উঃ! কি ভীষণ রাত্রি! কি হাহাকার! কি হত্যা!  
বাইরে। “পালাও, পালাও” “জয় রাণার জয়” “হর হর” ইত্যাদি।

রাজিয়া। উঃ কি কোলাহল!

তাহবর। কি ভাবছেন যুবরাজ! চলে’ আসুন! আপনি দেখছি  
জীলোকেরও অধম!

আকবর। উঃ—কি হত্যা! এত হত্যা আমি কখন দেখিনি।

তাহবর। তা’ খাড়া হয়ে থাকলে কি হবে। ঐ—ঐ—শিখিরেব  
দুয়ারে—এই দিকেব দরোজা দিয়ে—ঐ শত্রু’—বলিয়া তাহবর পলায়ন  
করিলেন।

আকবর। চলে’ আয় রাজিয়া! আমরাও পালাই।

রাজিয়া। বাবা!

আকবর। কথা ক’স্নে, এই দিক্ দিয়ে—এই দিক্ দিয়ে আয়  
ব’লছি।

আকবর রাজিয়াকে টানিয়া লইয়া নিজস্ব হইলেন।

তৎপরক্ষণেই দুইজন রাজপুত সেনানীর প্রবেশ

১ম সেনানী। কেউ নাই—পালিয়েছে। কোন্ দিকে পালালো!

২য় সেনানী। এই দিক্ দিয়ে—

তাহারা চলিয়া গেল। সমরদাস ও আরো রাজপুতসৈন্য প্রবেশ করিল

সমর। বল—ভগবান্ একলিঙ্গের জয়।

সকলে। জয় ভগবান্! জয় একলিঙ্গের জয়।

সমর। ভীমসিংহ কোথায়?

১ম সৈনিক। তাঁকে দেখছি না।

সমর। যাও, অন্বেষণ কর।

সমর ভিন্ন সকলের গ্রহণ

সমর। উঃ—কি রাত্রি! কি যুদ্ধ! কি স্তূপীভূত হত্যা!



## শপথন দৃশ্য

স্থান—মেবারের এক গিরিহর্গ। হৃদতীরে দুইটি প্রস্তর-নির্মিত বেদী। কাল—  
জ্যোৎস্না-রাত্রি। কমলা বেদীতে বসিয়া একাকিনী গাহিতেছিলেন—

এস প্রাণসখা এস প্রাণে,

মম দীর্ঘ বিরহ অবসানে।

কর, তৃপ্তি প্রাণ অভিষিক্ত, তব, প্রেমসুধারস দানে।

বন, আকুল, বনফুল গঞ্জে, বন, মুগ্ধরিত, মর্শ্বর হলে,

বহে, শিহরি পবন, মৃদুমন্দ, গাহে, আকুল কোবিল কুহ কুহ তানে

একি জ্যোৎস্নাগর্জিত শব্দরী ; একি পাণ্ডুর তারাপুঞ্জ ;

একি স্নায় নীরব মেদিনী ; একি নীরব নিভৃত নিকুঞ্জ ,

বসে' আছি পাতি' মম অঞ্চল ; অতি শঙ্কিত কম্পিত চঞ্চল।

এস হে প্রিয় হে চিরবাহিত !—মম প্রাণ স্বীয়, প্রাণোপ না মানে।

জয়সিংহ বাগানের মধ্যে সে স্থানে উপস্থিত হইয়া সে গীত শুনিতেছিলেন

কমলা। কে !—ও ! তুমি !

জয়। হাঁ আমি।

কমলা। কতক্ষণ এসেছো ?

জয়। অনেকক্ষণ।

কমলা। এতক্ষণ কি ক'ছিলে ?

জয়। শুন্ছিলাম।

কমলা। কি ?

জয়। বীণার ধ্বনির সঙ্গে মূরঙ্গ ! কি শুন্ছিলাম ? কি শুন্ছিলাম  
তা' ঠিক জানি না ! কিন্তু যা শুন্ছিলাম, তা' পূর্বে কখন শুনি নাই।

কমলা। বুঝেছি। তুমি আমার গান শুন্ছিলে।

জয়। হবে। আমি ত এতক্ষণ এ রাজ্যে ছিলাম না। স্বপ্নরাজ্যে  
ছিলাম। কিন্তু শুন্ছিলাম কি ?—না দেখেছিলাম ? দেখেছিলাম

বুঝি, যে, কতকগুলি সুন্দর কিশোর স্বর শুভ্রপক্ষ বিস্তার করে, আকাশে বিচরণ ক'চ্ছে। শেষে সে স্বরগুলি আরো গাঢ় হ'য়ে, আরো গদগদ হ'য়ে আরো উজ্জ্বল হ'য়ে একটি একটি নক্ষত্রে বিলীন হ'য়ে গেল !

কমলা। না ! তুমি এত বেশী সংস্কৃত ব'লে যে, তার অর্থ বোঝা আমার অসাধ্য। সোজা প্রচলিত ভাষায় বল—বুঝতে পারি।

জয়। কমলা ! তুমি যা' গাইলে, প্রাণ থেকে গাইলে কি ? না একটা যা মনে এলো তাই গাইলে ?

কমলা। কি বোধ হয় ?

জয়। জানি না। তবে গান্নে মান্নে মনে হয়, তুমি কোন যাহুকরী, আমাকে যাহু করেছে।

কমলা। যাহু করার দবকার নেই ! তুমি নিজেই যাহু যাচ্ছে।

জয়। আমি যে নিজ্জীব, নিঃস্বেজ, নৃকস্মণ্য হ'য়ে গিয়েছি। একি ভালোবাসা ? না মোহ ?

কমলা। যাই বল' ফল ত দাঁড়াচ্ছে এক। তুমি ত এই ক'ড়ে আঙ্গুলের চারিদিকে ঘুর্ছে !

জয়। এ যদি ভালোবাসা হয়, ত এ ত বড় ভয়ানক !

কমলা। ভয়ানক কি ?

জয়। ভয়ানক নয় ? যে ভালোবাসা সব উৎসাহ তেজ লুপ্ত করে, যে ভালোবাসা মানুষকে অজ্ঞান করে' দেয়, তার চক্ষু হ'তে বিশ্বনিখিলকে নির্বাসিত করে ; যাতে মানুষ মনুষ্য হারায়—সে বড় ভয়ানক অবস্থা।

কমলা। তাও ত বটে ! এ ত বড় ভয়ানক। রোগ শত্রু। চিকিৎসা করা দরকার। বড়রাগীকে ডাকবো নাকি ? সেই একা তোমার এ রোগ সারাতে পারে। কেমন দুটো স্ত্রীকা কথা বলে' সেদিন তোমায় যুদ্ধে পাঠিয়েছিল। ডাকবো ?

জয়। না কমলা! এ রোগ তার ডিকিৎসারও অসাধ্য হ'য়েছে। আর কেউ সারাতে পারে না। শোন কমলা—মাড়বারের সঙ্গে সম্রাট ঔরংজীবের বন্ধ বেধেছে। পিতা আমায় সেদিন ডেকে পাঠালেন। আমি উপস্থিত হ'লে ব'ল্লেন—“যাও পুত্র! দুর্গাদাসের সাহায্যে যাও।” আমি মাথা হেঁট করে' রৈলাম। তিনি ব'ল্লেন—“কি জয়সিং! নীরব রৈলে যে?” আমি মাথা হেঁট করে' রৈলাম। পরে ব'ল্লেন—“বুঝেছি, আচ্ছা অকস্মেৎ যাও; আমি ভীমসিংকে পাঠাচ্ছি।” মাথা হেঁট করে' চলে' এলাম। পরে সরস্বতী এসে ভৎসনা ক'লে। কথা কৈলাম না? মনে দিক্কার হ'ল!—আমায় এ কি ক'লে' কমলা! আমাকে কি মোহে আচ্ছন্ন করে'ছো! কি নেশায় বিভোর করে' রেখেছো!

কমলা। আমি কিন্তু তোমায় কিছু খাওয়াই নি টাওয়াই নি।—দোহাই ধর্ম!—শেষে যে দৃশ্বে, তা' হবে না।

জয়। না কমলা, আমি তোমায় দোষ দিচ্ছি না!—একদিন জিজ্ঞাসা ক'রেছিলাম ‘রূপ কি সুরা!’ এখন দেখ'ছি যে রূপ—

কমলা। আফিং! আমিও সে দিন বলে'ছিলাম, তুমি বিশ্বাস ক'লে' না।

জয়। কমলা, আমি তোমায় ভালোবাসি।

কমলা। সে ত অনেকবার বলে'ছো।

জয়। বলে' তৃপ্তি হয় নাই। আবার ব'ল'ছি—ভালোবাসি। বলতে বড় ভালো লাগে।

কমলা। তবে যত খুসী বল।—তা' মুখে যতই বল, আমি জানি কাজের বেলায় তুমি বড়রাণীগত প্রাণ।

জয়। আমি!

কমলা। নয় ত কি আমি!—আমি তোমার মুখের ভালোবাসা পেয়েছি মাত্র। কিন্তু কাজ গুছিয়ে নিয়েছে বড়রাণী!

জয়। কিসে ?

কমলা। বলে' দরকার কি !

সভিমনে প্রস্থান

জয়। শোন কমলা !—না। এ নারীর ক্ষণিক অভিমান মাত্র !  
এই বৃষ্টি আর এই রোদ্রে কি অপূর্ব জাতিই তৈয়ের করে'ছিলে পরমেশ !

সরস্বতীর প্রবেশ

সরস্বতী। নাথ !

জয়। সরস্বতী !

সরস্বতী। মাড়বারে মোগল ও রাজপুতের মধ্যে যুদ্ধের পরিণাম  
গুনেছো ?

জয়। না।

সরস্বতী। শুন্তে চাও ? অবকাশ আছে ?

জয়। বল শুনি।

সরস্বতী। সমরে মাড়বার জয়ী হ'য়েছে। কিন্তু—

জয়। কিন্তু ?

সরস্বতী। কিন্তু তোমার ভাই আর নাই।

জয়। কে, ভীমসিংহ ?

সরস্বতী। হাঁ। তিনি এ যুদ্ধে মাড়বার রক্ষার জন্য প্রাণ বিসর্জন  
দিয়েছেন !

বলিতে বলিতে সরস্বতীর কণ্ঠ বন্ধ হইল

জয়। মহৎ উদার বীরোত্তম ভাই ! তুমি অক্ষয় স্বর্গলাভ করে'ছো।

সরস্বতী। আর তুমি ?

জয়। বুঝি নরক।

সরস্বতী। হায় নাথ !

প্রস্থান

জয়। সরস্বতি ! আমায় ঘণা কোরো না। আমি অক্ষম !—আমি অক্ষম !—এই যে পিতা আসছেন। সঙ্গে মাড়বারমহিষী ও সমরদাস।  
আগি কূপের ভেক, কূপের মধ্যে বাই। আমি পিতার অবজ্ঞাকরণ দৃষ্টি  
সৈতে পার্ক না।

প্রস্থান

রাজসিংহ, মহারাণী ও সমরদাসের প্রবেশ

রাজসিংহ। এইখানে বোসো রাণী ! ঘরে অসহ্য রকম উত্তাপ ! এই  
জ্যোৎস্নালোকে বোস। এই স্থান ভীমসিংহের বড় প্রিয়স্থান ছিল। সে  
এখানে এসে ঐ নীল সরোবরের দিকে চেয়ে সমস্ত প্রভাত কাটিয়ে দিত।

সকলে বেদীর উপরে উপবেশন করিলেন

রাণী। রাণা ! ভীমসিংহের শৌর্য্যকাহিনী ইতিহাসের পৃষ্ঠায় স্বর্ণাক্ষরে  
লিখে রাখবার জিনিষ।

রাজসিংহ। আমি তাকে হারিইছি—চিরদিনের মত হারিইছি !

বাণী। রাণা ! যুদ্ধে মরার চেয়ে ক্ষত্রিয়ের আর অধিক গৌরবের  
মৃত্যু কি আছে ? ভীমসিংহ যদি আমার পুত্র হোত, তা' হ'লে তার  
অমররূপ মৃত্যু কামনা ক'র্ত্তাম না।

রাজসিংহ। তুমি সত্য কথা বলে'ছ মহারাণী !—বল সমরদাস !  
ভীমসিংহ কিরূপ যুদ্ধ কলে' !

সমর। সে রকম যুদ্ধ আজ পর্য্যন্ত কেউ করে নাই রাণা ! শুধু—  
সে রাত্রি ঘোর অন্ধকার, আকাশ মেঘাচ্ছন্ন, মুঘলধারে বৃষ্টি প'ড়ছিল।  
এরূপ ঘন অন্ধকার যে, সে রূপ বৃষ্টি আর কখন হয় নাই।  
কেবল মুহুমুহু বজ্রধ্বনি সে ভীষণ রাত্রিকে আরো ভীষণ করে' তুলেছিল।  
উঃ—কি সে রাত্রি !

রাণী তার পর ?

রাজসিংহ। ( উদ্ভ্রান্তভাবে ) এ কি রকম রাত্রি ! এ রকম রাত্রি !

সমর। এ হেন রাত্রিকালে আপনার পুত্র আমাদের পুনঃ পুনঃ নিবেদন সত্ত্বেও দশ সহস্র মেবারসৈন্ত নিয়ে মোগলশিবির আক্রমণ কর্লে—মোগলসৈন্ত লক্ষাধিক হবে !

রাজসিংহ। ( উদ্ভ্রান্তভাবে ) আমি তাকে নির্বাসিত করে'ছিলাম—তাকে নির্বাসিত করে'ছিলাম।

বাণী। ধন্য শিশোদীয় কুমাব ! তাব পর ?

সমর। তার পর একটা প্রকাণ্ড কল্লোল—সেই বজ্রধ্বনি ছাপিয়ে উঠে আমাদের কামানের বিরাট গর্জন। আব সেই নৈশ বৃষ্টিধারা ছাপিয়ে শত্রুসৈন্তের আর্তধ্বনি।

রাজসিংহ। ( উদ্ভ্রান্তভাবে ) আমি নিজের দোষে তাকে হারিয়েছি।

বাণী। তারপর ?

সমর। তখন আমি দশ সহস্র রাঠোরসৈন্ত নিয়ে ভীমসিংহের সাহায্যার্থে গেলাম। গিয়ে দেখলাম—সেই বিদ্যুতের আলোকে কি দৃশ্য দেখলাম রাণা—তা' জীবনে ভুলতে পার্ব না।

রাজসিংহ। ( উদ্ভ্রান্তভাবে ) সে দিন সে বলে'ছিল—পুত্র সেদিন বলে'ছিল যে যুদ্ধে প্রাণ দিতে যাচ্ছি।

বাণী। বল সমর।

সমর। মহারাণি ! বিদ্যুতের আলোকে দেখলাম যে, শত্রুসৈন্ত বন্দুক তরবারি অস্ত্র নিয়ে ফিরে দাঁড়িয়েছে। ভীমসিংহের সৈন্ত একটা বিশ্বগ্রাসী প্রলয়োচ্ছ্বাসের মত তার উপর গিয়ে পড়লো। অমনি বিপক্ষপক্ষের বন্দুক আর কামান অগ্নি উলগীরণ করল। সে কি যুদ্ধ।—যে জালামুখীরা উল্কাবিরত গৈরিক জ্বালায় সঙ্গে ঘুর্ণীকৃত্যর যুদ্ধ।

বাণী। ধন্য ভীমসিংহ ! তার পর ?

রাজসিংহ । ( উদ্ভ্রান্তভাবে ) অভিমান করে' চলে' গেছে ? পিতার প্রতি পুত্র অভিমান কবে' চলে' গিয়েছে ।

সমর । ভীমসিংহকে বিদ্যাতের আলোকে তখন দেখতে পেলাম ; উন্নতের জাতি—মূর্তিমান প্রলয়ের জাতি । যেখানে শত্রুসংখ্যা অধিক, সেখানে ভীমসিংহ । তাঁর দশসহস্র সৈন্য দশলক্ষ বোধ হ'তে লাগলো — একা ভীমসিংহ একত্রে দশ জায়গায় দশজন সৈন্যাদ্যক্ষেব কাজ ক'র্ত্তে লাগলো ।

বাণী । ভীমসিংহ । ভীমসিংহ ! তুমি যদি আমার পুত্র হ'তে ।

রাজসিংহ । ( দীর্ঘনিশ্বাস সহকারে ) অভিমান কবে' চলে' গিয়েছে !

বাণী । তার পব ?

সমর । এই সময় বাঠোবসৈন্য মেবারসৈন্যের সাহায্যে এসে উপস্থিত হ'লো । তাদের আসা মাত্রই শত্রুসৈন্য ছত্রভঙ্গ হ'য়ে উল্কামে পালালো । আমরা তাদের বহুদূর তাড়িয়ে নিয়ে গেলাম ।

বাণী । তার পর ?

সমর । শিবিরে ফিরে এলাম, ভীমসিংহকে দেখতে পেলাম না । পরদিন প্রাতঃকালে তাব মৃতদেহ বৃক্ষক্ষেত্রে দেখতে পেলাম ।

বাণী । বাণা ! আপনার পুত্র আজ স্বদেশ রক্ষা করে'ছে ।

রাজসিংহ । ভীমসিংহ । ভীমসিংহ ! পুত্র—পুত্র !

বাণা মুচ্ছিত হইলেন

পট পরিবর্তন

## মঠ দৃশ্য

স্থান—মোগলশিবির কাল—দ্বিপ্রহর দিবা।—সম্রাটপুত্র আকবর ও মোগল সেনাপতি তাহবর খাঁ।

আকবর। কি বল তাহবর খাঁ! এ যুদ্ধে আমরা সম্পূর্ণ পরাজিত হয়েছি?

তাহবর। সম্পূর্ণ! সে বিষয় কোনই ভুল নেই!

আকবর। কি বীবস্ত্র এই রাজপুত জাতির! কামানের গোলাকে বন্ধুর মত আহ্বান করে, তরবারিকে প্রেয়সীর মত আলিঙ্গন করে!

তাহবর। কিন্তু তাদের তরবারিগুলো ঠিক প্রেয়সীর মত এসে যে আমাদের আলিঙ্গন করে, তা' ঠিক ব'লতে পাবি না সাহজাদা! বরং অনেকটা বারান্দনার মত ফস্ করে' দেখতে না দেখতে কণ্ঠদেশে এত শীঘ্র এসে পড়ে যে, বেশ একটা উদ্বেগ টের পাওয়া যায়।

আকবর। কি জাত! সাহসী বজ্রব মত; স্বচ্ছ আকাশের মত; উদয় সমুদ্রের মত—কি জাত!

তাহবর। জাত ত বেশ! কিন্তু ঐ একটা দোষ সাহাজাদা!—ফুস'ও দেয় না। বড় বেশী ধাঁ করে এসে পড়ে। দেখুন সাহাজাদা, কা'ল রাতে শিবিরের মধ্যে নিশ্চিতভাবে গুয়ে রৈচি। বাইরে বিপর্যয় ঝড়বৃষ্টি! কোন ভদ্রলোক সে সময় খর থেকে বেরোয় না। এই রাজপুত জাতটা তা' মান্লে না! ঐ অন্ধকার ঝড়বৃষ্টি ফুঁড়ে ধাঁ করে' আমাদের শিবিরে এসে প'ড়'লো—বন্ধুক, বর্ষা না নিয়ে এলে হয় ত ভাব্তাম—বুঝি তামাসা ক'র্ছে।

আকবর। মোভানাল্লা। কি জাঁকালো রকম আক্রমণই ক'র্লে!

তাহবর। আর আমাদের সৈন্যগুলো কি জাঁকালো রকমই



পালালো ! সোভানাল্লা ! এমনি উন্টো দিকে দৌড়লো যে, ঐ অন্ধকারে হৌছটু খেয়ে প'ড়লো না, এই আশ্চর্য্য !

আকবর । কিন্তু এ পরাজয়ের কথা শুনে পিতা কি বলবেন ?

তাহবর । তা' ঠিক জানি না । তবে যে সন্দেশ খেতে দেবেন না, সেটা নিশ্চিত । আমাকে ত আস্বার আগে বেশ প্রাজ্ঞল বিত্তুক উদ্ভূতে বলে' দিয়েছেন যে, আমি যদি এ যুদ্ধে হেরে আসি, ত আমাব দুই হাতে দু'গাছ লোহার বালা পরিষে দেবেন ; শাড়ী পরাবেন কি না, সেটা ঠিক করে' বলেন নি । তবে আমায় নাচুতে হবে না বোধ হয় !

আকবর । এখন উপায় ? বাজপুতদের সঙ্গে যুদ্ধ করে' জয়েব আশা ত নাই ।

তাহবর । তা' নাই । আর ও জাতেব সঙ্গে যুদ্ধ করাটায় আমার আপত্তি আছে ।

আকবর । কি ?

তাহবর । ওরা যুদ্ধ জানে না । সেদিন দেখলেন ত মেবারে ? না খেতে দিযে মার্কবার ফন্দি বের ক'লে ! এ কোন্ শাস্ত্রে লেখে ? তার পর এখানে যুদ্ধ হবার পূর্বে এসে আক্রমণ ক'লে !—কেউ শুনেছে ! আবে যুদ্ধ করিব ত যুদ্ধ কর ! তলোয়ার নে । দু'বার এগো, দু'বার পেছো ; দু'টো চক্র দে ; বোল ছাড় । না, ধাঁ করে' এসে একধার থেকে কাটুতে শুরু ক'লে ! যেন বেটারা মাথাগুলো বেওয়ারিশি হাল পেয়েছে ।

আকবর । না তাহবর খাঁ । আমি এ জাতটাকে যতই দেখছি, ততই মুগ্ধ হ'ছি ! এদের সাহায্য পেলে আমি পৃথিবী জয় ক'র্তে পারি ।

তাহবর । এদের সাহায্য পেলে ত পারেন, না পেলে ত নয় ! আচ্ছা একটা ত কাজ ক'র্তে পারেন !

আকবর। কি ?

তাহবর। এঃ—এ যে ভারি সোজা কাজ। এক্ষণে ত মাথায় ঢুকিনি। বেজায় সোজা। আঃ এমন কাজ একটা হাতে রয়েছে !

আকবর। কি ? কি ?

তাহবর। এ যে যতই ভাবছি, ততই বেশী সোজা বোধ হচ্ছে !  
শুভন—আপনি সন্ধ্যা হ'তে চান ?

আকবর। কি রকম করে ?

তাহবর। কি রকম হবে ?—অত এগিয়ে এলে হবে না ! আগে, চান কি না ?

আকবর। হাঁ চাই।

তাহবর। সোণার চাঁদ আমার ! সন্ধ্যাট অমনি হ'লেই হ'ল ! পড়ে' রয়েছে !

আকবর। তুমিই ত প্রস্তাব ক'লে !

তাহবর। তা' করে'ছি বটে। তবে শুভন—এর এক খুব সোজা উপায় রয়েছে !

আকবর। কি ? কি ?

তাহবর। এই রাজপুত জাতি—হাঃ হাঃ হাঃ—এ যে, ভারি সোজা !

আকবর। কি রকম ? কৈ ? খুব সোজা নাকি ?

তাহবর। ভারি সোজা ! বল্‌ছিলাম না সাহজাঙ্গ ! যে রাজপুত ভারি জাত ? ধরুন তা'রা যদি ঔরংজীবকে নামিয়ে আপনাকে সিংহাসনে চড়িয়ে দেয়। আপত্তি আছে ? আমাদের সৈন্ত আর রাজপুতসৈন্ত এই দুইয়ের যদি যোগ হয় ?

আকবর। আমিও ঠিক সেই কথাই ভাবছিলাম। সোভানাব্বা !

তাহবর। আরে শুভন। এ বাইজির গান নয়, যে না শুনেই চোঁচিয়ে উঠবেন 'সোভানাব্বা !' শেষ পর্যন্ত শুভন। এখন প্রশ্ন হ'তে

পারে এই যে, রাজপুত্রেরা আমাদের সঙ্গে যোগ দেবে কি না ?—তাদের ত ঘুম চ'চ্ছে না !

আকবর । সেটা ত প্রশ্ন হতেই পারে বটে !—এঃ আবার ঘুলিয়ে দিলে !

তাহবর । তার যে অত্যন্ত সোজা উত্তর রয়েছে ।

আকবর । রয়েছে না কি ?

তাহবর । তার উত্তর চ'চ্ছে এই যে—কেন যে দেবে না, তা' ত বোঝা যাচ্ছে না ।

আকবর । বাঃ খুব সোজা উত্তর ত !

তাহবর । বলি তা'রা দারার পক্ষ হয়ে লড়েনি ? সম্রাটের পক্ষ চ'যে লড়েনি ?

আকবর । আমিও ত ভাই ব'ল্ছিলাম ।

তাহবর । কিন্তু—

আকবর । আবার কিন্তু কি—আবার সব ঘুলিয়ে দিলে !

তাহবর । কিন্তু সে বিষয়ে নিশ্চিত হওয়া দরকার । আমি বলি, একবার রাঠোর সেনাপতির সঙ্গে সেটা যুক্তি করে' দেখলেই ত বেশ পরিষ্কার বোঝা যায় ।

আকবর । আমিও তাই ব'ল্ছিলাম । ব্যস্—তুমি তবে রাঠোর শিবিরে যাও ।

তাহবর । সে বিষয়ে আমার একটু আপত্তি আছে । দুর্গাদাস যদি সেই সময়ে তলোয়ারখানা নাকের সামনে সেই রকম ঘোরায়—আর মাথায় হাত দিয়ে মাথাটা খুঁজে না পাই ?

আকবর । তা' বোঝাবে না ।

তাহবর । যদি ঘোরায় ?

আকবর । তখন ব'লো—হাঁ !

তাহবর। তখন হাঁ ব'লবার ফুর্সৎ পেলাম কৈ! আমার মাথাটাই যদি রৈল আমার পায়ের নীচে পড়ে, তবে হাঁ বলবো কি দিয়ে!

আকবর। তবে উপায়?

তাহবর। উপায় এক—রাঠোর সেনাপতিকে এখানে ডাকা। পর্বত যদি মহম্মদের কাছে না যায়, ত মহম্মদ' ত পর্বতের কাছে আসতে পারেন।

আকবর। বাস্—তাও ত হ'তে পারে। আমিও ত তাই—

তাহবর। তাও যখন হ'তে পারে, তবে তাই হোক না। সব গোল মিটে গেল ত? এখন আমি আসি—একটু নাসিকাবানি করিগে যাই।

তাহবর অভিবাদন করিয়া চলিয়া গেলেন

আকবর। মন্দ কি! এতদ্বিন্ন আমার সম্রাট হবার উপায় দেখি না। অন্তত আজীম জীবিত থাকতে!—উঃ কি মেঘগর্জন!

রাজিয়ার প্রবেশ

রাজিয়া। বাবা, বাইরে এসো! শিল প'ড়ছে—শিল প'ড়ছে!

আকবর। তা' পড়ুক।

রাজিয়া। দেখ'সে!

হাত ধরিয়া টানিলেন

আকবর। যাঃ। তোর লজ্জা নেই। তুই বড় হইচিস! জানিস্! যাঃ—

বিষমভাবে রাজিয়া প্রস্থান করিল

আকবর। দেখি! তীরে বসে চেউ গুণে কি হবে? ঝাঁপিয়ে ত পড়ি! পরে যা হয় হবে। এই রমজান—সরাব লে আও, বাইজি লে আও।—উসি তাঁবুমে।

## সপ্তম দৃশ্য

স্থান—মোগলশিবির। কাল—রাত্রি। মুকুটশোভিত আকবর সিংহাসনাবৃত, মস্তকে রাজচ্ছত্র ও পার্শ্বে চামরধারিণীদ্বয়। সম্মুখে পারিষদবর্গ ও নর্তকীবৃন্দ।

আকবর। আমি সম্রাট্ আকবর নম্বর দোয়েম্।—কি না ?

১ম পারিষদ। হাঁ।

আকবর। আমার মাথায় রাজচ্ছত্র আছে—কি না ?

২য় পারিষদ। আছে বলে' আছে !

আকবর। আমার জয়পতাকা উড়ছে কি না ?

৩য় পারিষদ। শুধু উড়ছে ! একবারে পত পত শব্দে উড়ছে।

আকবর। বাস্ ! আর কিছু চাই না, গাও।

বাজনা বাজিণ

আকবর। দাঁড়াও।—সম্রাট্ বেটা কি ক'র্ছে ব'লতে পারো ?

১ম পারিষদ। সে বেটা পালিয়েছে।

আকবর। উঃ—বেটা পালাবার ছেলে নয়। বেটা যুদ্ধ ক'র্বে। সহজে ছাড়বে ?—তা' ককক বেটা যুদ্ধ। যখন আমার পক্ষে হুগ্গোদাস আছে, আমি কাউকে ডরাই নে।—ওহে জানো বেটা হুগ্গোদাস বাবাকে—অর্থাৎ কি না হুগ্গোদাসকে বেটা বাবা ভাবি ডরায।

৩য় পারিষদ। ডরায নাকি ! হাঃ হাঃ হাঃ !

আকবর। উঃ ! সেদিন এক বেটা ছবিওয়ালা শিবজি আব হুগ্গোদাসের ছবি একে নিয়ে এসে বাবাকে দেখাচ্ছিল। তা' বাবা শিবজির ছবি দেখে ব'লে “এ বেটাকে সাপ্টে নিতে পারি—কিন্তু ঐ বেটা—কিনা হুগ্গোদাস—জালাবে !”

২য় পারিষদ। ছবি দুটো কি রকম এঁকেছিল ?

আকবর। শিবজিকে এঁকেছিল—গদিতে বসে আছে ; মাথায় মুকুট, কপালে তিলক। কিন্তু দুর্গগোদাস ঘোড়ার উপর চড়ে বর্ষার আগায় ভুট্টা পোড়াচ্ছে।

২য় পারিষদ। ও বাবা ! শুনেই আমাদের ভয় পাচ্ছে, তা' সম্রাট—

আকবর। সম্রাট কে ?

১ম পারিষদ। ( দ্বিতীয় পারিষদকে ) হাঁ, সম্রাট কে হে ?

আকবর। সম্রাট ত আমি।

১ম পারিষদ। জাহাপনাই ত সম্রাট, খোদাবন্দ !

আকবর। বাস্—তবে গাও।

বাজনা বাজিল

আকবর। হাঁ শোন। দুর্গগোদাস কোথায় গেল ? কেউ জানে ?

৩য় পারিষদ। কৈ ! না।

আকবর। হাঁ উদয়পুরে গিয়াছে বটে ; তবে আমার অভ্যুত্থান না নিয়ে গেল কেন ? কেন যায় ! আমি সম্রাট— সে জানে না ? কেন যায় ?

২য় পারিষদ। হাঁ কেন যায় !

আকবর। ও ! রাণা রাজসিংহের পীড়ার খবর পেয়ে গিয়েছে বটে !  
আচ্ছা এবার তা'কে মাফ কর্লাম।

২য় পারিষদ। হজুর মা বাপ।

আকবর। আমি সম্রাট !

১ম পারিষদ। হাঁ হজুরই ত সম্রাট—আবার কে ?

আকবর। বাস্—তবে গাও।

গীত

আহা কি মাধুরী বিরাজে।

নন্দন কানন ভুবন মাঝে ॥

উঠে রূপ রঙ্গে                      তরঙ্গ ভঙ্গে

বৃত্তা বিঘূর্ণিত শত পেশোয়াজে—

মণ্ডিত মোহন বিচিত্র সাজে ।

চরণে কিস্কিনী,      রিনিনি রিনি বিনি,

তালে তালে উঠে—ভাজ বে তাজে

বেণু বীণা ঘন মৃদঙ্গ বাজে ।

বৃত্তাগীতের মধ্যে রাজিয়া আসিয়া দূরে একটা ত্রিপদীর উপর দক্ষিণ হস্তের কফোণি

রাখিয়া ও দক্ষিণ করতলে চিবুক রাখিয়া গান শুনিতেছিল

আকবর । শোভানাল্লা ! স্বর্গ যদি এই রকম হয় ত স্বর্গ বড়  
সুখের জায়গা ।

রাজিয়া । ভূপালীতে ত কড়িমধ্যম নেই ।

আকবর । এই ! তুও এখানে কেন ?

রাজিয়া । তা' হবে মিশ্রভূপালী বাবা ! মা ডাকছেন ।

আকবর । তোর মার ঠাকুর্দার পিণ্ডি ! এই কি ডাকবার সময় ?

এঃ ! সব ঘুলিয়ে দিলে ।

পারিষদ । সব ঘুলিয়ে দিলে, জাঁহাপনা, সব ঘুলিয়ে দিলে !

আকবর । যাঃ এখন ভেতবে যা ।—তোর লজ্জা নেই । এখানে  
এসে উপস্থিত !

রাজিয়া । না ডাকছেন ; তাঁর অসুখ বড় বেড়েছে ।

আকবর । তাহ কি ! অসুখ, ত হাকিম ডাক ! আমি কি ক'রব !  
আমি এখন যাবো না ।

রাজিয়া । তিনি মৃত্যু-শয্যায । তিনি ব'ল্লেন “রাজিয়া ! তুই তাঁকে  
গিয়ে বল যে, মরবার আগে তাঁর সঙ্গে একবার দেখা ক'র্ত্তে চাই ।”

আকবর । দেখা ! দেখা করে' কি হবে—সব ঘুলিয়ে দিলে ।  
মরবার কি আর সময় পেল না । যাঃ—এই ! তোমরা কেউ একে ভেতরে  
রেখে এসো ।—এই ! কোন্ হান্ন ?

দৌবারিকের প্রবেশ

আকবর। একে ভেতরে রেখে আয়। টেনে নিয়ে যা!—দাঁড়িয়ে  
রৈলি যে!

দৌবাবক আসিবা রাজিয়ার হাত ধরিয়া কহিল—“আমুন সাহজাদী!”

রাজিয়া। খবদাঁব!—বাবা! আমি তোমার মেয়ে!—একজন  
চাকর এসে আমার হাত ধরে!

আকবর। আমাব হুকুম!

রাজিয়া। তোমার হুকুম!—বাবা!

বলিয়া অপমানে কাঁদিয়া সেখান হইতে চলিয়া গেল

আকবর। সব ঘুলিয়ে দিলে। সব ঘুলিয়ে দিলে!—এই—গাও—  
নাচো—

আবার বাজনা বাজিল

এই সময়ে তাহবর খাঁ শিবিরে প্রবেশ করিলেন

আকবর। কে! তাহবর খাঁ? সেনাপতি?

তাহবর। সাহজাদা—

আকবর। এই! সাহজাদা কি?—বল ‘সম্রাট’—‘জাঁহাপনা’—  
এ দিকে দেখছো না?—বাজুচ্ছত্র দেখাইলেন।

তাহবর। দেখছি বৈ কি!—আমি এ দিক দেখছি। সাহজাদা  
একবার এসে ওদিকটা দেখুন।

আকবর। কেন! ওদিকে কি হ’য়েছে?

তাহবর। ওদিকে রাজপুতসৈন্য আপনাকে পরিত্যাগ ক’রেছে।

আকবর। পরিত্যাগ ক’রেছে! তাহবর! তুমি কি নেশা  
করে’ছো?—ভাং, চণ্ড, না তাড়ি? পরিত্যাগ করে’ছ বল কি হে!  
তা’ কখন হ’তে পারে?



তাহবর। শুধু হ'তে পারে না। সেই রকম ঠিক হয়েছে।  
ঘোড়ার কিস্তি, দাবা গেল।

আকবর। দাবা গেল কি ?

তাহবর। ঈঁ সাহজাদা। বাজপুতদের কে বুঝিয়েছে যে সাহজাদা  
সম্রাটের সঙ্গে মিলিত হ'য়েছেন।

আকবর। সম্রাটই বা কে আব সাহজাদাই বা কে ?—এ সব  
ঘুলিয়ে দিলে।

তাহবর। সব ঘুলিয়ে দিলে সাহজাদা। বাইরে এসে দেখুন—  
বাইবে একটিও রাজপুতশিবির নেই, সব ঘুলিয়ে গিয়েছে।

আকবর। বল কি।—আর আমাদের সৈন্য ? (বান্ধকবন্ধনকে  
কহিলেন) এই চোপ রও।

তাহবর। সম্রাটের সঙ্গে মিলিত হ'য়েছে।

আকবর। চক্রান্ত। চক্রান্ত। তাহবর তোমাব চক্রান্ত।

তাহবর। যুবরাজ মদিবা বেশী খেয়েছেন, আমার চক্রান্ত। নিজের  
গর্দান দিয়ে চক্রান্ত। আপাততঃ কিস্তি সামলান। ঘোড়াব কিস্তি,  
দাবা গেল।

আকবর। আমি বুঝেছি তোমাদের চক্রান্ত। পাক্‌ড়ো—এই কোন  
হায।

তাহবর। হাঃ হাঃ হাঃ হাঃ। এখন কে কাকে পাক্‌ড়ায় সাহজাদা !  
আব আমার গর্দান নিলে আপনাব গর্দান বাঁচবে না !—একটা কথা  
শুন সাহজাদা ! আমি একটা উপায় ঠাউরেছি। বিকানৌরের  
মহারাজের কাছে এক পত্র পেয়েছি যে, যদি এখনো সম্রাটের বশতা  
স্বীকার কবি, ত তিনি আমাদের ক্ষমা কর্‌বেন। তাই চেষ্টা করে' দেখা  
যাক না। চলুন সম্রাটের কাছে।

আকবর। পিতার কাছে !

তাহবর। মন্দ কি ! আমার এই মাথাটার উপর যে আমার বিশেষ ভক্তি আছে তা' নয়। তবে দেখা যাক যদি টেনে-টেনে বাধতে পারি। চেষ্টা করা মন্দ নয়।

প্রস্থান

আকবর। কি রকম ! রাজপুত জাত বিশ্বাসঘাতক !—তার পরিত্যাগ ক'রো !—সব ঘুলিয়ে দিলে। এই, কে আছে ?—কুছ পরোয়া নেই—নাচো—গাও—

আবার বাজনা বাজিল

পট পরিবর্তন

## অষ্টম দৃশ্য

স্থান—আজমীরে ঔরংজীবের বহিঃকক্ষ। কাল—প্রহরাধিক রাত্রি। ঔরংজীব অঙ্গশয়ান, সম্মুখে দিলীর থা।

ঔরংজীব। দিলীর খাঁ, রাজপুতশিবির হ'তে আর কোন সংবাদ পেয়েছো ?

দিলীর। সংবাদের মধ্যে তাদেব বজ্রনিদানসম কামানের ধ্বনি শুনেছি—তার বেশী কিছু নয়। ধ্বনি ক্রমেই নিকটতর আর স্পষ্টতর হ'চ্ছে।

ঔরংজীব। উদ্দেশ্য ?

দিলীর। উদ্দেশ্য বিশেষ সাধু বলে' বোধ হ'চ্ছে না।

ঔরংজীব। আকবর ! আকবর ! আমাকে ঠেলে ফেলে তুমি সম্রাট হবে ঠিক করে'ছো ? একদিন সম্রাট হ'তে। তোমার

জন্তে এত যত্ন, এত শ্রম, এত ব্যয়, সব নিঃফল হ'ল !—দিল্লীর থাঁ ! আমি এ কখন ভাবিনি !

দিল্লীর । কেন যে ভাবেন নি, ব'লতে পারি না ! আকবর বাদশাহী চালই চলেছেন । তবে তিনি মৌজাম, আজীম, আব কামবক্স সম্বন্ধে বাদশাহী নীতি অবলম্বন ক'রবেন কি না, তা' এখনও টেব পাওয়া যায় নি ।

ওরংজীব । দিল্লীব । যে হত্যাকাণ্ড দ্বারা আমরা এই সাম্রাজ্য অধিকার ক'র্ত্তে হ'য়েছে, আমার মত নয় যে তা'র পুনরভিনয় হয় ।

দিল্লীব । সম্রাটের মত এবই মধ্যে অনেক বদলেছে দেখছি । আচ্ছা ! সম্রাট সাহজাহান যদি এসমা বর্ত্তমান থাকতেন । তাঁর দেখেও সুখ হোত !

ওরংজীব । সাবধান হ'য়ে কথা কও, দিল্লীব থাঁ ।

দিল্লীব । কি জন্ত সম্রাট ? দিল্লীর সত্য কথা ব'লতে কখন কাবো অপেক্ষা বাথে না ! সম্রাট কি ভাবেন যে, এ কথা শুনেও আকবরের মনে আসতো যদি সম্রাট তা'র পথ না দেখাতেন ?—জাঁচাপনা । বন্ধু উপদেশ শুনুন ! এখনও পুণ্যার্থ্যে সে হত্যাকাণ্ডেব প্রাযশ্চিত্ত ককন । জিজিয়া কব রদ করুন । হিন্দুজাতিকে বন্ধু ককন । আব ব'লতে হবে কি—সকল সর্বনাশেব মূল এই কাশ্মীরী গোত্রকে দূর করুন । নইলে এই অত্যায-পরম্পরার ফলভোগ করবার জন্ত প্রস্তুত থাকুন ।

চলিয়া গেলেন

ওরংজীব । কথা সত্য । তিন্ত হ'লে কি ক'রব ? সত্য ! তারই পুনরভিনয় হ'চ্ছে, দারা ! সরল উলার ভাই দারা ! ক্ষমা কোরো । আমি অত্যায,—বোবতর অত্যায করে'ছি বটে ; কিন্তু সে এই ইসলাম ধর্মের জন্ত ।—ঈশ্বর সাক্ষী !

শ্রামসিংহের প্রবেশ

কি সংবাদ, মহারাজ ?

শ্রাম। কার্য্য উদ্ধার হ'য়েছে—জাঁহাপনা, যতদূর আশা করিনি, তা' হ'য়েছে। রাজপুতরা আকবরকে প বত্যাগ করে'ছে।

ঔরংজীব। কিরূপ ?

শ্রাম। তা'বা বোড়া ছুটিয়ে বাত্বেব দিকে গিয়েছে, আমি স্বচক্ষে দেখেছি। কুমার নৃত্যগীতে ব্যস্ত থাকায়, তা লক্ষ্য ক'র্ত্তে অবসর পান নি ! তিন এখনো যুগোচ্ছেন।

ঔরংজীব। কি বকন ?

শ্রাম। বান্দাব পবামর্শে জাঁহাপনা আকারকে যে পত্র লিখেছিলেন—

ঔরংজীব। কোন্ পত্র ?

শ্রাম। এই বলে' যে “কুমার আকবর যে মতলব ক'রেছেন যে, রাজপুতেরা সম্রাটকে যেই আক্রমণ ক'র্বে, আকবর পিছন থেকে রাজপুতদের আক্রমণ ক'র্বেন, ও মতলব অতি সুন্দর”—সে পত্রখানা আমি সেনাপতি ও ভাই সমরদাসের হাতে দিও বলে'ছিলাম। রাজপুতেরা সে কথা বিশ্বাস করে'ছে, আব রাজপুতের সঙ্গে আকবর যোগদান করা সম্রাটের চল, এইরূপ বুনে তা'রা আকবরকে পরিত্যাগ করে'ছে।

ঔরংজীব। সত্য, মহারাজ ? সে কথা রাজপুত বিশ্বাস ক'র্বে আমি ভাবি নাই। দুর্গাদাস তাও বিশ্বাস করে'ছে ?

শ্রাম। দুর্গাদাস সেখানে নাই ! সে রাওসিংহের পীড়ার সংবাদ শুনে উদয়পুর গিয়েছে।

ঔরংজীব। আর, তাহবব খাঁ ? তার সংবাদ ?

শ্রাম। তাহবব খাঁ বন্দী। তাকে আমি পত্র লিখেছিলাম যে— “তুমি এখনও যদি বিদ্রোহীদের পরিত্যাগ করে' তোমার অধীনস্থ সৈন্য নিয়ে এসে সম্রাটের মার্জ্জনা শিক্ষা কর, তিনি মার্জ্জনা ক'র্বেন।” সেই পত্রে তিনি বিশ্বাস করে' মোগল শিবিরে এসেছিলেন। কুমার আজম অমনি তাঁকে বন্দী ক'রেছেন।

ঔরংজীব। মহারাজ। আপনার কাছে যে আমি কি কৃতজ্ঞ রৈলাম  
তা' আব কি ব'লবো।

শ্রাম। সম্রাটের অহু গ্রহ।

ঔরংজীব। ও কিসের গোলযোগ বাহিরে?

শ্রাম। দেখি।

শঙ্কিতভাবে বাহিরে চলিয়া গেলেন

ঔরংজীব। এ কি। কোলাহল যে বাড়ছেই।—অস্ত্রের শব্দ। এ কি।  
বন্দুকের শব্দ।—দৌবারিক।

রক্তাক্ত কলেবরে তাহবর প্রবেশ করিলেন

ঔরংজীব। তাহবব খাঁ।

তাহবব। এই সম্রাট।—সম্রাটেব প্রতি পিস্তল লক্ষ্য করিলেন,  
এমন সময় দিলীর খাঁ আসিয়া কহিলেন—“খবরদার।” তাহবব একবার  
মাত্র ফিবিয়া দেখিলেন, আবার সম্রাটেব প্রতি পিস্তল লক্ষ্য করিলেন—

দিলীর খাঁর পিস্তলে ভূপতিত হইলেন

ঔরংজীব। বিশ্বাসঘাতকের শাস্তি। নেমকহাবাম! কুকুর।

দিলীর। মবে' গিয়েছ, জাঁহাপনা। গা'লগুলো একটাও গুলে  
পেলে না।

ঔরংজীব। দিলীর খাঁ। তুমি আমাব প্রাণ রক্ষা ক'রেছো।

দিলীর। জাঁহাপনা! তার আর আশ্চর্য্য কি? আপনার প্রাণরক্ষা  
কর্য্যাব জন্তই ত মাহিনা থাচ্ছি।

ঔরংজীব। দিলীর খাঁ! তোমাকে চ্যুত করে' এই পাঠানকে  
সেনাপতি করে'ছিলাম।—তার এই ফল। আমাকে ক্ষমা কর দিলীর!

দিলীর। জাঁহাপনা! আমি সামান্য ভৃত্য। আমায় ও কথা!

ঔরংজীব। তুমি ভৃত্য নও। এ রাজ্যে একা তুমিই আমার বন্ধু।  
কি পুরস্কার চাও, দিলীর।

দিলীর। জাঁহাপনার জীবন রক্ষা ক'র্ত্তে পেরেছি, এই আমার প্রচুর  
পুরস্কার। আর কিছু চাই না।

ঔরংজীব। দিলীর! তুমি মহৎ।

## ৭ নবম দৃশ্য

স্থান—রাজপুত-শিবির। কাল—সন্ধ্যা। হুর্গাদাস, সমরদাস ও রাজপুত সর্দারগণ

হুর্গাদাস। বিজয়সিংহ! এবার সত্যি আমরা প্রতারিত হ'য়েছি!  
সমর। তুমি এতদিনে মোগলকে চেনো নাই, হুর্গাদাস!

বিজয়। আকবর এত কুট, আমি তা' ভাবি নি!

মুকুন্দ। দেখতে বেশ সরল।

গোপীনাথ। তবে নেহাইৎ অপদার্থ। চক্ৰিশ ঘণ্টা নৃত্যাগীত। কিন্তু  
ও রকম লোক ত খল হয় না।

সমর। গোপীনাথ! মোগলের সবই সম্ভব।—আমি জলকে বিশ্বাস  
ক'র্ত্তে পারি, গছুরকে বিশ্বাস ক'র্ত্তে পারি, সর্পকে বিশ্বাস ক'র্ত্তে পারি,  
কিন্তু মোগলকে বিশ্বাস ক'র্ত্তে পারি না! এ তার জাতিগত ধর্ম!  
ক'র্ত্তে কি?

গোপীনাথ। সেনাপতি! রাণা রাজসিংহের মৃত্যু হ'ল কিসে?

হুর্গাদাস। ঠিক জানা যায় নি। কুমার ভীমসিংহের মৃত্যুসংবাদ শুনে  
তিনি মুর্ছিত হয়েন, সে মুর্ছা আর ভাঙে নি।

দৌবারিকের প্রবেশ

দৌবারিক। (অভিবাদন করিয়া)—প্রভু! সম্রাট পুত্র আকবর  
সপরিবারে দ্বারদেশে উপস্থিত।

বিজয়। আকবর ?

দুর্গাদাস। সপরিবারে !

সমর। সাবধান ! এর মধ্যে আরো কিছু আছে। ঢুকতে দিও না।

দুর্গাদাস। না, শুনি। বন্ধুর সঙ্গে দুই একবার দেখা না করলে যায় আসে না, দাদা ! কিন্তু শত্রুকে ফেরাতে নাই !

দৌবারিককে

তাঁদের সম্মানে নিয়ে এসো, দৌবারিক।

দৌবারিক প্রস্থান করিল

মুকুন্দ। এর অর্থ ?

সমর। আর এক জুয়াচুরি—সাবধান দুর্গাদাস !

গোপীনাথ। এ যুদ্ধে কি বিশ্বাসের অন্ত নাই ?

দুর্গাদাস। সকলে এঁদের যথোচিত সম্মান দেখাবে।

সপরিবারে আকবরের প্রবেশ

সকলে সমগ্রমে গাত্রোথান করিলেন

দুর্গাদাস। আজ আমাদের এ সম্মান কি হেতু, সাহাজাদা ?

আকবর। রাঠোর সেনাপতি ! আমি প্রতারিত হ'য়েছি !

সমর। আপনি প্রতারিত হ'য়েছেন ? না আমরা প্রতারিত হ'য়েছি ?

আকবর। হয় ত উভয়েই প্রতারিত ! রাজপুতসৈন্য আমার সহায় হ'য়ে, আমাকে সম্রাটপদে অভিষেক করে, পরে আমি যখন নিশ্চিত, যখন আমি পিতার বিদ্রোহভাজন, তখন রাজপুত আমাকে পরিত্যাগ করে'ছে।

সমর। মিথ্যা কথা।

রাজিয়া। সৈনিক ! পিতাকে অসম্মান কর্কেন না !

বলিয়া রাজিয়া বাপ্পাকুললোচনে দুর্গাদাসের দিকে চাহিলেন

দুর্গাদাস। একটু চুপ কর, দাদা।—সাহাজাদা ! রাজপুত বিনা কারণে আপনাকে পরিত্যাগ করে নাই। রাজপুত বিশ্বাসঘাতকের

জাত নয়। সম্রাটের এই পত্রপাঠে এঁরা বোঝেন যে রাজপুত্রের সঙ্গে সন্ধি সাহজাদার ছিল।—পড়ুন এই পত্র।

বলিয়া আকবরের হস্তে একগানি পত্র প্রদান করিলেন

আকবর। ( পত্রপাঠান্তর ) সেনাপতি ! এ মিথ্যা !

সমর। কি মিথ্যা ? এ সম্রাটের হস্তাক্ষর নয় ?

আকবর। হাঁ, তাঁরই হস্তাক্ষর। কিন্তু এ পত্র কপট ; আমাদের বিচ্ছিন্ন কর্কাব অভিপ্রায়ে লিখিত। এ পত্র আমার নামে বটে ; কিন্তু রাজপুত্র-সেনাপতির উদ্দেশ্যে প্রেরিত। নহিলে এ পত্র আমার হাতে না পড়ে' রাজপুত্র-সেনাপতিব হাতে পড়বে কেন ? মোগলদূত কি রাজপুত্র মোগল চেনে না ? যদি এ সত্য কথাই হয়, তবে এ হেন গোপনীয় সংবাদ দূত কি যার তাব হাতে দিত ?

হুর্গাদাস। ( সকলের প্রতি চাহিলেন )—কি বল ?

সমর। আমরা শুভে চাই না। আনবা বারবাব মোগলের দ্বারা প্রতারণিত হ'যোছি। তা'ব সঙ্গে কোন সংগ্রহ বাধ্যতে চাই না।

আকবর। রাঠোরবাব ! আমার দু'কূল নষ্ট করে' আমাকে অতল জলে ভাসিয়ে দেবেন না। আমি আপনাব আশ্রয় ভিক্ষা ক'চ্ছি।

হুর্গাদাস। সামন্তগণের কি মত ?

বিজয়। আমি বলি মোগলের সংশ্রবে না থাকাই ভালো।

মুকুন্দ। আমারও সেই মত ! মোগলের সঙ্গে সাক্ষাৎ একস্থানেই প্রার্থনীয়—সে সমর-ক্ষেত্রে।

জগৎ। আমিও তাই বলি। মোগলের সঙ্গে বন্ধুত্ব কামনা করি না। আমরা যুদ্ধ ক'র্ত্তে জানি, যুদ্ধই ক'ৰ্ক।

হুর্জুন। সেনাপতি ! আমারও সেই মত। সাহজাদা ফিরে যান মোগলের শিবিরে—আপনার পিতার ক্ষমা প্রার্থনা করুন। তিনি নিশ্চয়ই নিজের পুত্রকে ক্ষমা ক'র্কেন।



আকবর । তবে আপনারা আমার পিতাকে চেনেন না ।

সমর । বেশ চিনি । আর অধিক চিন্তার প্রয়োজন নাই ।—ফিরে যান, যুবরাজ !

আকবর । রাঠোরসেনাপতি ! আমি আপনার আশ্রয় ভিক্ষা করছি ।

দুর্গাদাস । সামন্তগণ ! ক্ষত্রিয়ের ধর্ম আশ্রয় দান করা ।

সমর । ক্ষত্রিয়ের ধর্ম হ'তে পারে না—সর্পকে দুধ দিয়ে পোষা ।

আকবর । আমার বিশ্বাস করুন, আমি প্রতারিত হইছি ।

দুর্জুন । সম্ভব । তথাপি এ ব্যাপারের মধ্যে না থাকাই ভালো ।

আকবর । এই কি সভার মত ? রাজপুতজাতি আশ্রয়দানে অসম্মত ?  
সকলে নিম্নত্ব রহিলেন

দুর্গাদাস । সকলেই অসম্মত ?

সকলে । আমরা সকলেই অসম্মত ।

আকবর । সেনাপতি ! আমি সম্রাটের পুত্র—প্রতারিত, পরিত্যক্ত নতজান্ন হয়ে, পুত্রকল্লাসহ আপনার আশ্রয় ভিক্ষা করছি । ( পুত্রকল্লাগণকে ) নতজান্ন হও, সাহজাদা ! নতজান্ন হও, সাহজাদি !

রাজিয়া । ( নতজান্ন হইয়া সবাঙ্গনেত্রে ) দুর্গাদাস ! পিতাকে রক্ষা কর ।

দুর্গাদাস । সকলেই অসম্মত ?

সকলে । আমরা অসম্মত ।

দুর্গাদাস । উত্তম । তবে আমি একা সম্মত ।—সামন্তগণ ! দুর্গাদাস আপনাকে ক্ষত্রিয় বলে' পরিচয় দেয় । আশ্রয়প্রার্থীকে সে আশ্রয়দানে পরাজুথ হবে না ! সামন্তগণ ! ইচ্ছা হয় আমাকে পরিত্যাগ কর । আমি আশ্রিতকে পরিত্যাগ কর'ক' না ।—চলে' আশ্রন, যুবরাজ ! যতদিন দুর্গাদাস জীবিত আছে, কারো সাধ্য নাই যে, আপনার একটি কেশও স্পর্শ করে ।

## চতুর্থ অঙ্ক

### প্রথম দৃশ্য

স্থান—দিল্লীর দরবার-কক্ষ। কাল—প্রভাত। সম্রাট-পুত্র মৌজাম ও সেনাপতি দিল্লীর খাঁ দণ্ডায়মান।

দিল্লীর। তা' হ'লে দুর্গাদাস আকবরকে নিয়ে দাক্ষিণাত্যে গিয়েছেন?

মৌজাম। হাঁ, সেনাপতি! আকবরকে আশ্রয় দেওয়ার জন্য তাঁর সামন্তগণ তাঁকে পরিত্যাগ করে'ছে। এখন তাঁর শত্রুজীর আশ্রয় গ্রহণ করা ভিন্ন উপায় নাই।

দিল্লীর। ধন্ত, দুর্গাদাস!

মৌজাম। পাঁচ শ' মাত্র তাঁর একান্ত অনুগত সৈন্য এ দূরপ্রবাসে তাঁর সহযাত্রী হ'য়েছে। আমি সসৈন্য তাদের ঘেরাও ক'রেছিলাম। দুর্গাদাস একদিন রাত্রিকালে তাঁর পাঁচ শ' সৈন্য নিয়ে মোগল কটক ভেদ করে' চলে' গেলেন। পরে শুন্লাম দুর্গাদাস দাক্ষিণাত্যে গিয়েছেন।

দিল্লীর। ধন্ত, ধন্ত, দুর্গাদাস!

মৌজাম। সম্রাটের আজ্ঞাক্রমে কুমার আকবরকে ফিরিয়ে দেবার জন্য উৎকোচ স্বরূপ ১০০০০ স্বর্ণমুদ্রা দুর্গাদাসকে পাঠিয়েছিলাম। দুর্গাদাস সে সমস্ত আকবরকে দিয়েছেন। নিজে এক কপর্দকও গ্রহণ করেন নি।

দিল্লীর। আবার বলি—ধন্ত দুর্গাদাস!

মোজাম। এখন মাড়বারেব সেনাপতি কে ?

দিলীর। দুর্গাদাসের ভাই সমরদাস।

মোজাম। আকবরের পরিবার ?

দিলীর। তাঁরই আশ্রয়ে। তাঁর বেগমের মৃত্যু হ'য়েছে। তবে সাহজাদী সমরদাসের আশ্রয়ে।

আজীমের প্রবেশ

আজীম। সেনাপতি ! সম্রাটেব ইচ্ছা রাজপুতের সঙ্গে সন্ধিস্থাপন করা। এই কথা আপনাকে জানাতে সম্রাট আমায় পাঠিয়েছেন।

দিলীব। কি ! সন্ধি ! সত্য, সাহাজাদা ?—সম্রাট সত্যই কি সন্ধিপ্ৰার্থী ?

আজীম। হাঁ, সেনাপতি !

দিলীর। ঈশ্বর তাঁর মঙ্গল একন।—এখন সন্ধির প্রস্তাবটা ক'র্বে কে ? আমি না সম্রাট স্বয়ং ?

আজীম। রাজপুত ক'র্বে।

দিলীর। রাজপুত ! তারা জয়ী হ'য়ে সন্ধির প্রস্তাব ক'র্তে আসবে ?

আজীম। পিতা ব'ল্লেন, তিনি সন্ধিব প্রস্তাব ক'র্তে পারেন না। তাতে তাঁর মর্যাদার হানি হয়।

দিলীর। অতএব তাঁর মর্যাদা রক্ষার জন্ত বিজয়ী রাজপুত সন্ধি ভিক্ষা ক'র্বে !—এ বুদ্ধি সম্রাটকে কে দিলে ?

আজীম। বিকানীরের মহারাজ শ্রামসিংহ। তিনি ব'ল্লেন যে, সম্রাটের মর্যাদা রেখে তিনি সন্ধি স্থাপন কবিয়ে দেবেন।

দিলীর। ও ! বুঝেছি। তবে সম্রাটের এ পূর্ববৎ কপট-সন্ধি।

আজীম। সেনাপতি ! মুখ সামলে কথা কইবেন।

দিলীর। হুঁ ! সাপের চেয়ে সাপের ডাঁপের চক্র বড় দেখ'ছি।—  
যান, কুমার আজীম ! সম্রাটকে ব'লবেন গিয়ে যে, যদি সম্রাট সত্যই

রাজপুত্রের সঙ্গে সন্ধি কর্ত্তে চা'ন, তা'হলে আমি সম্মানকর সৰ্ত্তে যা'তে সন্ধি হয়, তার ব্যবস্থা কর্ব্ব। আর যদি তাঁর এ কপট-সন্ধি হয় ত, তাঁকে বলবেন—এর মধ্যে আমি নাই।

বলিয়া চলিয়া গেলেন

মৌজাম ও আজীম অন্তঃপুরাভিমুখীন হইলেন

মৌজাম। পিতা হঠাৎ সন্ধি ক'র্ত্তে চান কেন, আজীম !

আজীম। তিনি এখন দাক্ষিণাত্যে যেতে চান। তাব জন্ত পঞ্চাশ হাজর তাঁবু ফর্মাটজ দিচ্ছেন।

মৌজাম। দাক্ষিণাত্যে তিনি যেতে চান কি আকবরের উদ্দেশে ?

আজীম। সেই রকম বুঝি।—মৌজাম ! তুমি আকবরকে বন্দী করে' আস্তে পারো নি—এতে পিতা অত্যন্ত ক্রুদ্ধ হয়েছেন। এমন কি তিনি সন্দেহ করেন যে, তুমি ইচ্ছা করে' তাকে পালাতে দিচ্ছে।

মৌজাম। সে কথা সম্পূর্ণ মিথ্যা নয়, আজীম ! পিতার ক্রোধের অগ্নিকুণ্ডে আমার অবোধ সরল দুর্ব্বল ভাইকে আমি প্রাণ ধরে' ফেলে দিতে পারি না। তার চেয়ে আকবর দুর্গাদাসের আশ্রয়ে নিরাপদে আছে।

আজীম। পিতার ইচ্ছার বিরুদ্ধে তবে তুমি জেনে শুনে কাজ করে'ছো, মৌজাম ?

মৌজাম। হাঁ, আজীম ! পিতা পিতা বটে, কিন্তু ভাইও ভাই।

প্রস্থান

## দ্বিতীয় দৃশ্য

স্থান—ঘোড়পুরের গ্রামাঞ্চল-কক্ষ । কাল—প্রভাত । পটবসনপরিহিতা

মহারানী মহামায়া একাকিনী

রানী । আমার কাজ শেষ হ'য়েছে । আমার মৃত স্বামীর রাজ্য পুনরুদ্ধার হ'য়েছে । মাড়বার হ'তে মোগল দূরীভূত হ'য়েছে । যাক, কাজ শেষ হ'য়েছে । আজ সতীধর্ম প্রতিপালন ক'রব । আজ স্বামীর অনুগমন ক'রব ! আজ জলন্ত চিন্তায় দেহ বিসর্জন দেব ! আজ পুড়ে ম'রব । ( জ্বলন্ত পাতিয়া ) প্রভু ! স্বামী ! বল্লভ ! এক দিন তুমি যুদ্ধে হেরে এলে, আমি অভিমানে দুর্গদ্বার রুদ্ধ করে'ছিলাম ; যুদ্ধক্ষেত্রে তোমার মৃত্যু কামনা করে'ছিলাম ! দেখ, নাথ ! আমরা তোমাদের যেমন দেশের জন্য ম'র্তে বলি, আমরাও তেমন তোমাদের জন্য হস্তা মুখে ম'র্তে পারি ।

“বনে ঠনে কাঁহা চলি, বনে ঠনে”—গাহিতে গাহিতে রাজিয়ার প্রবেশ

রাজিয়া । রানি ! আপনি এ কি ক'র্ছেন ?

রানী । আমি যাচ্ছি, রাজিয়া !

রাজিয়া । সে কি ! কোথায় ?

রানী । ( উল্টে অঙ্গুলি নির্দেশ করিয়া ) ঐখানে—যেখানে আমার স্বামী এত দিন ধরে' আমার অপেক্ষা ক'র্ছেন ।

রাজিয়া । আপনার স্বামী অপেক্ষা ক'র্ছেন !—ঐখানে ? কৈ ? আমি ত দেখতে পাচ্ছি না !

রানী । সে কি অপরে দেখতে পায়, মা !

রাজিয়া । আপনি দেখতে পাচ্ছেন ?

রানী । পাচ্ছি বৈ কি, রাজিয়া !

রাজিয়া। আমি বিশ্বাস করি না। আমি দেখতে পেলাম না আর আপনি দেখলেন? হ'তেই পারে না।

রাণী। সরলা! ঔরঞ্জীবের বংশে তোমার জন্ম!

রাজিয়া। রাজকুমারকে কার কাছে রেখে যাচ্ছেন?

রাণী। তোমাদের কাছে।

রাজিয়া। আমি ঠুকে দেখতে পারি না। আমার দাঘ পড়ে'ছে। আপনার ছেলেকে আপনি ছেড়ে যাবেন—আমরা দেখবো? কখন দেখবো না।

রাণী। আমায় যে যেতে হবে, রাজিয়া—আমার স্বামী ডাকছেন।

রাজিয়া। আপনার ছেলের চেয়ে আপনার স্বামী বড় হ'ল?

রাণী। সেই আমাদের ধর্ম—সাহজাদী! পতিই সতীর সর্বস্ব, পতিই সতীর সব। এত দিন কাজ বাকি ছিল, তাই তাঁকে ছেড়ে ছিলাম। এখন আমার এখানকার কাজ শেষ হ'য়েছে। আমি তাঁর কাছে যাই।

রাজিয়া। কাজ শেষ হ'য়েছে কি? কাজ কখন শেষ হয়?—না, আপনার ত আমি দেখছি কোন মতেই যাওয়া হ'চ্ছে না।

রাণী। সে কি, মা?

সমরদাস প্রবেশ করিলেন

রাজিয়া। সে কি আবার! তা' কখন হয়? এ ত হ'তে পারে না।—এই যে সেনাপতি! কি বলেন, সেনাপতি, এ কখন হয়?—ও সেনাপতি!

রাণী। কেন হ'তে পারে না, রাজিয়া?

রাজিয়া। কেন যে হ'তে পারে না, তা' জানি না। তবে এটা যে হ'তে পারে না, তা' বেশ বুঝতে পাচ্ছি।—সেনাপতি! আপনি বলুন, এ হ'তে পারে?

রাণী। বেশ হ'তে পারে, মা ! বিদায় দাও—যাই। অজিত কোথায় সমর ?

সমর। ভিতরে। কঁাদছো !—তাকে বোঝাতে পারলাম না, মা !  
আর কি ব'লেই বা বোঝাব ?

রাণী। সে কি বলে ?

সমর। বলে “আমি মাকে যেতে দেবো না।”

বাণী। তাকে নিয়ে এস, সমর !

সমরদাস চলিয়া গেলেন

রাণী। ভগবান্ ! আমাব সন্তীর্ষ্য রক্ষা কর্তে হৃদয়ে বল দাও।  
সকলের চেয়ে কঠিন কাজ এই—ছেলে ছেড়ে যাওয়া। ( বক্ষে হাত  
দিয়া ) ভগবান্ !

অজিতকে লইয়া সমরদাস পুনঃ প্রবেশ করিলেন। সঙ্গে কাশিম

বাণী। এই যে।—বাছা অজিত !—বাবা !—আমি যাচ্ছি।  
বিদায় দাও, বাবা !

অজিত। মা ! তুমি যাচ্ছে—আমাকে ছেড়ে তুমি কোথায়  
যাচ্ছে, মা ?

রাণী। যেখানে সকলেই একদিন যায়। তবে দু'দিন আগে আর  
দু'দিন পিছে। অজিত ! বিদায় দাও, বাপ !

অজিত। বিদায় দেবো ! বিদায় দেবো ! ( কম্পিতস্বরে ) মা—

বাণী। কারো মা 'চিরকাল থাকে না, অজিত।

অজিত। কাবো মা নিজে ইচ্ছে কবে' সন্তানকে ছেড়ে যায় না, মা !

রাণী। কিন্তু এই যে আমার সন্তীর্ষ্য, অজিত !

রাজিয়া। কিন্তু এই কি তোমার মাতৃধর্ম, রাণি ?

রাণী। ছিঃ অজিত ! কেনো না। আমায় যেতেই হবে।

অজিত। যদি যেতেই হবে ত যাও। যেতে যাও, আমার ছেড়ে যেতে পারো—যাও! আমি বাধা দেব না।

রাণী। আমার প্রসন্ন মনে বিদায় দাও, বাবা!

অজিত। আমি বিদায় দেব না।

রাণী। সমব বুঝিয়ে বল।

সমব। অজিত! তোমার মায়ের এই সতীধর্ম! এ ধর্মে বাধা দেওয়া তোমার কর্তব্য নয়।

বাজিয়া। ধর্ম! সেনাপতি!—ছেলে মেয়ে ছেড়ে, তাদের পরের হাতে সঁপে দিয়ে চলে' যাওয়া ধর্ম হ'ল!—একে তুমি ধর্ম বল?

সমর। ধর্ম আমরা বিচার ক'র্ত্তে বসিনি, সাহজাদি! অন্তষ্ঠান ক'র্ত্তে বসেছি। তার কাছে মাথা হেঁট কবাই আমাদের শোভা পায়। যাঁরা এ ধর্ম করে' গেছেন, তাঁরা আমাদের চেয়ে অনেক বড়।

অজিত। তবু মা আমাকে ছেড়ে যাবেন—(কম্পিতস্ববে) এ তোমার বেশ লাগছে? উচিত বোধ হ'চ্ছে? কষ্ট হচ্ছে না?

সমর। কষ্ট হ'চ্ছে না? (কম্পিতস্বরে) অজিত! তিনি কি তোমাবই মা, আমার মা ন'ন? সমস্ত মাড়বারেব মা ন'ন? তবু তাঁকে ছেড়ে দিতে হয় অজিত! (পুনরাবৃত্ত কতক প্রকৃতিস্থ হইয়া) এ প্রতিমা বিসর্জন দেওয়া! এ মেথেকে গুণ্ডরবাড়ী পাঠানো। কষ্ট হ'চ্ছে বলে' কি নিষ্ঠা ভঙ্গ হবে?

অজিত। আমি ওসব বুঝি না। আমি আমার মাকে ছেড়ে দেবো না।

মহারাজি নিরুপায় ভাবিয়া সমরদাসের পানে চাহিলেন

সমর। অজিত! তুমি ক্ষত্রিয়কুমার—তোমার কি এই ক্রন্দন, এই অন্তায় আবদার শোভা পায়? তোমাব বয়সেই বীরবর বাদল চিতোরের জন্ত, কর্ত্তব্যের জন্ত, সমরে প্রাণপণ ক'রেছিল! আর তুমি



শিশুর মত, নারীর মত ক্রন্দন কর্তে ব'স্লে!—ছিঃ! মাকে প্রণাম  
কর অজিত!

অজিত নীরবে প্রণাম করিলেন

রাজিয়া। আচ্ছা! বেচারী।

সমর। এখন যাও।

রাণী। কাশিম। এই আমাব সর্বস্বধন পুত্রটিকে দেখো।

কাশিমের সহিত অজিত নীরবে প্রস্থান করিলেন

রাজিয়া। উঃ। ঠিক হ'চ্ছে না। তুল কোন্ জাযগায় বুঝতে  
পাচ্ছি না বটে, তবে এটা যে ঠিক হ'চ্ছে না তা' বেশ বুঝেছি। যাই,  
বেচারীকে বোঝাই গে।

রাণী। ভগবান্, ভগবান্। এবই ভুলেই কি নারীজাতিকে তৈয়ের  
করে'ছিলে? তাকে বুঝরা স্নেহ দিযো'ছিলে—তাকে জর্জরিত কর'াব  
জন্ত? (মস্তক অবনত কবিয়া) তবে যাই, সমর—কথা ক'চ্ছ না যে?

সমর। যাও, মা। হিন্দু হয়ে কি রকম কবে' বলি যে, স্বামীর  
অনুগমন ক'রো না? যাও, মা।

প্রণাম করিলেন

রাণী। দুর্গাদাসকে বোলো, আমাব আশীর্বাদ দিও।

সমরদাস ধীরে ধীরে আধাবদনে বিপরীত দিকে চলিয়া গেলেন।

## দৃশ্যান্তর

অলস্ত চিত্তা। মহারাণী ও কুলনারীগণ। নারীগণের গীত

যাও সতি, পতি কাছে—

পতি বিনা সতীর কি গতি আছে, মা।

পৃথিবীর যত দুঃখ শোক দেহমনে পুড়ে ভস্ম হোক,

—যাও মা, অক্ষয় স্বর্গলোক মাঝে, মা।

পতি বিনা সতীর গতি কি আছে, মা।

দেখ ঐ গগনে দেবগণ করে সবে পুষ্প বরিষণ ;

ঐ শুন জয় ভেরী ঘন বাজে, মা !

পতি বিনা সতীর গতি কি আছে, মা ।

রাণী সেই অগ্নিতে ঝাঁপাইয়া পড়িলেন । নারীগণ গাহিতে গাহিতে প্রস্থান করিলেন

“যাও সতি পতি কাছে”—ইত্যাদি ।

### তৃতীয় দৃশ্য

স্থান—আজমীরে মোগল শাসাদ-কক্ষ । কাল—প্রভাত । ঔরংজীব ও দিলীর খাঁ

দিলীর । জাঁহাপনা ! রাজপুতজাতি সঙ্গ সন্ধি করেছে । রাঠোর সমরদাসকে সন্ধিতে সম্মত কবা কঠিন হয়েছিল ; তিনি ব’ল্লেন—এ কপট-সন্ধি ।

ঔরংজীব । কি রকমে শেষে তাকে সম্মত ক’রলে, দিলীর খাঁ ?

দিলীর । আমি নিজের পুত্রদ্বয়কে আমাদের প্রতিভূস্বরূপ রাখায় তিনি স্বীকৃত হ’লেন ।

ঔরংজীব । কি সর্বো সন্ধি হ’ল ?

দিলীর । যে—চিতোর আর তার অধীনস্থ জনপদ রাজপুতকে ফিরিয়ে দেওয়া যাবে ; হিন্দুর দেবমন্দিরাদি সব ভবিষ্যতে অক্ষুণ্ণ থাকবে । যোধপুরের রাজাকে তাঁর রাজ্য ফিরিয়ে দেওয়া যাবে ; আর বাণা সসৈন্তে সম্রাটের পূর্ববৎ সাহায্য ক’রেন ।

ঔরংজীব । বাণা সসৈন্তে সম্রাটের সাহায্য ক’রেন ? বাণা জয়সিংহ তা’তে স্বীকৃত হ’য়েছেন ?

দিলীর । সম্পূর্ণ স্বীকৃত ! তাঁর এ সন্ধিস্থাপনে সকলের চেয়ে

আগ্রহ বেশী ! সমরদাস তাঁকে “ভীকু ! রাজপুত-কুলাঙ্গার ! স্ত্রৈণ !” বলে’ প্রথমে ত সভা পরিত্যাগ ক’বেই চলে’ যান্। অমনি মোগল সামন্তরা রাণাকে টিটকারী দিতে লাগলেন। রাণা অধোবদনে রইলেন।

ঔরংজীব। পরে ?

দিলীর। পুনর্বার আর এক সভা হয়। তা’তে নূতন সর্ভে সন্ধিপত্র নূতন ক’রে লেখা হ’ল ! সমরদাস ব’লে উঠলেন, “মোগলকে বিশ্বাস কি ?” পরে আমি নিজের পুত্রদ্বয়কে মোগলের প্রতিভূ রাখাষ তাঁকে বহুকষ্টে স্বীকৃত করা গেল !

ঔরংজীব। তুমি নিজের পুত্রদ্বয় রেখে এসেছো ?

দিলীর। হাঁ, জাঁহাপনা।

ঔরংজীব। দিলীর ! তুমি অতি মহৎ—আমি এ সন্ধি পালন ক’রব।

দিলীর। সম্রাটের জয় হোক।

শ্রামসিংহের প্রবেশ

শ্রাম। রাজাধিরাজ বাদশাহ ঔরংজীবের জয় হোক !

ঔরংজীব। কি সংবাদ, মহারাজ !

শ্রাম। কার্য্য উদ্ধার হ’য়েছে, খোদাবন্দ। আশাভীত রকম উদ্ধার হ’য়েছে। সাম্রাজ্য নিষ্কণ্টক।

ঔরংজীব। কিরূপ ?

শ্রাম। সন্ধির পর কতিপয় ব্রাহ্মণ দিবে উদ্ধৃত সমরদাসকে হত্যা করিয়েছি।

দিলীর। কি ? তাঁকে হত্যা করিয়েছো, মহারাজ ! সত্য কথা ?

শ্রাম। হাঁ, সত্য কথা !

দিলীর। তুমি তাঁকে হত্যা করিয়েছো ?

শ্রাম। হাঁ, সেনাপতি !

দিলীব। সম্রাট্‌ স্বামা কর্বেন ( শ্রামসিংহের গলদেশে হস্ত দিয়া ধরিয়া ) পাগর! পাগও! রাজপুত-কুশাস্ত্রাব!—তোমাকে আজ আমি হত্যা কর্ব।

শ্রামসিংহ কাতরভাবে সম্রাটের প্রতি চাহিয়া কহিলেন—

শ্রাম। জাঁহাপনা।

ঔরংজীব। ক্ষান হও দিলীব—ও নিতান্ত ক্ষুদ্র জীব। মশা মেরে হাত কালো করো না, দিলীব!

দিলীব। সত্য কথা। তোমাকে মেবে এ হাত কালো কর্ব না। হেয়, কাপুক্ষ্য, নবকেব ঘৃণ্য—কীট। তোমায দেখ্লে পাপ! তোমাকে হস্তে স্পর্শ করা একটা মহাপাতক! দূব হও এই বলিয়া তাহাকে ধাক্কা দিয়া দূর করিয়া সম্রাট্‌কে কহিলেন—“হাত ধুগে আসি, সম্রাট্‌!”

এই বলিয়া চলিয়া গেলেন

ঔরংজীব। দিলীব যাঁ। আমার ভ্রাতৃ তুমি নিজের পুত্রদ্বয় হারালে। কিন্তু আমাব উদ্দেশ্য সাধু ছিল। এর জন্ত আমি দাবী নই, বন্ধু। এ হত্যা আমাব পবামর্শে হব নাই! এত নীচাশয় আমি নই।

মোজামের প্রবেশ

মোজাম। পিতা ডেকেছেন?

ঔরংজীব। হাঁ, মোজাম। দাক্ষিণাত্য যাবার জন্ত সমগ্র মোগল সৈন্যকে প্রস্তুত হ'তে আজ্ঞা দাও। তুমিও প্রস্তুত হও।

মোজাম। যে আজ্ঞা।

উভয়ে নিষ্ক্রান্ত

## চতুর্থ দৃশ্য

স্থান—দাক্ষিণাত্যে পালিগড় দুর্গ। কাল রাত্রি। মারাঠা-অধিপতি

শম্ভুজী, দুর্গাদাস ও আকবর আসীন

শম্ভুজী। দুর্গাদাস, তুমি অসমসাহসিকের কাজ করে'ছো! ৫০০  
মাত্র রাজপুত্র ঘোড়সোযার নিয়ে যোধপুর থেকে পালিগড়ে এসেছো!

আকবর। আমবা এসেছি অনেক দিন। এত দিন মহারাজেব দর্শন  
পাই নি।

শম্ভুজী। সাহজাদা! আমি বিশেষ বাজকাজে ব্যস্ত ছিলাম।  
তাই বিলম্ব হয়ে গিয়েছে। মাফ কর্বেন, সাহজাদা! অভিযর্থনার কোন  
ক্রটি হয় নি?

আকবর। না। মহাবাজেব সামন্তরা আমাকে যথাযথ সমাদর  
করে'ছেন। কোন ক্রটি হয় নি।

শম্ভুজী। সাহজাদার পরিবার?

দুর্গাদাস। নাড়বাড়েব মহাবাগীর কাছে তাদের রেখে আসতে  
হ'য়েছে। তাদের প্রতি সত্ৰাটেব আক্রোশ নাই। শুদ্ধ সাহজাদাকে,  
মহারাজ, আশ্রয় দান ককন।

শম্ভুজী। আপনাব আর কোন চিন্তা নাই, সাহজাদা! আপনি  
এমন মনে ক'র্তে পাবেন যে, আপন লৌহদুর্গ আছেন!—দুর্গাদাস,  
তোমরা একে সত্ৰাট করে'ছিলে না?

দুর্গাদাস। করে'ছিলাম, মহারাজ।

শম্ভুজী। বাস্! আকবরসাহ! আমরা মারাঠাজাতিও আপনাকে  
সত্ৰাট বলে'মানি।

আকবর। আমার ভাই মোজাম সঠৈন্তে আমার বিপক্ষে এসেছেন।

দুর্গাদাস। কুমার আজীমও সঠৈন্তে আমেদনগরে এসেছেন।

শম্ভুজী। কোন ভয় নাই, সাহজাদা ! আমি বহরমপুরে গিয়ে নিজে আপনাকে সম্রাট বলে' অভিষেক কর'ব ।

[ শম্ভুজীর দুই সৈন্তাধ্যক্ষ শাস্ত্রজী ও কেশবের প্রবেশ ]

শাস্ত্রজী। জিজিয়া দুর্গেব পতন হ'য়েছে মহারাজ !

শম্ভুজী। উত্তম ! সন্তুষ্ট হ'লাম ।

কেশব। মহারাজ ! কর্বেস কেরি আর ফাডিনাও মহারাজের সাক্ষাৎ প্রার্থী । এখানে নিয়ে আসবো কি ?

শম্ভুজী। আনো না—ক্ষতি কি !

শাস্ত্রজী ও কেশবের প্রস্থান

শম্ভুজী। বিশ্রাম নেই, সাহজাদা—রাজার বাজকার্য্য সঙ্গে সঙ্গে ফেরে । এই জিজিয়া দুর্গ ইংরাজেবা মাসাধিক হ'ল তৈয়ের করে'ছিল । তা' ভূমিসাৎ হ'ল দেখ'লেন !—দুর্গাদাস ! বাজপুতেবা যুদ্ধ কর'তে জানে ।

দুর্গাদাস। তাবা বেশেব জন্ত প্রাণ দিতে জানে ।

শম্ভুজী। কিন্তু রাজপুত জাতি ত বার বার যবনের পদ-দলিত হ'য়েছে ।

দুর্গাদাস। হ'য়েছে সত্য ! কিন্তু মনে করে' দেখুন, মহারাজ ! সমস্ত আর্য্যাবর্তে রাজস্থান বেণুকার মত ! তবু সমস্ত আর্য্যাবর্তে একা রাজপুতই এই তিন শ' বছর মাথা উঁচু করে' আছে ।

শম্ভুজী। আর মারাঠা মাথা উঁচু করে' নেই—মাথা তৈয়ের কর'ছে—কার ক্ষমতা অধিক, দুর্গাদাস !

দুর্গাদাস। মহারাজ ! আমি মারাঠা হীন বলি নাই ; শুদ্ধ রাজপুত অসার নয়, তাই ব'ল'ছিলাম । আমার এখানে আসার প্রধান উদ্দেশ্য, মহারাজ, এই সাহজাদাকে নিরাপদ করা ।

শম্ভুজী। আচ্ছা, এসেছো—দেখে যাও মারাঠা যুদ্ধ করে' কেমন ! দেশে গিয়ে গল্প কর'বার একটা বিষয় পাবে ।

দুর্গাদাস । ( স্বগত ) এত দস্ত যাব, তার পতন অবশ্যস্তাবী ।

কেরি ও যার্জিনাওর সহিত কেশবের প্রবেশ

শম্ভুজী । কেরি সাহেব ! তোমাদের জিজ্ঞাসা দুর্গেব অবস্থা দেখলে ?

কেরি । ইঁ রাজা !

শম্ভুজী । ঐ অবস্থা তোমাদের বশে উপনিবেশেব হবে, যদি আমাব বিপক্ষ-জাহাজ তোমাদের বন্দবে আশ্রয় দাও ! আব এলিফ্যান্টায় মারাঠা দুর্গ নিৰ্ম্মাণ ক'ৰ্ব্ব ।

কেরি । রাজা—

শম্ভুজী । কোন কথা শুভে চাই না । যাও—আব পোর্টুগীজ সর্দার সাহেব ! তোমরা আমাব বারণ শুনলে না । তোমাদের আস্থিদ্ধীপ দখল ক'ৰ্ত্তে জাহাজ পাঠিইছি ! দেখি তোমাদের গোরাব বাণিজ্য কিসে চলে ? এখনো সাবধান—যাও ।

কেরি ও কাঁড়নাও কুনিশ করিয়া প্রস্থান করিলেন ।

শম্ভুজী । এই ফিরিঙ্গিগুলোকে আগি একটু ভয় করি, দুর্গাদাস ।  
—কাবলেস্ থাঁ !

নেপথ্যে । হুজুব ।

শম্ভুজী ! সরাব আওর আওবৎ—

নেপথ্যে । যো জুম মহাবাজ !

শম্ভুজী । এই ফিরিঙ্গিগুলো বড্ড সোজা বন্দুক আওয়াজ করে । আর কখন ছত্রভঙ্গ হয় না । একটা সৈন্যদল যুদ্ধ করে যেন একটা প্রাণী ! এক গতি, এক লক্ষ্য, একদিকে মুখ ! ভারি জমাট !

সরাব হস্তে কাবলেস্ থাঁর প্রবেশ

শম্ভুজী । (সরাব লইয়া আকবব ও দুর্গাদাসকে দিয়া) নেও, দুর্গাদাস !

দুর্গাদাস । মাফ কর্বেন মহারাজ !

শত্ৰুজী। সে কি বল ? সরাব খাও না নেহাইৎ—( অপদার্থের সঙ্কেত করিলেন ) সাহজাদা—

আকবর। মন্দ কি !

শত্ৰুজী। এই ত ! তুমি সম্রাট হবার উপযুক্ত বটে। আমি তোমায় সম্রাট কর্ব।

কাব্লেস্। আওরৎ ?

শত্ৰুজী। আলবৎ—আভি—হিঁয়া—

দুর্গাদাস। তবে আমি যাই। একটু বিশ্রাম করিগে যাই।

শত্ৰুজী। কেন, তোমার সতীত্ব নষ্ট হবে ? আচ্ছা যাও।

দুর্গাদাস। ( উঠিতে উঠিতে ভাবিলেন ) এতদূর অসার !

নভকীগণের প্রবেশ

শত্ৰুজী। এই যে ! গাও, নাচো সাহজাদা ! মুসলমান জাতটা কি সম্ভোগ বেশ জানে ?

আকবর। ( সুরা পান করিতে করিতে ) সুরাপান কিন্তু তার ধর্ম্মে নিষিদ্ধ।

শত্ৰুজী। বটে ! তবে সে ধর্ম্ম আমার জন্তে নয়। এমন সুন্দর জিনিষ আছে ! কেমন গুল্ল, শান্ত, স্থিৎ ! কিন্তু ভেতরে গেলেই সংসারটাকে রঙিন করে' তোলে—হাঃ হাঃ হাঃ !—সুরা আর রমণী—গাও।

দুর্গাদাস। ( যাইতে যাইতে স্বগত ) এই সুরা আর এই রমণীই তোমার সর্বনাশ কর্বে, শত্ৰুজী !

বলিয়া চলিয়া গেলেন

শত্ৰুজী। দুর্গাদাস কি রকম কবে' আমার পানে চাইলে, দেখলে আকবর ? উনি সতীত্ব দেখাচ্ছেন ! ভণ্ড !

আকবর। গাও

শত্ৰুজী। হাঁ, গাও—নাচো—কিসের জন্ত যুদ্ধ করে' মরি, সাহজাদা ?



যদি জীবনটা ভোগ না ক'লাম—গাও একটা সাহজাদার আবাহন-গীতি  
গাও—ইনি ভারতসম্রাটের পুত্র আকবরসাহ—

নৃত্যগীত

যদি এসেছো এসেছো দয়া করি বঁধুহে—

কুটীরে আমারি ,

আমি কি দিয়ে তুমি'ব তুমি'ব তোমারে

—বুঝিতে না পারি ।

আমি যাব কি ও হৃদি পর ছুটিয়া ?

আমি পড়িব কি পদতলে পড়িয়া ?

হাসিব, সাধিব, ঢালিব চরণে

—নয়নের বারি ?

যদি পেয়েছি তোমায় কুটীরে আমার আশায় অতীত গণি ;

আজি আধারে, পথের ধুলার মাঝারে, কুড়ায়ে পেয়েছি মণি ;

যদি এসেছ দিব হৃদয়ানন পাতি ;

দিব গলে নিতি তব প্রেম-হার গাঁথি ,

রহিব পড়িয়া দিবস রাত্তি হে

—চরণে তোমারি ।

পঞ্চম দৃশ্য

হান—রাণা জয়সিংহের অন্তঃপুর। কাল—সায়াক্স। জয়সিংহ ও তাঁহার ধাত্রী  
মুখোমুখী দাঁড়াইয়া ছিলেন।

জয়। কি ! কমলা আমায় না বলে' চলে' গিয়েছে ?

ধাত্রী। গিয়েছে ত গিয়েছে ! হয়েছে কি ? আপদ দূর হ'য়েছে।

জয়। বড়রাণী কোথায় ?

ধাত্রী। সে ঘরের লক্ষ্মী ঘরে আছে।

জয়। তাঁকে ডাকো ত। নিশ্চয় তাঁর সঙ্গে বগড়া করে' চলে' গিয়েছে।

ধাত্রী। না গো না! তার মুখে বা-টি নাই। সে মাটির মানুষ! ছোটরাণীই তাকে মাঝে মাঝে এনি মুখঝামটা দেয়। বাপ—যেন তাড়কা রাঙ্গসী! ছোটরাণীর মুখ ত নয় যেন তুবড়ি! আবার যখন মান করেন—তখন তোলো—( দেখাইন ) সুন্দর বিচ্ছিবি অমন আমি কখন দেখি নি বাপু!

জয়। চোপ। মুখ সামলে কথা বলিস্!

ধাত্রী। ওরে বাবা! যেন কুস্তকৰ্ব। খেতে এলো! কেন? জয় কিসের? তুই ছোটরাণী বলে' অজ্ঞান, যুই ত অজ্ঞান নই! আর সে মোব ইষ্টদেবতাও নয় যে, যুই তোব মত রাজ্য ভুলে তার জপে বোসবো!

জয়। ণাথ, তুই আমার মানুষ কবে'ছিস্ বলে' অনেক সহ্য করি। বেশা জালাস্ নে—যা, বড়রাণীকে ডেকে দে!

ধাত্রী। ডেকে দেবো না! নিজে যাও না তাব ঘরে! সে ত আর মোর মত তোমার কেনা দাসীটি নয়, আর তোমাব ঘবে খেটে খেতেও আসে নি—সেও রাজরাজড়া-ঘবেব মেয়ে।

জয়। তুই যাবি নে?

ধাত্রী। ঈঃ—? চোখরাঙানী দেখ—যেন দুৰ্গস্ মুনি! মার্কো নাকি? তার আর আশ্চর্য্যই বা কি! ণাশকে মোছলমানের হাতে সঁপে দিয়ে, বাড়ী এসে ধাইমাণীর উপব রোখ! নজ্জাও নেই!

জয়। সবাই নিন্দে ক'র্ছে মানি, কিন্তু ধাইমা তুইও—আমার প্রাণ যে কি ক'ছে তুই জানবি কি?

ধাত্রী। জাস্তে বাকিই বা আছে কি?—যাহু করে'ছে গো—যাহু

করে'ছে। পেত্নী হ'য়ে ঘাড়ে চেপেছে! নৈলে ছেলি ভালো!—আচ্ছা, যাচ্ছি। বড়রাণীকে ডেকে দিচ্ছি। কিন্তু তাকে যদি কক্ষি কৈবি, ত এই ঝিটি তোর ঘাড়ে বসিয়ে দেবো; তা' মানুষ করে' থাকি আর যাই করে' থাকি—সতীলক্ষ্মীর অপমান সৈবো না।

প্রস্থান

জয়। যা'হুই করে'ছে। আমাকে তন্নয় করে'ছে! আর কিছুই ভালো লাগে না। সে এই নগর ছেড়ে চলে' গিয়েছে—সংসার শূন্য দেখ'ছি। চক্ষু অন্ধকার দেখ'ছি!

ধীরে ধীরে সরস্বতী প্রবেশ করিলেন

সরস্বতী। আমায় ডাক'ছিলে?

জয়। হাঁ—ছোটরাণী কোথায় জানো?

সরস্বতী। না।

জয়। তোমায় কিছু বলে' যায় নি?

সরস্বতী। না!

জয়। তোমার সঙ্গে (মস্তক নীচু করিয়া) কোন বচসা হয় নি?

সরস্বতী। না।

জয়সিংহ কিয়ৎকাল নীরব রহিলেন। পরে কহিলেন—“এই কথা আমায় বিশ্বাস ক'র্তে বল, সরস্বতী!”

সরস্বতী। বিশ্বাস কর না কর, তোমার হাত! আমাকে জিজ্ঞাসা ক'লে, তাই ব'ললাম।

জয়। এর কারণ জানো কিছু?

সরস্বতী। না, ঠিক জানি না।

জয়। অনুমান ক'রেছো?

সরস্বতী। ক'রেছি।

জয়। কি অনুমান ক'রেছো?

সরস্বতী । ব'লতে পার্ক না ।

জয় । ব'লতে পার্কে না ? না, ব'লবে না ।

সরস্বতী । ভালো ! তবে তাই ! আমি ব'লবো না ।

জয় । সরস্বতী ! এই তোমার পতিভক্তি ! সে যা'ই হোক, আমার কথা শোন । আমি তার জন্তে দেশত্যাগী হ'তে হয় হব—তা' জানো বোধ হয় ?

সরস্বতী । বিশেষ জানি । দেশকে ত মুসলমানের পায়ে বিকিয়ে এসেছো ! তা'কে ছাড়বে—তা'র আর আশ'র্য কি ?

জয় । দেশকে আমি বিকিয়ে আসি নি । সন্ধি করে'ছি !

সরস্বতী । একি সন্ধি বল, রাণা ? মুসলমান জাত পাঁচ শ' বছর ধবে' দেশ, জাতি, ধর্মকে পীড়ন ক'লে । সেই মুসলমান জাতকে মাড়বার বীর সমরে পরাস্ত করে'ছিল—তার সঙ্গে এই সন্ধি !—তুমি রাণাপদের অবমাননা কবে'ছো ।

জয় । কা'র জন্ত করে'ছি—নিজেব জন্ত না জাতির জন্ত ?

সরস্বতী । ছোটবাগীর জন্ত !—তোমাব আর কিছু জিজ্ঞাসা করবার আছে ?

জয় । না ।

সরস্বতী । উত্তম—তবে আমি যাই ?

জয় । যাও—আমিও যাই !

সরস্বতী । যেকূপ অভিরূচি !—শোন নাথ, এক কথা বলে' যাই—যেখানে যাবে যাও । কিন্তু শান্তি পাবে না । যে উদ্যম প্রবৃত্তিভরে আজ আমাকে ছেড়ে, পুত্র ছেড়ে, রাজ্য ছেড়ে চলে' যাচ্ছ, সে প্রেম নয়, সে লালসা । প্রেমের গতি নিরু'রিণীর মত স্থির, স্বচ্ছ, মধুর ; বারি-প্রপাতের মত উচ্ছৃঙ্খিত, ফেনিল, দ্রুত নয় । আসল প্রেম চকিত বিদ্যুতের মত তীব্র নয়, জ্যোৎস্নার মত স্নিগ্ধ মধুর !—এই কথা

মনে করে' নিয়ে যাও !—মনে রেখো ! অক্ষরে অক্ষরে মিলিয়ে দেখো ।

প্রস্থান

জয়সিংহ । জাঁনি সরস্বতী, যে, এ প্রেম নয়, এ লিপ্সা ! এ আমায ধীরে ধীরে রাহুর মত গ্রাস ক'চ্ছে—ব্যাদিব বিষের মত সমস্ত শবীর ছেয়ে আসছে । এ টান আবর্তের টান । সব বুঝতে পাচ্ছি । কিন্তু উপায় নাই, উপায় নাই ।

বলিয়া উদ্ভ্রান্তভাবে চলিয়া গেলেন

### ষষ্ঠ দৃশ্য

স্থান—পুণ্যমালী দুর্গ । দুর্গাদাসের শয়নকক্ষ । কাল—প্রহর রাত্রি । শয্যার উপরে উপবিষ্ট দুর্গাদাস একখানি পত্র পড়িতেছিলেন ।

দুর্গাদাস । এইরূপে আপনাব' সরল উদার ভ্রাতা সমরসিংহের মৃত্যু হয় । এদিকে আমাদের মহারাণী চিতারোহণে তাঁহার স্বর্গীয় স্বামীকে অনুগমন করিয়াছেন । ওদিকে জৈণ কাপুরুষ রাণা জয়সিংহ মোগলদের সঙ্গে এক অবমাননাকর সন্ধি করিয়া, রাজ্য ছাড়িয়া, দ্বিতীয় মহিষীকে লইয়া জয়সিংহের তীরে গিয়া বাস করিতেছেন । তাঁহার আচরণে, মহারাণীর স্বর্গারোহণে, আব বীর সমরসিংহের মৃত্যুতে রাজস্থান বিচ্ছিন্ন হইয়াছে ।—রাঠোর সেনাপতি ! আপনি দেশে ফিরিয়া আসুন । আমাদের অপরাধ মার্জনা করুন । আমাদের সমবেত মিনতি রক্ষা করুন ।”—হঁ ! পত্রে শতাধিক সামন্তের দস্তখৎ ।—এই বলিয়া পত্রখানি মুড়িয়া উপাধানতলে রাখিয়া দুর্গাদাস অধোবদনে কক্ষ মধ্যে পাদচারণ করিতে লাগিলেন । এমন সময় শঙ্কুজী কক্ষে প্রবেশ করিয়া মদিরাজড়িত স্বরে কহিলেন—“গুনেছো দুর্গাদাস !”

দুর্গাদাস চমকিত হইয়া উত্তর কবিলেন—“কি, মহারাজ ?”

শম্ভুজী। ঔরংজীবকে সমস্ত পার্বত্য প্রদেশ হ’তে তাড়িইছি। এসেছিলেন চাঁদ শম্ভুজীর সঙ্গে যুদ্ধ ক’র্তে ! জানেন না।

দুর্গাদাস। কিন্তু, বিজাপুর আর গোলকুণ্ডার পতন হয়েছে না ?

শম্ভুজী। তা’তে আমার কোন হানি হয় নি। আমি এদিকে বিজাপুরের পশ্চিম প্রান্ত দখল করে’ বসে’ আছি। চাঁদ এদিকে এগিয়ে আসছেন, পিছনে শম্ভুজীব সৈন্য ; ওদিকে পিছিয়ে যাচ্ছেন, পিছনে শম্ভুজীব সৈন্য। ব্যতিব্যস্ত কবে’ তুলিছি। জানেন না চাঁদ—এ শম্ভুজী ! আব কেউ নয়।

দুর্গাদাস। কিন্তু এ বকম উদ্দেশ্যহীন যুদ্ধে ফল কি ? অল্পমতি দিন, মহাবাজ। আমি রাজপুতসৈন্য এখানে নিয়ে আসি। আব মারাঠা রাজপুত মিলে ঔরংজীবের বিপক্ষে দাঁড়াই।

শম্ভুজী। রাজপুত ! রাজপুত যুদ্ধ ক’র্তে জানে ? তাদের সাহায্যে প্রয়োজন নাই, দুর্গাদাস ! এক দিন মারাঠাই রাজপুত আর মোগলকে সমভাবে পেশণ ক’র্বে।

দুর্গাদাস। মহাবাজ ! রাজপুতকে পরাজয় কবে’ মারাঠার গোবর বাড় বে না। তা’রাও হিন্দু, মারাঠাও হিন্দু।

শম্ভুজী। তা’ বটে—দুর্গাদাস, তোমার বিছানা যথেষ্ট নরম হয়েছে ত ?

দুর্গাদাস। রাজপুতের পক্ষে এ বিছানা যথেষ্ট নরম। আমাদের অনেক সময় অশ্বপৃষ্ঠে শয্যার কাজ কবে।

শম্ভুজী। ঐ ত দুর্গাদাস, ঐ জাযগাযই তোমার সঙ্গে মেলে না। যুদ্ধও চাই, সঙ্গে সঙ্গে সন্তোগও চাই।—দুর্গাদাস ! জীবনের জন্ত সব কঠোর জিনিসে আপত্তি নাই। কিন্তু বিছানাটি নরম চাই।  
—কাব্লেস্ থা—

নেপথ্যে। হজুর !

শঙ্কুজী। সব তৈরী ?

নেপথ্যে। হাঁ, হুজুর !

শঙ্কুজী। তবে এখন নিজা যাও, দুর্গাদাস। আমি যাই।

প্রস্থান

দুর্গাদাস। ( কক্ষে পদচারণা করিতে করিতে ) যোদ্ধা বটে মারাঠা জাতি ! অদ্ভুত অশ্চালনা, অদ্ভুত সমরকৌশল, অদ্ভুত সহিষ্ণুতা ! এর সঙ্গে যদি রাজপুত জাতির একাগ্রতা, ত্যাগ আর দৃঢ়তা পেতাম, কি না হ'তে পার্ভ ? না, তা' হবার নয়। ভারতের ভাগ্য সুপ্রসন্ন নয় ! হিন্দুজাতি যে বিচ্ছিন্ন হয়ে গিয়েছে ! আব এক হবার নয়।

এই বলিয়া তিনি কক্ষমধ্যে পদচারণা করিতে লাগিলেন। সহসা দূরে আর্তধ্বর  
শ্রুত হইল। দুর্গাদাস কহিলেন

ওঃ ! কি তাঁর আর্তধ্বনি ! কি করুণ ! কি অভভেদী ! আরো কাছে ! আরো কাছে !—এ কি ! আমার দ্বারের বাইরে যে ! এ যে নারীর কাতরোক্তি !—কি হৃদয়-ভেদী—

আল্লায়িতকেন্দ্রী প্রস্তুতবসনা এক নারী দৌড়িয়া সেই কক্ষে প্রবেশ করিলেন

নারী। রক্ষা কর ! রক্ষা কর !

দুর্গাদাস। ভয় কি ! ভয় কি, মা !—কে তুমি, মা !

তরবারি হস্তে শঙ্কুজী ও তৎপশ্চাতে কাবলেস্ থা প্রবেশ করিল

শঙ্কুজী। পিশাচী ! শয়তানী ! তুমি তাকে দরজা খুলে দিয়েছো ?  
তুমি তার পলায়নের পথ পরিষ্কার করে' দিয়েছো ?

নারী। সে কুলনারী।

শঙ্কুজী। সে কুলনারী ; তোর তা'তে কি ?

নারী ভয়ে ভূপতিত হইলেন। শঙ্কুজী তরবারি হস্তে করিয়া তাহার দিকে ধাবিত  
হইলেন। দুর্গাদাস সহসা তাহার সম্মুখে আসিয়া কহিলেন—

দুর্গাদাস। শম্ভুজী!—মহারাজ!—এ কি! অবলার প্রতি আক্রমণ।  
এও কি সম্ভব!

শম্ভুজী। চোপরও—সবে' যাও—

দুর্গাদাস। কখনও না। অবলার প্রতি অত্যাচার দুর্গাদাস আজ  
পর্যন্ত কখন দাঁড়িয়ে দেখে নাই। তরবারি কোষবদ্ধ করুন, মহারাজ।

শম্ভুজী। জানো ও কে?

দুর্গাদাস। উনি যেই হোন—উনি আমার মা।

শম্ভুজী। সবে' দাঁড়াও, দুর্গাদাস!

দুর্গাদাস। প্রকৃতিস্থ হও, মহারাজ! তুমি সুরাপান ক'রেছো!  
নইলে এ অবলার প্রতি অত্যাচার তোমার দ্বারা সম্ভব নয়।

শম্ভুজী। এখনো ব'ল্‌চি সবে' দাঁড়াও।

দুর্গাদাস। কখন না।

শম্ভুজী। তবে তরবারি নাও। 'জামি' নৈরস্ত্র শত্রুকেও বধ করি না।  
তববারি নাও।

দুর্গাদাস। এটুকু ত জ্ঞান আছে! তবে নাবীর প্রতি অত্যাচার  
কেন?—শোন, মহারাজ—

শম্ভুজী। তরবারি নাও। (পদাঘাত করিয়া) নাও!

দুর্গাদাস। তরবারি নেওয়ার প্রয়োজন নাই।

এই বলিয়া তিনি শম্ভুজীর গলদেশ ধরিয়া ফেলিয়া দিয়া তরবারি কাড়িয়া দূরে  
নিষ্ক্ষেপ করিলেন। পরে তিনি নিজের উকীষ খুলিয়া, তাঁহার হস্তস্তর  
বন্ধন করিলেন। কাব্‌লেস্‌ হৃষোগ বুঝিয়া পলায়ন করিল।

দুর্গাদাস। মহারাজ! আপনার আতিথ্য গ্রহণ ক'রেছিলাম। ক্ষমা  
ক'রেন! (এই বলিয়া তিনি নিজের তরবারি লইয়া, পরে সেই নারীকে  
কোড়ে উঠাইতে গিয়া, আবার ভূমিতলে রাখিয়া কহিলেন—) এ কি!  
বালিকা মরে' গিয়েছে! শুদ্ধ আত্মকে মরে' গিয়েছে।—মহারাজ!



এই ক্ষুদ্র নিরীহ কপোতীকে মার্কীর জন্ত তরোয়াল নিয়ে ছুটে-  
ছিলে!—তুমি মহাত্মা শিবাজীর পুত্র! ধিক্!

এই বলিয়া চলিয়া গেলেন

শম্ভুজী। কোন্‌ হাণ—পাক্‌ড়া পাক্‌ড়া—

বাহিরে অন্তরে শব্দ শব্দ

রক্তাক্ত কলেবরে দুর্গাদাস পুনঃপ্রবেশ করিলেন। সঙ্গে কাব্‌লেস ও সৈনিকগণ  
প্রবেশ করিল। কাব্‌লেস শম্ভুজীর বন্ধন মুক্ত করিল

দুর্গাদাস। সব স্থির থাকো। আমি পালাচ্ছি না। পঞ্চাশ জনের  
বিপক্ষে একার আত্মরক্ষা সম্ভবে না। আর নিজেব প্রাণরক্ষার জন্ত  
স্বজাতীয়ের প্রাণসংহার কর্তে চাই না। একজন নারীর ধর্মরক্ষা ক'র্তে  
পেরেছি, এই যথেষ্ট পুরস্কার—যদিও তাঁর প্রাণরক্ষা ক'র্তে পার্লাম না।  
ধরা দিচ্ছি; বাঁধো। যে শান্তি হয়, দাও।

এই বলিয়া দুর্গাদাস তরবারি ভূতলে নিক্ষেপ করিলেন। হস্ত বাঁধার স্রজ অগাহিয়া  
দিলেন। শম্ভুজীর ইচ্ছিতে কাব্‌লেস তাঁহাকে ভয়ে ভয়ে বাঁধিল

শম্ভুজী। দুর্গাদাস! বড় স্পর্ধা তোমার! তোমাকে পোড়াবো না,  
জীযন্তে গোর দেব! কি শান্তি দেব? কি রকমে ম'র্তে চাও?

কাব্‌লেস। মহারাজ! বেহমানকে আপন হাত্‌সে জান হওয়া  
ঠিক নয়। আমি বলি, একে এর বড় দোস্ত ঔরংজীবের হাতে দিই।  
ফল দাঁড়াবে একই। তবে মহারাজের বুরা কামটা ক'র্তে হবে না।

শম্ভুজী। হাঁ তা' বটে! সেই ভালো। কাব্‌লেস! ওকে ঔরংজীবের  
হাতে দিয়ে এস। সেখানে দেওয়াও যা, ব্যাঘ্রের বিবরে ছেড়ে দিয়ে  
আসাও তাই।

এই বলিয়া অত্যাচ্ছ হস্ত করিলেন

কাব্‌লেস। (স্বগত) সঙ্গে সঙ্গে কাব্‌লেসের কিছু নফা হয়ে যাক  
না। বহৎ ইনাম পাবো।

দুর্গাদাস। উত্তম! আমি চ'ললাম ম'র্তে! কিন্তু মনে রেখো, শত্ৰুজী! এই কথা বলে' যাই। তোমারও এক দিন এই দশা হবে— এই কাব্লেস্ খাঁরহ হাতে। যদি এখনও ভালো চাও—সুঁরা পরিত্যাগ কর। নাগীজাতিব সম্মান কব। আব এই কাব্লেস্ খাঁকে বিশ্বাস কোবো না।

পট পরিবর্তন

### সপ্তম দৃশ্য

ধান—আমেদনগর-প্রাসাদ; অন্তঃপুর কক্ষ। বাগ—রাত্রি। সম্রাজ্ঞী গুলনেয়ার এবাকিনী সেই কক্ষে পদচারণা করিতেছিলেন।

গুলনেয়ার। আমরা এসেছি এই দাক্ষিণাত্যে—কার উদ্দেশ্যে? লোকে জানে যে, গুঁরুজীব আকবরের উদ্দেশ্যে এসেছেন, বিজাপুর গোল-কুণ্ড জয় ক'র্ন্তে এসেছেন; মারাঠা জাতিকে দমন ক'র্ন্তে এসেছেন।—মুর্খ তা'রা। এ সব ছোট চক্র খুঁজে বটে; কিন্তু এই ঘূর্ণিতচক্ররাজি ঘোরাচ্ছি—এখানে বসে' আমি! আমি সেদিকে তর্জুনী না ফেরালে, শত আকবর, বিজাপুর, শত্ৰুজী, দিল্লীর সমগ্র প্রাসাদকে দাক্ষিণাত্যের দিকে টেনে আনতে পার্ত না।—কি প্রভূত শক্তি, কি দরাজ হাতে অপব্যয় কচ্ছি!—বাঁদি! সরাব।—দুর্গাদাস! দুর্গাদাস! তুমি যদি জাস্তে—যদি জাস্তে—আমি তোমাকে কি ভালোবাসি! যদি জাস্তে কি মধুরভিক্ত, উত্তপ্তশীতল, তীক্ষ্ণকোমল প্রবৃত্তি আমার অন্তরে জাগিযে দিযেছো! যদি জাস্তে, তোমার উদ্দেশ্যে সমস্ত মোগল-সাম্রাজ্য মাড়বার থেকে দাক্ষিণাত্যে টেনে এনেছি!—আমাকে কি ভালোই বাসতে!—বাঁদি! সরাব। বাঁদী আসিয়া তাঁহার হস্তে সরাব দিল। গুলনেয়ার পান করিয়া অবহেলায় দূরে

পাত্র নিক্ষেপ করিলেন, উঃ ! কি পিপাসা ! দুর্গাদাস ! আমি যদি  
পান ধরে'ছি কেন জান ?—দুর্গাদাস । তুমি যদি আমায় আজ দেখ  
চিস্তে পারো কি না সন্দেহ ! এত শীর্ণ হয়ে গিয়েছি ! এ প্রবৃত্তির কি  
মহাজালা ! কি দুর্দমনীয় বেগ ! কি মধুর উৎপীড়ন !

ঔরঞ্জীবের প্রবেশ

ঔরঞ্জীব । গুলনেয়ার !

গুলনেয়ার । জাঁহাপনা ! বন্দেগি !

ঔরঞ্জীব । গুলনেয়ার ! বড় স্মরণ—দুর্গাদাস ধরা প'ড়েছে ।

গুলনেয়ার । য্যা !—না পরিহাস ?

ঔরঞ্জীব । পরিহাস নয়, প্রিয়ে, সত্য কথা ! কাব্লেস্ খাঁ তাকে  
ধরে' এনেছে । তাঁকে ৩০০০ আসরফি পুরস্কার দিইছি । আর তাকে  
বলে'ছি যে, শত্ৰুজাকে ধরিয়ে দিতে পার্লে, এর দশগুণ পুরস্কার দেব ।

গুলনেয়ার । সত্য কথা ?—এত দিনে বুঝলাম, নাথ, তুমি আমায়  
ভালোবাসো ! আমাদের দাক্ষিণাত্যে আসা, এত দিনে সার্থক হ'ল !

ঔরঞ্জীব । কিন্তু গুলনেয়ার ! তুমি সুরাপান করে'ছো ।

গুলনেয়ার । হাঁ করে'ছি । এখন আর এক পেয়ালা এই দুর্গাদাসের  
ধরা উপলক্ষে পান কর্ব । বাদি—

ঔরঞ্জীব । সে কি, গুলনেয়ার ? সুরাপান আমার প্রাসাদ-কক্ষে !

গুলনেয়ার সগর্বে উঠিয়া দাঁড়াইয়া কহিলেন

গুলনেয়ার । তাই হ'য়েছে কি সম্রাট ?

ঔরঞ্জীব । জানো আমি সুরাপানের বিরোধী !

গুলনেয়ার । তুমি হতে পারো । আমি নই ।

ঔরঞ্জীব । তুমি নও—তুমি মুসলমান ধর্ম্মে দীক্ষিত হও নি ?

গুলনেয়ার। সে আমার মজ্জি ! আমার মজ্জি হ'লে এ ধর্ম ছেড়েও দিতে পারি !—ধর্ম ?—ধর্ম আচরণেব জন্ত আমি তৈইরি হই নি। আমার দিকে চাও দেখি, সমাট ! এই সুগোল কোমল বাহুযুগল দেখ ! এই সুদীর্ঘ ঘনকৃষ্ণ কেশদাম দেখ, এই তরল স্বচ্ছ স্বর্ণাভ বর্ণ দেখ। এ রূপ কি মসজিদে গিয়ে মাথা খুঁড়বার জন্ত তৈয়ের হয়েছিল ?—তুমি বড় ধার্মিক, জাঁহাপনা ! তবে আমাকে বিবাহ না করে' এক মোল্লানীকে বিবাহ কর নি কেন ?

ঔরংজীব। কি বল্ছো, গুলনেয়ার—তুমি জানো না !

গুলনেয়ার। বেশ জানি।—শোন !—দুর্গাদাস কোথায় ?

ঔরংজীব। দিল্লীর খাঁর রক্ষায়।—তাকে কি শাস্তি দেব জানি না।

আগে—

গুলনেয়ার। তাকে কোন শাস্তি দেবে না। তাকে মুক্ত করে' দেবে।

ঔরংজীব। সে কি ? সে কি হ'তে পারে ?

গুলনেয়ার। হ'তে যে বেশ পারে, তা' তুমি নিজেই বুঝতে পার্ছো। শুদ্ধ মুক্ত করে' দেবে না ! আমার সঙ্গে কারাগারে যাবে। আমি ব'লবো দুর্গাদাসকে মুক্ত করে' দাও—আর তুমি স্বহস্তে তাকে মুক্ত ক'রে দেবে।

ঔরংজীব। তুমি কি বল্ছো জানো না, গুলনেয়ার ! তুমি প্রকৃতিস্থ হও। তুমি অত্যধিক সুরাপান করে'ছো। প্রকৃতিস্থ হও !

এই বলিয়া সম্রাট চলিয়া গেলেন

গুলনেয়ার। উত্তম ! আমি প্রকৃতিস্থ হ'ছি।—দুর্গাদাস ! তোমাকে আমিই স্বহস্তে মুক্ত ক'রব। আমার সে কি গৌরব ! আমি তোমাকে স্বহস্তে মুক্ত করে' আমার বুকের কাছে টেনে এনে, আমার প্রেম ভিক্ষা স্বরূপ দেবো ! দুর্গাদাস ! আমি তোমায় দিল্লীর সিংহাসনে বসাবো ; আর আমি তোমার সম্রাজ্ঞী হব। কি সে সম্মান !—আর ঔরংজীব !

তুমি ত এই মুঠোর মধ্যে ! তোমায় নামাতে কতক্ষণ ?—দুর্গাদাস !  
তোমাব সব অপরাধ ক্ষমা কর্ণাম । এতদিন যে তীব্র লালসাব জ্বালায়  
আমার জালিয়েছো ; আমার হৃদয়েব পিঞ্জরে না এসে, বনে বনে, পর্বতে  
পর্বতে, উপত্যকায় উপত্যকায় আমাকে তোমার পশ্চাতে পশ্চাতে  
ছুটিয়েছ—সব ক্ষমা কর্ণাম । দুর্গাদাস । আজ তোমার সব দোষ ক্ষমা  
ক'রলাম ! উঃ আজ কি আনন্দ !

প্রস্থান

## অষ্টম দৃশ্য

স্থান—শিবির-কারাগার । কাল—রাত্রি । শৃঙ্খলাবদ্ধ দুর্গাদাস ।

দুর্গাদাস । শেষে এ দশাও হ'ল । যে লাঞ্ছনা এত দিন বিজাতি  
বিধর্মী শত্রুর কাছে হয় নি, তা' আজ স্বজাতি স্বধর্মী হিন্দুব হাতে  
হ'ল !—শত্ৰুগী ! তুমি ভেবেছো যে, মারাঠা এক দিন রাজপুত মুসলমানকে  
এক সঙ্গে পদদলিত ক'র্বে । তা হ'লেও দুঃখ ছিল না ! কিন্তু তা' হবে না ।  
দেখ্বে যে এক দিন মারাঠা, রাজপুত, মুসলমান এক সঙ্গে অস্ত্র কোন  
জাতির পদতলে এসে লোটাবে । বিশ্বাসঘাতকতার শাস্তি আছেই  
আছে ।—কে কারাগারেব দরোজা খুল্লে না ?—কে ?

হৃদয়জিত গুলনেয়ার কারাগারে প্রবেশ করিলেন

দুর্গাদাস । এ কি অপরূপ সজ্জা ! এ কি রূপের জ্যোতিঃ !—কে  
আপনি ?

গুলনেয়ার ! আমি বেগম গুলনেয়ার !

দুর্গাদাস । বেগম গুলনেয়ার !

গুলনেয়ার । চিন্তে পার্ছো না, দুর্গাদাস ? আমাদের পূর্বে একবার

দেখা হ'য়েছিল। সে দিন আমি তোমাব হাতে বন্দী হ'য়েছিলাম। আজ তুমি আমাব হাতে বন্দী।

দুর্গাদাস। আপনি আমাব শাস্তি বিধান ক'র্ত্তে এসেছেন ?

গুণনেয়ার। না, আমি তোমাকে মুক্ত ক'র্ত্তে এসেছি।

দুর্গাদাস। প্রতাপকাবন্ধরূপ ?

গুণনেয়াব। না।

দুর্গাদাস। তবে ?—সম্রাটের আজ্ঞায় ?

গুণনেয়াব। বেগম গুণনেয়াব সম্রাট ওবংজীবের আজ্ঞার অপেক্ষা বাঞ্ছনীয় না। আমার আজ্ঞাই তিনি এত দিন পালন করে' এসেছেন।

দুর্গাদাস। তবে ?

গুণনেয়াব। আমি তোমাকে মুক্ত করে' দিতে এসেছি, কারণ তুমি আমাব প্রাণেশ্বব।

দুর্গাদাস। এ কি পবিহাস ?

গুণনেয়াব। তোমার খুব আশ্চর্য্য বোব হ'চ্ছে, যে, আমি স্বয়ং ভাবতসম্রাজ্ঞী গুণনেয়াব, আর তুমি একজন রাজপুত সেনাপতি মাত্র ; আমি তোমাকে প্রাণেশ্বব বলে' ডাকছি ? হাঁ, আশ্চর্য্য হবার কথা বটে ! তবে আমি সাধারণ নারীর মত কাজ কবি না। সম্রাজ্ঞী হ'য়ে একজন সামান্ত সেনাপতিকে “তুমি আমাব প্রাণেশ্বব” এ কথা এই ভাবে আমি ছাড়া জগতে আর কেউ ব'লতে পার্ত্ত ? কিন্তু অল্পতেই আমার প্রবৃত্তি। সাধারণ যা', সামান্ত যা' তা' সম্রাজ্ঞী গুণনেয়াব করে না ! সে যখন ঘোড়া ছুটোয়, রশ্মি ছেড়ে দেয় ; সামান্ত, সংযত, পরিমিত আনন্দ সে চায় না ; অসীমের—উচ্ছ্বসের রাজত্বে তা'র বাস !

দুর্গাদাস। কিন্তু—সম্রাজ্ঞী—

গুণনেয়াব। শোন, বাধা দিও না। আমি যাই করি তাই অদ্ভুত। এই প্রকাণ্ড মোগল-সাম্রাজ্য একটা প্রকাণ্ড বিষয় নয় ?—সে বিষয় আমার

সৃষ্টি। এ সাম্রাজ্য সম্রাটের হস্তাক্ষর বটে, কিন্তু রচনা আমার! আমার তর্জনী-উত্তোলনে সাম্রাজ্যে যুদ্ধ, আমার অভয়দানে সাম্রাজ্যে শান্তি! আমার সহস্রাঙ্গ দৃষ্টিতে এক একটা রাজ্যের উত্থান; আমার ভ্রক্ষেপে এক একটা রাজ্যের পতন! এতদিন এই হ'য়ে আসছে। যে দিন তোমার হাতে বন্দী হ'য়েছিলাম, সেদিন সে অবস্থা নিয়তির কঠোর বিধান বলে' মেনেছিলাম; কোন মায়াঘের কাছে মাথা হেঁট করি নি। সেইদিন তোমাকে ভালোবেসেছিলাম! কিন্তু সে প্রেম জানাই নি; কেন না, বন্দীভাবে যে তোমাব প্রেম ভিক্ষা ক'রুঁ, সেরূপ উপাদানে আমার প্রবৃত্তি গঠিত হয় নি। আজ তুমি আমাব বন্দী। এই আমাব প্রেমজ্ঞাপনের উপযুক্ত সময়। দুর্গাদাস। আমি তোমায ভালোবাসি!

দুর্গাদাস। বেগমসাহেবা! আপনি কি ব'লছেন, বোধ হয় আপনি বুঝতে পারছেন না।

গুলনেশ্বর। সম্রাটকে ভয় করছ? এসো। দেখবে সম্রাট আমাব দাস; আমি তার দাসী নহি। তোমায দিল্লীব সিংহাসনে বসাবো। এসো!

দুর্গাদাস। বেগমসাহেবা। মাফ ক'রবেন। অসহুপায়ে পৃথিবীর সম্রাট হ'তে চাই না!

গুলনেশ্বর। সাম্রাজ্য চাও না?

দুর্গাদাস। না, বেগমসাহেবা! আপনি ফিরে যান।

গুলনেশ্বর। কি? তুমি আমাকে চাও না?

দুর্গাদাস। পরদারাকে আমরা রাজপুতজাতি মাতা বলে মানি। আপনাব মর্যাদা আপনি না রাখেন, আমি রাখবো।

গুলনেশ্বর ক্ষণকাল স্তম্ভিত হইয়া নীরব রহিলেন। তাঁহার আপাদ-মস্তকে

উকরক্তস্রোত বহিতে লাগিল। তিনি বুঝিতে পারিলেন না যে,

তিনি আকাশে কি মর্ত্যে। পরে তিনি কহিলেন—

গুলনেয়ার। কি দুর্গাদাস! তুমি আমার প্রেম প্রত্যাখ্যান ক'র্ছ—  
সত্ৰাট ঔরংজীব যার ইচ্ছিতের অপেক্ষায় থাকে?

দুর্গাদাস। বেগমসাহেবা! জগতে সকলেই ঔরংজীব নয়। পৃথিবীতে  
ঔরংজীবও আছে, দুর্গাদাসও আছে।

গুলনেয়ার! এ কি সম্ভব!—জানো দুর্গাদাস, তোমার পক্ষে এর  
ফল কি?

দুর্গাদাস। জানি—মৃত্যু।

গুলনেয়ার। না, দুর্গাদাস তুমি পরিহাস ক'র্ছ।

দুর্গাদাস। জীবনে এর চেয়ে গস্তীরভাবে কখন কথা কহি নাই।

গুলনেয়ার। কি! আমাকে উপেক্ষা ক'র্ছ? দুর্গাদাস, পূর্বে বলে'ছি  
গুলনেয়ার নতজাহ্ন হ'য়ে প্রেম ভিক্ষা কবে না; আশীর্বাদে মত প্রেম  
বিতরণ করে।—বেছে নাও—বেগম গুলনেয়ার কিম্বা মৃত্যু!

দুর্গাদাস। বেছে নিলাম—মৃত্যু।

গুলনেয়াব। মৃত্যু। তবে তাই হবে—আমি তোমাকে বধ ক'র্ব্ব।  
গুলনেয়াবের কাছে একটা পাবে—হয় প্রেম, না হয় প্রতিহিংসা! যদি  
প্রেম না চাও, প্রতিহিংসা নেও—কামবক্স!

গুলনেয়ারের পুত্র কামবক্স প্রবেশ করিলেন

গুলনেয়ার। কামবক্স! বধ কব! একে বধ কর! এই মুহূর্তে বধ  
কর! চেয়ে রয়েছে। যে!—বধ কর!

কামবক্স। কেন, মা? পিতার বিনা অনুমতি—

গুলনেয়ার। পিতার অনুমতি? আমার আজ্ঞার উপর পিতার  
অনুমতি—বধ কর এই মুহূর্তে। কি! আমার কথার অবাধ্য তুমি?  
( চীৎকার করিয়া ) বধ কর—বধ কর!

কামবক্স। ( তরবারি বাহির করিতে করিতে ) উত্তম! তবে প্রস্তুত  
হও, বন্দী!



দুর্গাদাস। আমি প্রস্তুত।

কামবক্স দুর্গাদাসের বধার্থে তরবারি উঠাইলেন। এমন সময় দিলীর খাঁ

প্রবেশ করিয়া কহিলেন—

দিলীর। সাবধান, কামবক্স! নহিলে—

পিস্তল কামবক্সের প্রতি লক্ষ্য করিলেন

গুলনেয়ার। কে তুমি?

দিলীর। আমি মোগল সেনাপতি দিলীর খাঁ।

গুলনেয়ার। কি! তোমার স্পৃহা যে, আমার আজ্ঞার বিপক্ষে দাঁড়াও?

দিলীর। দিলীর খাঁ কাউকে ভয় কবে না বেগমসাহেবা! সে এমন সাধুতার অভেদ বর্মে আচ্ছাদিত যে, স্বয়ং ঈশ্বরকে ভয় করে না; তুমি ত তুচ্ছ জীব।—পাপীষদী! নির্লজ্জা!—মনে কোরো না, আমি কিছু গুনি নাই। সব গুনেছি। (পরে দুর্গাদাসের দিকে ফিরিয়া) দুর্গাদাস! বীর! জাস্তাম যে তুমি মহৎ! কিন্তু এত মহৎ স্বপ্নেও ভাবি নাই। আমি স্বহস্তে তোমার বক্সন মোচন করে' দিচ্ছি। (বক্সন মুক্ত করিয়া) চলে' এসো বাইরে—আমাব নিজের সর্বোৎকৃষ্ট অশ্ব তোমাকে দিচ্ছি। সঙ্গে পঞ্চাশত অশ্বারোহী দিচ্ছি। দেশে ফিরে যাও! আমার আজ্ঞায় কোন মোগলসেনানী তোমার কেশস্পর্শ ক'র্বে না! চলে' এসো বীর! বন্দেগি বেগমসাহেবা!

দুর্গাদাসের হাত ধরিয়া নিজ্জাস্ত হইলেন

গুলনেয়ার ও কামবক্স প্রস্তরমূর্ত্তিবৎ দণ্ডায়মান রহিলেন

## পঞ্চম অঙ্ক

২য় দৃশ্য : ৭ দৃশ্য - প্রথম দৃশ্য

স্থান—পাহাড়ার উজানচল্লাতপ । কাল—রাত্রি । সিংহাসনারূঢ় আকবর । সম্মুখে নৃত্যকীগণ ।

নৃত্যগীত

নীল গগন, চন্দ্রকিরণ, তারকাগণ রে ।

হের নয়ন—হর্ষমগন চাক ভুবন রে ,

নিদ্রিত সব কুজন-রব, নীরব ভব রে—

মোহন নব হেরি বিভব মেদিনী ভব রে ।

বাহিত ঘন-শিখ পবন জ্যোৎস্না মগন মন রে—

নন্দনবন-তুলা-ভুবন—মোহিত মন রে ।

এই বলিয়া বন্ধনের অবস্থা দেখাইল

আকবর । কেযাবাৎ !—বাহবা !—সোভানাল্লা !—বাহবা বেহাগে কোমল মিথাস ! স্বর্গ যদি এই বকম হয়—তবে স্বর্গ বড় সুখের জায়গা । সোভানাল্লা ! আবার নাচো ; আবার গাও ।

এই সময়ে সহাস্তমনে কাব্লেস্ খাঁ প্রবেশ করিল

আকবর । কে ? কাব্লেস্ খাঁ ! শত্ৰুজী কোথায় ?

কাব্লেস্ । আর শত্ৰুজী ! সাহজাদা ! শত্ৰুজী—এই—

এই বলিয়া কাব্লেস্ পতনের ভঙ্গী দেখাইল

আকবর । সে কি ?

কাব্লেস্ । কুপোকাৎ ।

আকবর । কুঘোষ পড়ে' গিয়েছে ? বেশী খেয়েছিল বুঝি ।

কাব্লেস্। না, সাহজাদা! শত্ৰুজী গ্রেপ্তার। চাঁদ এখন তোমার পিতার শিবিরে। হাতে—

এই বলিয়া বন্ধনের অবস্থা দেখাইল

আকবর। সে কি?—অসম্ভব!

কাব্লেস্। অসম্ভব টব নয়, সাহজাদা! একেবারে ঠিক।—এখন আপনার নিজের পথ দেখুন।

আকবর। এ কি সত্য কথা, কাব্লেস্?

কাব্লেস্। ( ঘাড় নাড়িয়া ) ভারি সত্য, সাহজাদা! মিথ্যা কথা কাব্লেস্ খাঁ কদাচিত্ কয়। শত্ৰুজী একেবারে গ্রেপ্তার। এখন আপনি কি ক'র্সেন ঠিক ক'রেছেন? আপনার মুখ যে কালীবর্ণ হ'য়ে গেল!

আকবর নীরব রহিলেন

কাব্লেস্। শুনুন, সাহজাদা! আমার পরামর্শ যদি শুনতে চান— আপনি আমার সঙ্গে সঙ্গে সত্ৰাটের কাছে আসুন।

আকবর। ( শ্বান হাসি হাসিয়া ) সত্ৰাটের কাছে? তার চেয়ে ব্যাডের বিবরে যেতে রাজি আছি।

কাব্লেস্। আমি ব'লছি, সাহজাদা—আপনি আমার সঙ্গে চলুন বাদসাহের কাছে। কোন ভয় নাই। তিনি আপনাকে কিছু ব'লবেন না। বরং কাবাব খেতে দেবেন। আমি জামিন হ'ছি।

আকবর। পিতার কাছে?

কাব্লেস্। হাঁ, আকবর! পিতার কাছে! পিতার কাছে!—কি বলেন?

এই সময়ে দুর্গাদাস প্রবেশ করিয়া কাব্লেস্ খাঁকে কহিলেন—

দুর্গাদাস। বিশ্বাসঘাতক! তোমার ষড়যন্ত্র-জালে নিরীহ আকবরকেও জড়াতে চাও?

আকবর। এ কি! এ যে দুর্গাদাস!

কাব্লেস্। তাই ত! এ যে—

কম্পিত

দুর্গাদাস। কাব্লেস্! তোমার অভিলাষ পূর্ণ হয় নি। আমি জীবিতাবস্থায় ফিরে এসেছি। আমায় শত্রু করে ধরিয়ে নিয়েছিলে, বায় আসে না। আমি তোমার কেউ নই। কিন্তু শেষে তুমি তোমার আপন প্রভু শত্ৰুজীকেও ধরিয়ে দিয়েছো!—কৃতঘ্ন! নরপিশাচ!

কাব্লেস্। না মশায়—আমি না—মহারাজ—

দুর্গাদাস। তুমি নও? কাব্লেস্! মহারাজ শত্ৰুজী তোমার পরামর্শে এক নবোঢ়া ব্রাহ্মণ বালিকাকে হরণ কর্তে দুর্গেব বাহির হ'য়ে-ছিলেন কি না?—সত্য বল; মিথ্যা বললে নিস্তার নাই।

কাব্লেস্। ( কাঁপিতে কাঁপিতে ) এজ্ঞে।

দুর্গাদাস। আর তুমি আগেই সে সংবাদ কুমার আজীমকে দিয়েছিলে কি না? তার পরে কুমার আজীম ৫০০ মোগল সেনানী নিয়ে এসে মহাবাজকে বন্দী কবেন।—কেমন? ঠিক কি না?

কাব্লেস্। এজ্ঞে!

পলায়নোত্তত

দুর্গাদাস। ভাগো মাৎ।

এই বলিয়া দুর্গাদাস কাব্লেস্ খাঁর গলা টিপিয়া ধরিয়া কহিলেন—

কাব্লেস্ খাঁ! আল্লার নাম করো।

কাব্লেস্। মাফ্ করো খোদাবন্দ—আমি আপনার কুত্তা।

এই বলিয়া সেই ভয়বিহ্বল কম্পিতকলেবরে কাব্লেস্ খাঁ দুর্গাদাসের চরণ ধরিল।

দুর্গাদাস। যাও, তোমায় বধ কর্বে না। আমার হাত তোমার হত্যায় কলঙ্কিত কর্বে না। তুমি শত্ৰুজীর পরকাল খেয়ে শেষে তার ইহকালও খেলে। নরকেও তোমার স্থান নাই—যাও।

বলিয়া পদাঘাত করিয়া কাব্লেস্ খাঁকে দূর করিয়া দিলেন। কাব্লেস্

চলিয়া গেলে দুর্গাদাস আকবরকে কহিলেন—

সাহজাদা! একদিন আমি শত্ৰুজীকে বলেছিলাম যে, এই স্ত্রী আর এই নারীই তোমার সর্বনাশ কর্বে। আর সে সর্বনাশ সাধন কর্বে

এই কাব্লেস্ থাঁ।—অবিকল তাই হ'ল!—সুবরাজ! এই দৃষ্টান্ত হ'তে শিক্ষা লন। পূর্বেও অনেক বার ব'লোছি, আজ আবার ব'লছি—দিন থাকতে সুরা আর নারী পরিত্যাগ করুন! বড় ভয়ঙ্কর নেশা এই দুই।

আকবর। বড় অধিক বিলম্ব, দুর্গাদাস! বড় অধিক বিলম্ব!

দুর্গাদাস। কিছুই বড় অধিক বিলম্ব নয়, কুমার! কেবল প্রবৃত্তি যত অধিক দিন আসন দখল করে' থাকে ততই তা'কে তাড়ানো দুষ্কর হয়। আপনি উচ্চবংশজাত, উচ্চশিক্ষিত উচ্চহৃদয় ব্যক্তি; আপনি চেষ্টা কর'লে কি এ পাপ ঝেড়ে ফেলে দিতে পারেন না?

আকবর স্বণেক নিমন্ত্রণ থাকিয়া পরে ধীরে ধীরে কহিলেন

আকবর। দুর্গাদাস! তুমি ঠিক বলে'ছো। আমি এ নেশা পরিত্যাগ কর'ব। শুধু এই নেশা নয়। সংসারের নেশা পরিত্যাগ কর'ব। সব পরিত্যাগ কর'ব।

দুর্গাদাস। সে কি, সাহজাদা?

আকবর। হাঁ, বীর! সব পরিত্যাগ কর'ব। জীবনে ঘৃণা হ'য়ে গেছে। পরের গলগ্রহ হ'য়ে বেড়াচ্ছি, তবু বিলাসে মজ্জিত হ'য়ে আছি। এ কি সাধারণ মানসিক দুর্বলতা! সেটা আজ যেমন অসম্ভব ক'চ্ছি, তেমন আর কখন অসম্ভব করি নাই।

বলিয়া মন্তক নত করিলেন

দুর্গাদাস। শুনুন, সাহজাদা! আমার সঙ্গে মাড়বারে চলুন—আমি জীবিত থাকতে আপনার কোন ভয় নাই।—চলুন।

আকবর। না, দুর্গাদাস, আমি মাড়বারে যাবো না। আমি মক্কা যাবো। অনেক দিন তোমাদের গলগ্রহ হ'য়েছি। তোমায় অনেক ক্লেশ দিয়েছি। ক্ষমা করো। আমাকে রক্ষা কর'তে তুমি স্বদেশ, স্বজন ছেড়েছো। আমার জন্ত তুমি লাতা হারিয়েছো, নিজে ম'র্তে ব'সেছিলে।

দুর্গাদাস। সে আমার ধর্ম, কুমার! কর্তব্য মাত্র!

আকবর। কর্তব্য ! আমি মক্কায গিয়ে ঐ রকম কর্তব্য পালন কর্তে শিখবো। অনেক পাপ করে'ছি ; সর্বকাৰ্য্যে অবহেলা করে'ছি ; বিলাসে মজ্জিত হ'য়ে কালক্ষেপ করে'ছি ; পিতার বিদ্রোহী হ'য়েছি ; দ্রোহী হ'য়েছি ; নিজের জন্ত জেনে শুনে তোমার সর্বনাশ করে'ছি, শেষে শত্ৰুজীর মৃত্যুর কারণ হ'লাম। যাই, দুর্গাদাস ! আমার জন্ত এত করে'ছো, আব একটা কাজ কর। তুমি দেশে ফিরে যাও—আমার রাজিযাকে দেখো ! তাকে দেখো, দুর্গাদাস ! তোমার হাতে তাকে সঁপে দিয়ে গেলাম।—তবে যাই, বিদায় দাও।

বলিয়া আকবর দুর্গাদাসের কর ধারণ করিলেন।

পটক্ষেপণ

## দ্বিতীয় দৃশ্য

স্থান—জয়সমুদ্রের ত্রদতীরে প্রাসাদ। কাল—মাগাহ। জয়সিংহ ও কমলা প্রাসাদের বারান্দায় দাঁড়াইয়া কথা কহিতেছিলেন।

জয়সিংহ। কমলা, তুমি বিক্রপ হ'যো না। তোমার জন্ত আমি দেশ ছেড়েছি, রাজ্য ছেড়েছি, পুত্র ছেড়েছি !

কমলা। কে ছাড়তে বলে'ছিল ?

জয়। তুমি।

কমলা। কোন জন্মেও নয়। আমি বলে'ছিলাম মাত্র যে, বড়রাণী আর ছোটরাণীর মধ্যে যাকৈ চাও, একজনকে বেছে নাও ; একত্রে দু'জনকে পাবে না।

জয়। আমি তোমাকে নিইছি। বড়রাণীকে ছেড়েছি।

কমলা। কিন্তু রাজ্য ছাড়তে আমি বলি নি। রাজ্য বড়রাণীর ছেলে অমরসিংহের হাতে সঁপে দিয়ে আসতে বলি নি। আমার পুত্র কি কেউ নয় ?

জয় । ও ! এই নিষে তোমার সঙ্গে বড়রাণীর ঝগড়া ! তা' এত দিন মুখ ফুটে বল নি কেন, কমলা ? বড়রাণী পুত্রের অমঙ্গল আশঙ্কায়, কলহের কারণ সেদিন প্রকাশ করে নি । এখন বুঝতে পারছি । —কমলা ! বাধ্য অবসিংহের ! কিন্তু আমি তোমার । অমরসিংহ জ্যেষ্ঠপুত্র । শাস্ত্র-অনুসারে জ্যেষ্ঠপুত্র রাজ্যের অধিকারী ।

কমলা । আমার চেয়ে তবে তোমার শাস্ত্র বড় ?

জয় । কমলা ! একদিন আমাব কাছে সব শাস্ত্রের চেয়ে তুমি বড় ছিলে ।

কমলা । তবে ? তোমাব কি ইচ্ছা যে, তোমার মৃত্যুব পরে আমি অম্বের জন্ত বড়রাণীর দ্বারে ভিখারী হব ?

জয়সিংহ স্তম্ভিত হইয়া কণেক নীরব রহিলেন , পরে ধীরে ধীরে কহিলেন—

জয় । এত ভবিষ্যৎ চিন্তা তোমার আছে, কমলা ? আমি ত তা' কখন ভাবি নি—তবে তোমার চিন্তা তোমাব পুত্রের জন্ত নয় ; নিজের জন্ত ?

কমলা । নিজের জন্ত চিন্তা কি এতই গর্হিত হ'ল, রাণা ! কে চিন্তা করে না, মহারাজ—

জয় । কৈ ! আমি ত কখন করি নি রাণি ! আমি রাণা রাজসিংহের পুত্র । আমি মনে ক'লে কি না হ'তে পার্শ্বাম ? যশ, মান, অর্থ, প্রভূষ, বিলাস পরিত্যাগ করে—জাতির ধিক্কার নিয়ে আমি তোমার জন্ত বনবাসী হ'য়েছি । ভবিষ্যৎ ত দূরের কথা, আমি তোমার জন্ত বর্তমান ছেড়েছি ।

কমলা । আমার জন্ত ছেড়েছো ? না আমার রূপের জন্ত ? তুমি আমায় বিয়ে ক'রেছিলে আমাব জন্ত নয়, আমার রূপের জন্ত । আমি তোমায় বিয়ে ক'রেছিলাম তোমার জন্ত নয়, তোমার রাজ্যের জন্ত ।

জয় । আমার রাজ্যের জন্ত ? এ কি শুনছি ঠিক ? এতদিন কি তবে স্বপ্ন দেখেছিলাম ! আমি যে ভেবেছিলাম তোমার হৃদয় পেয়েছি । আমি

ভেবেছিলাম যে, তোমার এই রূপ-বৈভব তুমি স্বেচ্ছায় আমায় দান ক'রেছো। তোমার সেই দানের মোহেতে মুগ্ধ হ'য়েছিলাম। কমলা! আমার বড় সুখস্বপ্ন ভেঙে দিলে! কমলা! কমলা! জানো না তুমি আমার কি সর্বনাশ ক'লে!

কমলা। আমি তোমার সর্বনাশ কর'লাম, না তুমি আমার সর্বনাশ ক'লে?

জয়। রাগি! তোমার রূপের জন্ত তোমায় ভালোবাসি? কৈ সে রূপ? আর ত দেখতে পাচ্ছি না। কোথা থেকে এক জ্যোতি এসে তোমার মুখে প'ড়েছিল; চলে' গেল! এখন তোমার মুখে সে রূপের কঙ্কাল মাত্র দেখছি। নারী!—রূপ কতক ঈশ্বর দেন, আর কতক রমণী নিজে সৃষ্টি করে। নারীর উজ্জ্বল হৃদয়ের প্রতিভা তা'র মুখে এসে পড়ে' এক নূতন রাজ্য রচনা করে; বাইরের রূপ তা'র কাছে কিছুই না। না রাগি! শুধু তোমার রূপের জন্ত তোমায় ভালোবাসি নাই, তোমার জন্তই ভালোবেসেছিলাম।

কমলা। মিথ্যা কথা।

জয়। রূপ? সংসারে কি রূপের অভাব আছে, নারী? যেখানে অন্ধকার জ্যোৎস্নার ঐন্দ্রজালিক খেলা শস্তক্ষেত্রের তরঙ্গায়িত শ্রামল বৈভব, আকাশের অবাধ নীল প্রসার যেখানে যেদিকে চাই সেই দিকে সৌন্দর্য্য, স্নগন্ধ, সঙ্গীত; যেখানে আকাশের হৃদয় ফেটে সৌন্দর্য্যের রুষ্টি-ধারা দিবারাত্রি ঝরে' প'ড়ছে, পৃথিবী ফুঁড়ে পুষ্পে ঝঙ্কারে সৌরভে সৌন্দর্য্যের উৎস উঠছে; সে বিশ্বসংসারে রূপের জন্ত তোমার কাছে গিয়েছিলাম? কৈ তোমার সে রূপ, কমলা? কোথা থেকে এসেছিল? কোথায় চলে গেল?

কমলা। এখন তোমার অভিপ্রায় কি?

জয়। অভিপ্রায়! জানি না। মোহ ভেঙ্গে গিয়েছে। কিন্তু বড়



অকস্মাৎ—সময় দাও ।—রূপ—রূপ ! বাইরের রূপ । হৃদয়হীন  
নাবীর রূপ—

এই সময়ে দৌবারিক প্রবেশ করিয়া অভিবাদন করিয়া কহিল—

দৌবারিক । মহারাজা । রাজমন্ত্রী সাক্ষাৎ চান ।

জয় । রাজমন্ত্রী ।—এখানে !—যাও, এইখানেই নিয়ে এসো ।

দৌবারিক চলিয়া গেল

জয়সিংহ । কিন্তু এতদিন, কমলা—কি বকম করে, কি উপায়ে  
তোমার কদর্য চিত্তকে সুন্দর আবরণে ঢেকে বেখেছিলে ? ঘৃণাক্ষরেও  
জাগ্রে পারি নি যে, তুমি এত কুৎসিত । যাও কমলা ভিতরে যাও,  
তোমার প্রতি আমার ক্রোধ নাই । তুমি বড় আশায় নিবাশ হ'য়েছো,  
আমিও বড় আশায় নিরাশ হ'য়েছি । ভিতরে যাও ।

কমলা যাইতে যাইতে ভাবিলেন—“বুঝি যা' ছিল তাও হারানাম ।”  
—বলিয়া চলিয়া গেলেন ।

জয় । এবই জন্ত সব ছেড়েছি । লক্ষ্মীকুপীণী সবস্বতীকে ছেড়ে'  
এসেছি ! সরস্বতী ! এখন বোধ হয় তোমা'য় কিছু কিছু চিন্তে পাচ্ছি ।  
সেদিন সত্য বলে'ছিলে—‘এ প্রেম নয়, এ গোঁহ একদিন ভেঙ্গে যাবে ।’  
সরস্বতি ! তুমি সব সময়েই সত্য কথা বলে'ছিলে ; কিন্তু এই সত্য সব  
চেখে সত্য !

এই সময়ে মন্ত্রী প্রবেশ করিলেন

জয় । কি মন্ত্রী ! বাজ্যের সংবাদ কি ?

মন্ত্রী । মহারাজা ! আমি ইস্তফা দিতে এসেছি ।

জয় । সে কি ! কি হ'য়েছে মন্ত্রী ?

মন্ত্রী । কি হ'য়েছে ! রাণার পুত্র আমার যথেষ্ট অবমাননা  
ক'রেছেন । আমি রাজসংসারে চাকরি' করে' বুড়ো হ'য়ে গোলাম । কিন্তু  
এমন অপমান আমার কখন হয় নি ।

জয় । কি অপমান ক'বেছ ?

মন্ত্রী । কুমার অমরসিংহ এক উল্লাস হস্তী খুলে সহবে ছেড়ে দেন । না'তে কয়েক পুর্ববাসী প্রাণনাশ হয় । আমি তা'তে তাঁ'কে তিরস্কার ববায়, তিনি আমার মাথা মড়িয়ে, গাধার পিঠে চড়িয়ে সহর প্রদক্ষিণ করিয়ে এনেছেন

জয় । এতদূর ! অমর শানে যে, আমি তোমায় তার অভিভাবক কবে' রেখে এসেছি ?

মন্ত্রী । তাঁর যে পিতৃভক্তি বিশেষ আছে, তা' কোন কাজেই প্রকাশ পায় না ।

জয় । চল । গাল আমি বাজ্য ফিরে যাবো । এ বিষয়ে যথাবিহিত ক'বা যাবে । এখন গৃহ চল ।—নারী । নাবী । এতখানি ভাগ ক'তে পাবো ?—হাঁ, এখন বুঝ'তে পাচ্ছি ।

এত ব' কথা নিষ্ক্রান্ত হইলেন

## তৃতীয় দৃশ্য

স্থান—কোয়েলার দুর্গশিখর । কাল—সোণাল রাত্রি । অজিত ও রাজিয়া একটি বেদীর উপর বসিয়াছিলেন ।

রাজিয়া । কি সুন্দর চাঁদ উঠ'ছে, দেখ অজিত ! ঐ যে দেখ'ছো পূর্বদিকে একখানা কালো মেঘের উপর দিঘে উঠ'ছে । মেঘের উপরটাব ধারে ধারে কে যেন তরল স্বর্ণরেখা বুলিয়ে দিঘে গিযেছে । মেঘখানার নীচে সব গাঢ় কালো । চাঁদের সিকি ভাগ মেঘের উপরে দেখা যাচ্ছে । কি স্নিগ্ধ কি শান্ত, কি স্থিৰ । কি সুন্দর দেখ'ছো অজিত !

অজিত । না, আমি কেবল তোমাকে দেখ'ছি ।

রাজিয়া। তা' হ'লে অত্যন্ত ভুল ক'র্ছ। এ পৃথিবীতে চারিদিকে এত দেখ'বার জিনিস রয়েছে, তা' ছেড়ে আমাকে দেখ'ছো ? কিন্তু সুন্দর এই পৃথিবী ! আমার মনে হয় যে, এই পৃথিবীটা একটা অশ্রান্ত অনন্ত অব্যাহত সঙ্গীত। এই নীলিমা তার অন্তলোম, এই শ্রামলতা তার বিলোম। আলোক তার গ্রহ, অন্ধকার তার সম, পর্বতে পর্বতে তাব ত্রাস, তরঙ্গে তরঙ্গে তার মূর্ছনা ! কি সুন্দর এই পৃথিবী, অজিত !

অজিত। আমি সব চেয়ে তোমার মুখই সুন্দর দেখি।

রাজিয়া। সব চেয়ে আমার মুখ তুমি সুন্দর দেখ ? অপরিচ্ছিন্ন গোলাপের ব্রীড়া-রক্তিম চাহনির চেয়ে সুন্দর ? বেলাবিলীন লহরীলীলার চেয়ে সুন্দর ? ঐ কৃষ্ণমেঘান্তরিত শরচ্ছন্দ্রের চেয়ে সুন্দর ?—অজিত ! তুমি অত্যন্ত বালক।

অজিত। আমি আর বালক নই বলে'ই তোমার মুখ সব চেয়ে সুন্দর দেখি। বুঝি এখন, রাজিয়া, জগতের শ্রেষ্ঠ সার সৌন্দর্য্য নারী। আর নারীর শ্রেষ্ঠ সৌন্দর্য্য তুমি।

রাজিয়া। আমি ! আমি তা' বিশ্বাস করি না।

অজিত। রাজিয়া ! বিশ্বাস কর না, কারণ, রাজিয়া ! তুমি আমায় ভালোবাসো না।

রাজিয়া। ভালোবাসি না ? জানি না ভালোবাসা কাকে বলে, অজিত ! তবে যা'কে ভালোবাসা যায়, তাকে যদি সর্ব্বদাই দেখ'তে ইচ্ছা করে ; যদি তা'কে দেখ'লে, তা'র স্বর শুন্লে, হৃদয়ের তন্ত্রী বেজে ওঠে ; তবে আমি তোমাকে ভালোবাসি !

অজিত। বাসো, রাজিয়া ? সত্য কথা ?

রাজিয়া। মিথ্যা কথা বলতে ত শিখি নি।

অজিত। প্রাণাধিকে ! হস্ত ধরিলেন

রাজিয়া। প্রিয়তম ! বলিয়া গাহিলেন—

এসো এসো বঁধু বঁধি বাহ ডোরে, এসো বৃকে করে' রাখি ।

বৃকে ধরে' মোর আধ দুমনোরে হুখে স্তোর হ'য়ে থাকি ॥

মুছে যাক্ চক্ষে এ নিগিল সব, প্রাণে প্রাণে আজ করি অনুভব,

মিলিত হৃদির মুদ্রগীতিরব—আধ নিমীলিত আঁখি ।

বহক বাহিরে পবন বেগে, ককক গর্জন অশনি মেঘে,

রবি শশী তারা হয়ে যাক্ হারা, আধারে কেপুক ঢাকি ;

আমি তোমার বঁধু, তুমি আমার বঁধু. এই শুধু নিয়ে থাকি ।

বিধ হ'তে সব পুণ্ড হয়ে যাক্—আর যা' রহিল বাকি ।

গাহিতে গাহিতে রাজিয়া অজিতের বাহবিলীন হইলেন ঠিক এই সময়ে

মুকুন্দদাস প্রবেশ করিলেন

মুকুন্দ । মহারাজ !—বলিয়াই অজিতকে রাজিয়ার বাজলগ্ন দেখিয়া  
পশ্চাদগমন করিতেছিলেন । অজিত তাঁহাকে বাইতে দেখিয়া ডাকিলেন—

অজিত । কি মুকুন্দদাস ? বিশেষ কোন সংবাদ আছে ?

মুকুন্দ । হাঁ, মহারাজ ! সেনাপতি দুর্গাদাস দাক্ষণাত্য হ'তে ফিরে'  
এসেছেন ।

অজিত । কে ? দুর্গাদাস ফিরে' এসেছেন ? কোথায় তিনি ?

মুকুন্দ । বাইরে ।

অজিত । চল !—না, তাঁকে এখানেই নিয়ে এসো ।

মুকুন্দ । যে আজ্ঞা ।

প্রহান

অজিত । যাও, রাজিয়া, এখন নিজের কক্ষে যাও !

রাজিয়া চলিয়া গেল

অজিত । দুর্গাদাস ফিরে' এসেছেন ! আমার রক্ষক, দেশের ভরসা  
দুর্গাদাস ফিরে' এসেছেন ; এতে একটা উল্লাস না এসে মনে এক খট্কা  
লাগছে কেন ? এ কি চিন্তা, যাতে আমার চিরসঞ্চিত ভক্তি স্নেহ  
কৃতজ্ঞতাকে আবিল করে' দিচ্ছে ! না, এ অত্যন্ত অসুচিত ! না, এ  
প্রবৃত্তিকে মন থেকে দূর ক'র্ব্ব ।

রাজপুত্রসামন্তদ্বয়, মুকুন্দদাস ও শিবসিংহ সমভিব্যাহারে দুর্গাদাস প্রবেশ করিলেন

দুর্গাদাস । মহারাজ ! ভূত্য ঘিরে' এসেছে । বহুদিনের সঞ্চিত আশা আমার—কুমারকে মহারাজ সম্বোধন ক'র্ত্তে কণ্ঠ আনন্দে রুদ্ধ হ'য়ে আসছে । মহারাজ, অভিবাদন করি ।—বলিয়া তাঁহার পদচুশন করিলেন ।

অজিত । ভক্ত-বন্ধু ! আমাব প্রিয়তম সেনাপতি ! কুশল ত ?

দুর্গাদাস । হাঁ, আপাতকুশল । মহারাজ ! তবে আপনি নিজেই সামন্তদেব দেখা দিয়েছেন ?

অজিত । হাঁ, আমি নিজেই সামন্তদের দেখা দিয়েছি ।

মুকুন্দ । প্রভু ! আমি বহুদিন ধবে' তাতে সম্মত হই নি ; ব'ল্লাম 'প্রভুর বিনা-অনুমতি তা' হবে না ।' কিন্তু সামন্তরা ছাড়্লে না, ব'ল্লেন 'মহাবাজকে দেখ'বো । কোন কথা শুনবো না ।'

দুর্গাদাস । তা' উত্তম হ'য়েছে—তা'রা মহারাজের যথোচিত অভ্যর্থনা করে'ছে ?

মুকুন্দ । অভ্যর্থনা ! সে কি অভ্যর্থনা ! চৈত্র সংক্রান্তিতে মহারাজ তাঁর সামন্তদের দেখা দিলেন । সেখানে দুর্জয়শাল, উদয়সিংহ, তেজসিংহ, বিজয়পাল, জগৎসিংহ, কেশরী—আরো বহু সামন্ত উপস্থিত ছিলেন ! তাঁরা মহারাজকে ঘিরে জয়ধ্বনি ক'র্ত্তে লাগলেন । গৃহে গৃহে শঙ্খধ্বনি, উল্লাস-চীৎকার ।—প্রভু ! সে এক অপূর্ব দৃশ্য !

দুর্গাদাস । উত্তম । এ দিকে যুদ্ধের সংবাদ কি, শিবসিং ?

শিব । ঔরঙ্গজীব মহম্মদ সাহাকে যশোবন্তসিংহের এক পুত্র বলে' যোধপুরের রাজা নামে খাড়া করে'ছিলেন । তার আপনিই মৃত্যু হয় । যোদ্ধা হরনাথ সূজায়েৎ খাঁকে কচ পর্য্যন্ত তাড়িয়ে নিয়ে গিয়েছে । মহারাজ স্বয়ং আজমীরে গিয়ে সেফি খাঁকে পরাস্ত করে'ছেন ।

মুকুন্দ । সব শুভ । সব শুভ, সেনাপতি । তবে সমরসিংহের যে শোচনীয় মৃত্যু হ'য়েছে, তা'তে সমস্ত জয় উৎসবগীন হ'য়েছে ।

অজিত । সেনাপতি । জয়সিংহের পুত্র অমরসিংহ তা'র পিতার বিপক্ষে বিদ্রোহ কবে'ছে । জয়সিংহ মাড়বারেব সাহায্য প্রার্থনা কবে'ছেন । সেনাপতি ! তুমি সসৈন্তে জয়সিংহের সাহায্যে যাও ।

দুর্গাদাস । যে আজ্ঞা, মহারাজ । কালই প্রত্যুষে যাবো ।—কাশিম কোথাষ ?

শিব । সে পীড়িত । নইলে সকলের আগে সে এসে প্রভুর পদ বন্দনা কর্ত্ত ।

দুর্গাদাস । পীড়িত ! কি পীড়া ? কোথাষ সে ?

শিব । ভিতবে বরে শুয়ে । বিণেষ কিছু নয । অর, সামান্য অর ।

দুর্গাদাস । চল—তা'কে দেখে আদি—

এই বলিয়া সকল বাহির হইয়া গেলেন

## চতুর্থ দৃশ্য

স্থান—দক্ষিণাত্যে মোগলশিবির । কাল—প্রভাত । ঔরংজীব ও দিলীর খাঁ দাঁড়াইয়া কথোপকথন করিতেছিলেন ।

ঔরংজীব । দিলীর খাঁ । আকবর তা' হ'লে পারস্ত দেশে চলে' গিয়েছে ।

দিলীর । হাঁ, জাঁহাপনা ! একথানা ইংরাজ জাহাজ করে' ধোঁয়া উড়িয়ে সেই দিকে চলে' গেলেন ! সেখান থেকে—শুস্তে পেলাম—তিনি মক্কায যাবেন ।

ওরংজীব। (দীর্ঘনিশ্বাস ফেলিয়া) তার শিক্ষাব জন্ত এত ব্যয়, যত্ন, শ্রম, সব নিষ্ফল হ'ল।

দিলীব। না, জনাব! সে শিক্ষাব যা কিছু ফল আজ দেখা গেল। শিক্ষা না হ'লে অন্ততাপ হোত না।

ওরংজীব। দিলীব খাঁ! আমিও মক্কায যাবো। আমার জীবনের কাজ শেষ হয়েছে। একটা মাত্র বাকি আছে। বাজিয়ার উদ্ধাব সাধন করা। তুমি যদি দুর্গাদাসকে যুক্ত ববে' না দিতে, হয়ত বা যাবাব আগে সে কার্য উদ্ধার ক'র্তে পার্তাম।

দিলীব। দুর্গাদাসকে ভয় দেখিয়ে?—না, সম্রাট—তা' হোত না। ভয় কা'কে বলে, তা' সে বৌব জানে না। সে রাত্রিকাল কামবন্ধ যখন দুর্গাদাসের মাথাব উপব তরবাবি উঠিষেছিল, তখন দুর্গাদাস যে কি বুক ফুলিয়ে দাঁড়িষেছিল জনাব।—সে দৃশ্য ভুলবে না। হঠাৎ তাব মাথা যেন শৈলশিখবেব মত মোজা হ'ল। তা'ব বক্ষ আকাশেব ত্রায প্রশস্ত হ'ল। তা'কে এত উচ্চ, এত আয়তবক্ষ আর কখনো দেখি নি জনাব!

ওবংলীব। হাঁ, দিলীব! দুর্গাদাস মহৎ। সে বিষয়ে সন্দেহ নাই; কিন্তু—

দিলীব। জাঁতাপনা। দেখ'ছি যে, কৰ্তব্যের জন্ত রাজপুত জাত শুদ্ধ ম'র্তে ভয় পায না, তা' নয, তা'তে যেন সে একটা গৰ্ব্ব অনুভব কার। আব সেই বাড়পুত জাতির মধ্যে সেরা রাজপুত দুর্গাদাস।

ওরংজীব। স্বীকাব করি, দিলীব খাঁ!—তবে বাজিযাকে পুনঃ প্রাপ্তিব আশা দুবাশা?

দিলীর। দুরাশা নয। আমি সে কাজ উদ্ধাব করে' দিতে পারি, জনাব—যদি আমার সম্রাট এ বিষয়ে অবাধ অধিকার দেন।

ঔরংজীব। কি উপায়ে ?

দিলার। জাঁহাপনা! আমি জানি, এই রাজপুত জাতকে, বিশেষ এই হুর্গাদাসকে, কি রকম করে' চালাতে হয়। তা'র আত্মমর্যাদার উপর নির্ভর করুন, সে পুষ্পের মত কোমল। তা'কে ভয় দেখাতে চান, সে লৌহবৎ দৃঢ়।

ঔরংজীব। উত্তম। তোমার ওপর অবাধ ভার দিলাম। আমার মাথার ঠিক নেই। আমি বুদ্ধিব দোষে মোজামকে শত্রু করে'ছি, আজীমকে লোভী করে'ছি, আকবরকে বিদ্রোহী করে'ছি, কামবক্সকে পিশাচ তৈয়ের করে'ছি! অথচ বুদ্ধির দোষ যে কোন্‌খানে, সেইটে বুঝতে পাবি না।

দিলীর। ঐ ত, জনাব! বুদ্ধিব দোষ কোন্‌খানে তাই যদি বোঝা গেল তা' হ'লে ত বুদ্ধিব দোষ কেটেই গেল।

এই সময়ে কাব্‌লেস্‌ থা প্রবেশ করিয়া অভিযান করিল

ঔরংজীব। কি কাব্‌লেস্‌ থা ?

কাব্‌লেস্‌। আজ্ঞে! শত্ৰুজীকে গাধার পিঠে চড়িয়ে সহর ঘুরিয়ে নিয়ে আসা হ'য়েছে। কাফেব চৌচিয়ে ব'লতে ব'লতে এসেছে 'আমায় কেউ বধ কর।' কেউ সাহস করে নি।—তা'কে এখন এখানে নিয়ে আস্‌বো, খোদাবন্দ ?

ঔরংজীব। নিয়ে এসো।

কাব্‌লেস্‌। আমার ইনামটা, খোদাবন্দ !

ঔরংজীব। দেব, কাব্‌লেস্‌! দেব, প্রচুর পুরস্কার দেব।

কাব্‌লেস্‌ সেলাম করিতে করিতে প্রস্থান করিল

ঔরংজীব। দিলীর থা! জীবনে আর আমার স্পৃহা নাই! আমার উত্তম গিয়েছে। আমার মেরুদণ্ড ভেঙ্গে গিয়েছে।—(পরে ক্ষণেক নিস্তব্ধ থাকিয়া) যা কখন ভাবি নি সম্ভব—আমার সম্রাজ্ঞী, ভারতের



অধিব্রতী—তা'কে কি না দিয়েছিলাম? দিলীর! এ কখন ভাবি নি—অপ্নেও ভাবি নি।

দিলীর। জাঁহাপনা! আমি বরাবর দেখে এসেছি যে যেটা কখন ভাবা না যায়, সবার আগে সেইটেই ঘটে।

পিঞ্জরাবদ্ধ শম্ভুজীকে লহয়া, আজীম, কাব্লেস্ ও প্রহরীরা প্রবেশ করিল

ওরংজীব। এই যে মারাঠা বীর! কেমন মহারাজ! কোরাণের আর কুৎসা ক'র্কে? মস্জিদ অপবিত্র ক'র্কে? মোল্লার অপমান ক'র্কে? কি? কথা নেই যে?

কাব্লেস্। ছজুর! ও উত্তর দেবে কেমন করে? কোরাণের নিন্দে করার দরুণ ওর জিভ কেটে দিয়েছি।

ওরংজীব। মারাঠা বীর! এখনো বল, কোরাণ গ্রহণ ক'র্কে? এখনও যদি বল, তোমার জীবনদান করি।

শম্ভুজী ওরংজীবের উদ্দেশে পিঞ্জরের গরাদেতে পদাঘাত করিলেন

কাব্লেস্। এই ভাংলো বুঝি! জাঁহাপনা—একে জলদি বধ করুন। একে বধ করুন নইলে—

ওরংজীব। যাও, এক্ষণি এর ছিন্ন মুণ্ড আমার সম্মুখে নিয়ে এসো।

শম্ভুজীকে লহয়া আজীম, কাব্লেস্ ও প্রহরীগণ প্রস্থান করিল

ওরংজীব। দিলীর থা! কথা ক'চ্ছ না যে?

দিলীর। এর পরে আমার আর কিছু কইবার নাট, বীরের প্রতি বীরের এই যোগ্য ব্যবহারই বটে!

ওরংজীব। যদি শম্ভুজী কোরাণ গ্রহণ ক'র্ত্ত আমি তা'কে ক্ষমা ক'র্ত্তাম।

দিলীর। যদি শম্ভুজী এই সময়ে মৃত্যুভয়ে কোরাণ গ্রহণ ক'র্ত্তেন, আমি তাঁকে ঘৃণা ক'র্ত্তাম।—জনাব! আপনি কি ইচ্ছা করেন যে, কেউ তার বিবেকের বিরুদ্ধে ইসলাম ধর্ম গ্রহণ করে?

ঔরংজীব। দিল্লীর খাঁ, এই ইসলাম ধর্ম প্রচাৰেব জন্তই এই রাজ্যভার নিষেছি। এরই জন্ত পিতাকে কারাগারে বদ্ধ কবে'ছি, ভ্রাতাকে হত্যা করে'ছি। জানেন!

দিল্লীর। জানি, সম্রাট! আপনি সরল ধার্মিক মুসলমান বলে' এখনো আমি আপনাব পাশে দাঁড়িয়ে আছি। আপনাকে কপট বিবেচনা ক'লে'বহুদিন পূর্বে বান্দা বিদায় নিত। কিন্তু সম্রাট! বাহুবলে কি ধর্মপ্রচাৰ হয়? তরবারির অগ্রভাগে বিশ্বাস স্থাপিত হয়? পদাঘাতে বাজভক্তি তৈয়ের হয়? মহারাজাধিরাজ! এখনো বলি, শেষবার বলি—ফিকন। এখনো হিন্দুবিদ্বেষ পরিত্যাগ ককন। হিন্দু মুসলমান এক হোক; মন্দিবে মসজিদে স্বাধীনভাবে আল্লার ও ব্রহ্মার নাম নিনাদিত হোক; এক সঙ্গে দামামা শঙ্খধ্বনি উঠুক। হিন্দু মুসলমান একবার জাতিদেহ ভুলে, পবম্পরকে ভাই বলে' আলিঙ্গন করুক, দেখি সম্রাট! সেদিন হিমালয় হ'তে কুমারিকা পর্য্যন্ত এমন এক সাম্রাজ্য স্থাপিত হবে, যা' সংসাবে কেহ কখন দেখে নাই।

ঔরংজীব। হিন্দু মুসলমান এক হবে, দিল্লীর খাঁ?

দিল্লীর। কেন হবে না সম্রাট? তা'রা এতদিন একই আকাশের নীচে, একই বাতাস সেবন করে', একই জল পান করে', একই ভূমিজাত শস্য খেয়ে আস্ছে। এখনো কি তা'দের প্রাণ এক হয় নি? তা'রা একবার ধর্মভেদ, জাতিভেদ, আচারভেদ, ভুলে, নতজাহ্ন হ'য়ে, করযোড়ে ভক্তিবাস্পগদগদস্বরে এই শ্যামলা সূজলা ভারতভূমিকে একবার প্রাণভরে' মা বলে' ডাকুক দেখি সম্রাট!

ঔরংজীব। দিল্লীর খাঁ! তুমি স্বপ্ন দেখছো।

দিল্লীর। আমায় মাফ ক'রবেন, জাঁহাপনা! আমি স্বপ্নই দেখছিলাম বটে। কিন্তু বড় সুখের স্বপ্ন।—ভেঙ্গে গেল!

ঔরংজীব। (স্বগত) তা, যদি হোত। তা' যদি হোত।—না,

বড় অধিক বিলম্ব। এ বয়সে আর নতুন উদ্দেশ্য নিয়ে—রক্তভূমিতে নামতে পারি না। ( প্রকাশ্যে ) দিলীর খাঁ, আমি বুঝতে পারছি না যে, আমি কি ক’ছি—আমি যন্ত্রবৎ কাজ কবে’ যাচ্ছি। ভাবতে পারছি না—সব আপসা দেখছি। মাথা ঘুরছে। দিলীব! আমি আর সে ঔরংজীব নই—আমি তা’র কঙ্কাল মাত্র।

দিলীর। এখন কিছু দেবী আছে, জনাব। এখনো সে কঙ্কালের উপর মা’সটুকু ঝুলছে; ঝরে’ পড়ে নি। তবে তার বড় বেশী দেবীও নাই।

এই সময়ে কাব্লেস্ শত্ৰুজীর ছিন্ন মুণ্ড এক রৌপ্যপাত্রে আনিয়া সম্রাটের পদতলে রাখিল। সঙ্গে রক্তাক্ত আজীম ও প্রহরিগণ

ঔরংজীব। শত্ৰুজীর মুণ্ড!—যাও, নিয়ে যাও।

দিলীর। দাবার রক্তে যে রাজত্বের আবস্ত হ’য়েছিল, এই বীরেব বক্ষে সেই রাজত্বের শেষ হ’ল।

এই বলিয়া দিলীর খাঁ চলিয়া গেলেন

কাব্লেস্। জাঁহাপনা! আমাব ইনাম?

ঔরংজীব। তোমার পুরস্কাব? এই যে—প্রহরীদিগকে কহিলেন “বাধো।”

কাব্লেস্। যাঁ—আমাকে—

প্রহরীরা কাব্লেস্ খাঁকে বন্ধন করিল

ঔরংজীব। আজীম। একে বাইরে নিয়ে যাও—এর মুণ্ড নিয়ে এসো।—কাব্লেস্ খাঁ। আমরা অনেক সময়ে বিশ্বাসঘাতকের সাহায্য নিতে বাধ্য হই বটে। কিন্তু অন্তরে তাদের ঘৃণা করি—যাও, যেখানে তোমার মুনিব শত্ৰুজী গিয়েছে।

কাব্লেস্। আজ্ঞে, জাঁহাপনা!

ঔরংজীব। যাও।

বলিয়া চলিয়া গেলেন

আজীম । চল্ কুত্তা !

কাব্লেস্ । দোহাই সাহজাদা সাহেব । আমায় মার্কেঁন না । আমি  
আপনার গোলাম হ'বে থাকুবো । আপনাব—

আজীম । চল্ নেমকহাবাম—

বলিয়া যষ্ট প্রহার করিলেন

কাব্লেস্ । মারো, মারো, মারো—জুতা মারো—নাথি মারো—  
তা'র পরে নাথি মে'রে তাড়িয়ে দাও—শুধু একেবারে মে'রে ফেলো না—  
দোহাই ।

### পঞ্চম দৃশ্য

হান—যোধপুরের প্রাসাদ । কাল—রাত্রি । অজিতসিংহ ও গ্রামসিংহ

গ্রাম । মহারাজ বিবাহ করে'ছেন তবে রাণার ভাতুস্পুত্রীকে ?

অজিত । হাঁ, মহারাজ । সেনাপতি দুর্গাদাস সম্প্রতি উদয়পুরে  
গিয়েছিলেন । সেখান থেকে এ বিবাহের প্রস্তাব নিয়ে আসেন । আমি  
তা'তে স্বীকার হই ।

গ্রাম । মহারাজ । এ বড় সৌভাগ্য যে, আজ মেবারের ও  
মাড়বারেব ঘর মিলিত হ'ল । গজসিংহের কন্যাটিও গুর্নছি পরম  
রূপবতী ।

অজিত । কিন্তু কাঠের পুতুল ; নেহাৎ বালিকা ।

গ্রাম । ঐ কাঠের পুতুলই একদিন রক্তমাংসে গড়ে' আসবে । কিছু  
ব'লতে হবে না, মহারাজ ।

অজিত । একটা কথাও কৈতে জানে না ।

গ্রাম । শিখবে ! মহারাজ, শিখবে ! মেয়েমানুষ টিয়াপাখীর

জাত—সীতারাম পড়ান, তা'ও প'ড়বে, আবার রাধাকৃষ্ণ পড়ান, তা'ও পড়বে। মহাবাজ। রাণা শুন্ছি তাঁ'র ছোটরাণীকে ত্যাগ ক'রেছেন। কথা কি সত্য ?

অজিত। হাঁ, মহাবাজ। তিনি তাঁ'কে মাসোযাবা দিচ্ছেন।

এই সময়ে দুর্গাদাস প্রবেশ করিলেন

শ্রাম। কি দুর্গাদাস। সাহজাদা কোথায় ?

দুর্গাদাস। আমি তাঁ'কে সেনাপতি সজ্জায়েৎএব হাতেই দিয়েছি। আপনার হাতে দেওয়ার চেয়ে তা'ব হাতে দেওয়াই শ্রেয় মনে ক'রলাম।

শ্রাম। কি আমাকে কি বিশ্বাস হ'লো না ?

দুর্গাদাস। মহাবাজ। সত্য ব'লতে কি—বিশ্বাস ঠিক হ'লো না। কিন্তু একই কথা ত। তাঁ'কে সম্রাটের সমীপে আপনি নিয়ে গেলেও যা', সজ্জায়েৎ নিয়ে গেলেও তা'।

শ্রাম। হাঁ—না—হাঁ—তা' বেশ ক'রে'ছেন। সাহজাদাকে তাঁর হাতে দেওয়াও যা', আমার হাতে দেওয়াও তা'।

অজিত। সাহজাদী। কোন সাহজাদী ? দুর্গাদাস ?

দুর্গাদাস। আকবর সাহেব কস্তা বাজিয়া উৎ উল্লিস। তাঁর বিনিময়ে আমি মাড়বারপতির জন্ত তিনটি জনপদ বিনা যুদ্ধে লাভ ক'রে'ছি।

অজিত। কি দুর্গাদাস ? তুমি কি ব'লতে চাও, দুর্গাদাস যে, তুমি আমার—তুমি বাজিয়াকে মোগলের হাতে ফিরিয়ে দিয়েছো ?

দুর্গাদাস। হাঁ, মহাবাজ। তা'কে ফিরিয়ে দিয়েছি।

অজিত। ( ক্ষণেক গুরু রহিলেন। পরে কহিলেন ) তাঁ'কে মোগলের হাতে ফিরিয়ে দেবার তোমার অধিকার কি, সেনাপতি ?—রাজা আমি। আমার অত্মমতি না নিয়ে—

শ্রাম। আমিও তাই সেনাপতিকে বলে'ছিলাম, মহারাজ! যে মহারাজের অমুমতি না নিয়ে—

অজিত। তবে তুমিও এই চক্রান্তেব মধ্যে আছে', বিকানীরপতি ?

দুর্গাদাস। অমুমতি নিই নাই, কারণ অমুমতি চাইলে পেতাম না, মহারাজ! আব আকবব আব তাঁব পবিবাব আমার আশ্রয় নিয়ো'ছিলেন। মহাবাজের আশ্রয় নেন নি।

অজিত। তোমাব এতদূর স্পর্ধা দুর্গাদাস! ভেবে'ছা—

ক্রোধে তাঁহার কণ্ঠ কঁকর হইল

দুর্গাদাস। শুভ্রন, মহাবাজ! স্পষ্ট কথা বলি। আমি জেনেছি যে আপনি সাহজাদীর প্রণয়মুগ্ধ। এ কথা আমি যোদিন দা'ক্ষণাত্য হ'তে ফিরে আসি, সেদিন মুকুন্দদাসের কাছে গুনি। তা'র পব নিজেও লক্ষ্য ক'রেছি। এ প্রেম কোন পক্ষেরই শুভ নয়। কারণ আপনাদেব বিবাহ হ'তে পারে না। আমি সেই জন্তই উদয়পুরে আপনার বিবাহের প্রস্তাব করি। সেখানেই এই বিকানীবপতি সাহজাদীকে ফিবিযে দেবার প্রস্তাব করেন। আমি তা'তে সন্মত হই।

অজিত। সন্মত হও! প্রচুব উৎকোচ নিয়েছ বুঝি, সেনাপতি ?

দুর্গাদাস। উৎকোচ মহারাজ। তা' যদি নিতাম—না ক্ষমা কর্কেন মহাবাজ। আমি অন্ত্যাব বলতে যা'চ্ছিলাম।

অজিত। ক্ষমা!—দুর্গাদাস! এই উৎকোচ নেওয়ার অপরাধে তোমাকে মাড়বার থেকে চিরনির্বাসিত ক'র্লাম।

দুর্গাদাস। যে আজ্ঞা, মহারাজ!

এই বলিয়া দুর্গাদাস সেলাম করিয়া প্রস্থান করিলেন

অজিত। চক্রান্ত—চক্রান্ত—একটা প্রকাণ্ড চক্রান্ত!

শ্রাম। মহারাজ! আমি এব মধ্যে নেই—আমি বলে'ছিলাম!

অজিত । দূর হও—

বলিয়া শ্রামসিংহকে পদাঘাত করিয়া দূর করিয়া দিলেন

অজিত । রাজিয়া ! তবে তোমাঘ হারালাম ! জন্মেব মত হাবালাম !  
আর তোমার জন্ত আমি দুর্গাদাসকেও হারালাম !

বলিয়া সেই কক্ষমধ্যে পদচারণা করিতে লাগিলেন

কাশিম দ্রুতপদক্ষেপে সেই কক্ষে প্রবেশ করিল

কাশিম । রাজা । মহাবাজ দুর্গাদাস কোথায় ?

অজিত । তিনি বাজ্য পরিত্যাগ কবে' গিয়েছেন ।

কাশিম । তিনি নিজে গিয়েছেন, না তুই তাড়িয়ে দিয়েছিস্—শ্রাম-  
সিংহের মুখে যা' শুন্লাম, সত্য ?

অজিত । হাঁ, আমি তা'কে নির্বাসিত ক'বিছি ।

কাশিম । তা বুঝিছি । কেন তাড়িয়েছিস্, রাজা ?

অজিত । উৎকোচ—ঘুষ নেওয়ার জন্ত ।

কাশিম । ঘুষ ?—মহাবাজ দুর্গাদাস ঘুষ নিয়েছে ?—ভালারে ভালা !  
ওকথা মুখেও আন'লি ! দুর্গাদাস ঘুষ নিয়েছে ! দুর্গাদাস ঘুষ নিলে তোর  
মত একটা মহাবাজা হতি পার্ভ না ? সে ইচ্ছা ক'লে তোকে পায়ে ঠেলে  
দিয়ে ঘোষণাপুরের রাজা হয়ে ব'স'তি পার্ভো না ? দুর্গাদাস ঘুষ নেবে ?  
হাঁবে নেমকহারাম ! যে তোরে একদিন জান দিয়ে বাঁচিয়েছে ; ধড়ের  
রক্ত দিয়ে এই পঁচিশ বছর ঘাশের জন্ত লড়েছে, তার এই বুড়ো বয়সে তুই  
তাড়িয়ে দিলি—পরের দুয়ারে ভিক্ষে মেগে খাতি ! এই তোর ধর্ম হ'লরে  
নেমকহারাম ?

অজিত । কাকা—

কাশিম । খবদাঁর ! আর মোরে কাকা বোলে ডাকিস্ না । মুই  
এমন নেমকহারামের কাকা নই ! মুই আর তোর রুটি খাতি চাই

না। মুঠও যাবো। খাটি খাবো। খাটি ভিক্ষে মেগে আমার  
মহারাজ দুর্গাদাসকে খাওয়াবো। তা'ব কিম্বত তুই কি বুঝবি রে  
নেমকহারাম !

বলিয়া কাশিম চলিয়া গেল

অজিত কোন কথা না কহিয়া বিপরীত দিকে নিষ্ক্রান্ত হইলেন

### ষষ্ঠ দৃশ্য

স্থান—উরঙ্গাবান রাজশাসাদ। কাল—অপরাহ্ন। গুলনেয়ার একাকিনী দ্বিতলকক্ষেয়  
মধ্যে দাঁড়াইয়াছিলেন। সম্মুখে রাজভৃত্য।

গুলনেয়াব। কি ? সম্রাট ব'ল্লেন ফুস'ৎ নাই ?

ভৃত্য। হাঁ, বেগমসাহেবা ! বাদশাহ মক্কায যাবার আয়োজন ক'চ্ছেন।  
এখানে আসবার তাঁর ফুস'ৎ নাই।

গুলনেয়ার। আচ্ছা যাও !

ভৃত্য চলিয়া গেল

এতদূর ! আমি সম্রাটকে আমার পুত্রের বিজাপুর গমন রহিত ক'র্ত্তে  
ব'ললাম—উত্তর এলো 'তা'কে যেতেই হবে।' সম্রাটকে ডেকে পাঠলাম—  
উত্তর এলো ফুস'ৎ নেই ! ..ছ' মানুষের যখন পতন হয়, এই রকমই হয়  
বটে ! সময় বদলেছে। কিন্তু আমি এ কথা আজ নীরব হ'য়ে গুললাম !—  
আশ্চর্য্য ! আমি কি সেই গুলনেয়ার ? বিশ্বাস হ'চ্ছে না। দেখি—  
( আয়নায় গিয়া নিজমূর্ত্তি দেখিয়া কহিলেন ) একি ! সত্যই ত, আমি  
সে গুলনেয়ার নই। চক্ষু কোটরে সোঁদিয়েছে ; গণ্ড বসে' গিয়েছে ;  
চুল সব পেকে গিয়েছে। আমি ত সে গুলনেয়ার নই !—কে আমি ?  
( চৌৎকার করিয়া ) কে আমি ?

এই সময়ে রাজিয়া প্রবেশ করিয়া ডাকিল—

রাজিয়া। সম্রাজ্ঞী !



গুলনেয়ার। কে ? রাজিয়া ! কি বলে' ডাকলে ? সম্রাজ্ঞী ? আমি তবে সম্রাজ্ঞী ! আমি তবে সেই গুলনেয়াব ।

রাজিয়া । ঠান্দিদি—

গুলনেয়াব । রাজিয়া ! আমার পানে চেয়ে দেখ্ দেখি—সত্য সত্য বল্—আমি সেই গুলনেয়ার কি না ?

রাজিয়া । ঠান্দিদি । তুমি সেই গুলনেয়ার কি না জানি না । কিন্তু তুমি আমাব সেই ঠান্দিদি !

গুলনেয়াব । সত্য কি, রাজিয়া ? চিলে পাচ্ছি'স ? সত্য কবে' বল্ দেখি—চিলে পাচ্ছি'স ? সেই একদিন আমাষ দেখেছিলি ভারতসম্রাজ্ঞী গুলনেয়াব—ভাবতসম্রাট্ যা'ব রূপা-কটাক্ষের জন্ত লালায়িত হোত ; শত রাজ্য জনপদ অলক্ষ্যে যা'র বোষকুক্ষিত ক্রভঙ্গ সভয়ে লক্ষ্য ক'র্ত্ত ; দৃঢ়মুষ্টি-বদ্ধরূপাণ দশ লক্ষ সেনানী যা'ব তজ্জনীর দিকে ইঙ্গিতেব অপেক্ষায় চেয়ে থাকতো ! আর আজ আমি—সম্রাটেব উপেক্ষিত, বাজন্তবর্গেব ধিক্কৃত, বিশ্বের বর্জিত । আমি সেই গুলনেয়াব কি ? চে'ষ দেখ ভালো কবে' ।

রাজিয়া । ঠান্দিদি । তুমি আমাব সেই ঠান্দিদি ! জগৎ তোমাষ বর্জন কবে, কবক । আমি তোমাষ আঁকড়ে থাকবো ।

গুলনেয়ার । কেন, রাজিয়া ? আমি তো'র কবে কি ক'বেছি ?

রাজিয়া । কিছু কব নাই । কা'বণ ঠান্দিদি আমার সমতুঃখিনী । আমিও অভাগিনী—ভালোবেসেছি ।

গুলনেয়াব । তুই ভালোবেসেছিস ? কাকে, রাজিয়া ? কিন্তু আমার মত বেসেছিস্ কি ? আমার মত—ভালোবাসার তুযানলে জলেছিস্ ? একটা সাম্রাজ্য তা'র জন্ত বিলিয়ে দিইছিস্ ? পরে তা'র দ্বারা প্রত্যাখ্যাত হইছিস্ ?—না, রাজিয়া ! তুই এ দাহ কল্লনাও ক'র্ত্তে পারিস না—সেইদিন হ'তে আমাব সব শেষ হ'য়েছে । আজ যা দেখছিস্, সে

গুলনেয়ার নয় ; তার কপাল । আর আমি সে গুলনেয়ার নেই—সব গিয়েছে !

এই সময়ে বাদী প্রবেশ করিখা রাজিয়াকে ও কিল—

বাদী । সাহজাদী । আগুন !

বাজিয়া । দাঁড়া, যাচ্ছি একটু পবে ।

বাদী । না, সাহজাদি ! বাদসাহেব হুকুম নেই ।

গুলনেয়াব । কি হুকুম নেই, বাদী ?

বাদী । সাহজাদীকে এখানে আস্তে দেওয়া—( এই বলিয়া বাদী বাজিয়াকে কহিল ) চলুন ।

রাজিয়া বাম্পাকুললোচনে গুলনেয়ারের মুখের দিকে চাহিলেন

গুলনেয়ার । যাও !

রাজিয়া চলিয়া গেলেন

গুলনেয়াব । আমি আজ এতই হেয় । নিজের পোস্তীর সঙ্গে কথা কইবারও যোগ্য নহি ! একটা বাদিও চোখ রাঙিয়ে যায় ! না, এর শেষ ক'র্ত্তে হবে । ভূত্যবও ধিকৃত হয়ে গুলনেয়াব এ বাজ্যের পশ্চাৎকক্ষে বাস ক'র্ত্তে না । এ রাজ্যে সম্রাজ্ঞী হ'য়ে প্রবেশ করে'ছিলাম ! সম্রাজ্ঞী হ'য়ে এখান থেকে যাবো ।

গাহিতে গাহিতে নৃত্য সহকারে একদল বৈদ্যগী নীচে রাস্তা দিয়া চলিয়া গেল

গীত

জীবনটা ত দেখা গেল শুধুই কেবল কোলাহল ।

এখন যদি সাহস থাকে, মরণটাকে দেখ'বি—

ওরে মরণটাকে দেখ'বি, ওরে মরণটাকে দেখ'বি চল ।

পড়ে' আছে অসীম পাথার, সবাই তাতে দিচ্ছে সঁতার

অঙ্গ এলে অবশ হ'য়ে, সবাই যাবে রসাতল ।

উপরে ত গর্জ্জ ঢেউ সে, দণ্ডমাত্র নয়'ক হির;  
 নীচে পড়ে' আছে অগাধ শুক সিঙ্গুনীর;  
 এতদিন ত ঢেউয়ে ভেসে, দিলি সঁতার উপর দেশে—  
 ডুব দিয়ে আজ দেখুনো, নীচে কতখানি গভীর জল।

গুলনেয়ার। ঠিক বলে'ছে 'ডুব দিয়ে আজ দেখবো নীচে কতখানি গভীর জল।' বাস্! তাই হোক। কিসের ভয়? সেই ভালো। ৭  
 আজ আত্মহত্যা কর'ক।

এই সময়ে কামবক্স সেই কক্ষে প্রবেশ করিয়া কহিলেন—

কামবক্স। মা! আমি বিদায় নিতে এসেছি।—এখনি বিজাপুবে যাচ্ছি। পিতার আদেশ।

গুলনেয়ার। ই, শুনেছি। তোমার পিতার আদেশ। আম বাধা দেবার কে? যাও।

কামবক্স গুলনেয়ারের চরণ স্পর্শ করিলেন। গুলনেয়ার শুদ্ধ ঈষৎ মস্তক

হেঁট করিলেন। পরে কহিলেন—

কামবক্স, এই আমাদের শেষ দেখা পুত্র।

কাম। কেন মা?

গুলনেয়ার। কেন? কারণ আমি ম'ক'—আমি ম'ক'—আমি আত্মহত্যা কর'ক!

কাম। সে কি, মা! জানি মা তোমার মন উত্থাপ্ত হ'য়েছে! কিন্তু—

গুলনেয়ার। ম'ক' কেন? জ্ঞান্বে চাও? তবে শুন। যতদিন আমি সম্রাজ্ঞী হ'য়েছিলাম—ততদিন বেঁচে'ছিলাম! যতদিন শাসন করে' এসেছিলাম—বেঁচে'ছিলাম! যতদিন মাথা উঁচু করে' গর্কে থাকতে পেরেছিলাম—বেঁচে'ছিলাম। আজ সম্রাটের তাচ্ছিল্য নিয়ে, ভৃত্যের ধিকার নিয়ে, পুত্র-প্রপৌত্রের করুণা নিয়ে, মাটিতে মুখ লুকিয়ে গুলনেয়ার থাকতে চায় না!

কাম। আবার সে দিন আসবে। মা, পিতার মার্জনা ভিক্ষা কর।

গুলনেয়ার। কি, কামবক্স? মার্জনা! আমি মার্জনা ভিক্ষা ক'রব? আমার পুত্র না তুমি?—কামবক্স! সূর্য্য যে গবিমায উঠে সেই গরিমায অস্ত যায়।—যাও! কিন্তু ফিরে এসে তোমার মাকে আর দেখতে পাবে না!

কাম। মা—

গুলনেয়ার। চুপ! কোন কথা নয়। আমি স্থিরপ্রতিজ্ঞ! জেনো, প্রব জেনো, আমাদের ইহজগতে এই শেষ দেখা—যাও—

। কামবক্স দীর্ঘে অবনত মুখে চলিয়া গেলেন।

গুলনেয়ার। সূর্য্য অস্ত যাবার অধিক বিলম্ব নাই। বাঁদি!—না, কেউ নাই। একটা দাসীও আজ আমার আত্মার অপেক্ষা করে থাকে না। স্বেচ্ছায় চলে' যায়। গিয়েছে—আমাব গরিমা বৈভব সব গিয়েছে। আমিও যাই।

এই বলিয়া গুলনেয়ার দেখান হঠাতে নিজস্ব হইলেন। স্বপ্নপরে ঔরংজীব

জনৈক পরিচারিকার সঙ্গে সেখানে আসিয়া উপস্থিত হইলেন

ঔরংজীব। কৈ সম্রাজ্ঞী?

বাদী। জানি না। এখানেই ত ছিলেন। বোধ হয় ভিতরে গিয়েছেন।

ঔরংজীব। খবর দাও।

বাদী চলিয়া গেল

ঔরংজীব। দুর্গাদাস! আমি তোমার কাছে বাহুবলে পরাজিত হ'য়েছিলাম, কিন্তু তা'র চেয়ে এই পরাজয় অধিক। তুমি গুলনেয়ারের মত নারীকে মুঠোর মধ্যে পেয়ে ফিরিয়ে দিয়েছো, গুলনেয়ারের মত সম্রাজ্ঞীর প্রেম প্রত্যাখ্যান করে'ছ। তুমি মহৎ! দিল্লীর খাঁর অমরোদ্য,

আর তোমার সম্মানে, আজ গুলনেয়ারকে ক্ষমা কর'ক—সত্য কথা, দিলীর খাঁ—মকায় যাবার আগে এক উগ্র, উচ্ছ্বল নারীর প্রতি আর ক্রোধ রাখি কেন ?

গুলনেয়ার অধিকতর সজ্জিতভাবে প্রবেশ করিলেন

গুলনেয়ার। কে ? কে, সম্রাট ? এত অনুগ্রহ যে ?

ঔরংজীব। সম্রাজ্ঞী !

গুলনেয়ার। চুপ। আর আমি সম্রাজ্ঞী নই। যতদিন তোমায় শাসন করে'ছিলাম, ততদিন আমি সম্রাজ্ঞী ছিলাম। আজ আর আমি সম্রাজ্ঞী নই। আমি শুদ্ধ গুলনেয়ার।—কি বলবে বল।

ঔরংজীব। একি গুলনেয়ার ? এর মধ্যে তোমার এত পরিবর্তন ! একি ! তোমায় চেনা যাচ্ছে না যে !

গুলনেয়ার। সম্রাট ! আমার গৌরবের সঙ্গে সঙ্গে আমার রূপেরও সমাধি হ'য়েছে। এখন এখানে কি মনে করে' সম্রাট ? বল ? অধিক সময় নাই ! আমি ম'র্ত্তে যাচ্ছি। আমি বিষ পান করে'ছি !

ঔরংজীব। সে কি ? বিষ পান করে'ছো গুলনেয়ার ? কেন ?

গুলনেয়ার। কেন ? জিজ্ঞাসা করছ ? হুবির শীর্ণ ঔরংজীব ! তোমার তাজিল্য নিয়ে আমি জীবন ধারণ কর'ক মনে করে'ছিলে ? তোমার কৃপা ভিক্ষা করে' বেঁচে থাক'বো ভেবেছিলে ? ঐ সূর্য্যের পানে তাকাও, তার পরে আমার পানে চাও—বল দেখি, দেখে বোধ হয় না কি যে, আমরা দুই ভাই বোন ! সম্রাজ্ঞী হ'য়ে দিগন্তরেখায় উঠেছিলুম, সম্রাজ্ঞী হ'য়ে দিগন্তরেখায় অন্ত যাচ্ছি !

ঔরংজীব। গুলনেয়ার ! আমি এসেছি আজ তোমায় ক্ষমা কর'তে। তোমার যা' কেড়ে নিয়েছিলাম, সব ফিরিয়ে দিতে।

গুলনেয়ার। ক্ষমা !

ঔরংজীব । তোমায় আর ভালোবাস্তে পারি না, গুলনেয়ার ! তুমি জানো না গুলনেয়ার ! যে তুমি আমার সর্বনাশ করে'ছো । আমার আশা, উত্তম, প্রেম, বিশ্বাস এক মুহূর্তে এক সঙ্গে ভেঙ্গে দিয়েছো । যৌবনে এ সব ভেঙ্গে আবার যোড়া লাগে । কিন্তু বার্ককে যা' ভাঙ্গে, আর যোড়া লাগে না । আমার সব গিয়েছে । আমিও ম'র্তে যাচ্ছি । এখন তোমায় আর ভালোবাস্তে পারি না । আমার সে শক্তি নাই । কিন্তু তোমা'ক্ষমা ক'র্তে পারি ।

গুলনেয়ার । ক্ষমা ?—সত্ৰাট ! তুমি আমায় ক্ষমা ক'র্বে ?

ঔরংজীব । নীচ শ্রেণীর লোকে কুলটা জ্বর পৃষ্ঠে কুঠার মারে । সাধারণ শিক্ষিত লোকে তা'কে পরিত্যাগ করে । মহৎ ব্যক্তি ক্ষমা করে ।

গুলনেয়ার ! ( ব্যঙ্গস্বরে ) কি মহৎ তুমি ! কি সত্ৰাট ! গুলনেয়ার কখনো কাউকে ক্ষমা করে নি ; সে কারো ক্ষমা চাহেও না ।

ঔরংজীব । তুমি ভুল বুঝেছ, গুলনেয়ার । আমি মহৎ নহি ! তবে দিল্লীর খাঁ মহৎ । আমি এখন যন্ত্রবৎ কাজ করে' যাচ্ছি । দিল্লীর খাঁ আমায় তোমাকে ক্ষমা ক'র্তে ব'লেছে । তাই তার অহরোধ আর—

গুলনেয়ার । দিল্লীর খাঁর অহরোধে ? যাও, সত্ৰাট ! তোমার ক্ষমা আমি চাই না । আমি নরকে নেমে যাচ্ছি—সঙ্গে হৃদয় পূর্ণ করে' নিয়ে যাচ্ছি—সেই দুর্গাদাসের প্রতি তীব্র অসীম বিরাট ভালোবাসা । যদি তা'কে পেতাম, আমি তা'কে একথণ্ড মেঘের মত, আমার সেই ভালোবাসার ঝঞ্জা দিয়ে, ঘিরে, টেনে' সঙ্গে করে' নিয়ে যেতাম ; তা'কে সেই ঈশ্বার জালায় তিলে তিলে তুষানলের মত দগ্ধ ক'র্তাম । তাকে পাচ্ছি না । কিন্তু বুঝি এক-দিন কোথাও পাব । তখন তা'কে দেখবো । ঔরংজীব ! বিশ্বসংসারে বুঝি কেহ কেহ আছে, যা'দের ভালোবাসা প্রতিহিংসার মত প্রবল, উদ্ধাম, জালাময় ! জেনো আমি সেই নারী ।—আমার মাথা ঘুচ্ছে, আর পাচ্ছি না । আমি ম'র্চ্ছি । কোন দুঃখ নাই আমার, ঔরংজীব !

পড়ে'ছি বলে' কোন দুঃখ নাই। উঠেছিলাম—পড়ে'ছি। যারা মাটি কামড়ে পড়ে' থাকে, তারা পড়ে না। কোন দুঃখ নাই। যদি নারী হ'য়ে জন্মগ্রহণ করে'ছিলাম, পুরুষকে বেখেঁছিলাম মুঠোর মধ্যে। যদি সম্রাজ্ঞী হ'য়েছিলাম—সাম্রাজ্য শাসন ক'রেছিলাম! যদি ভালোবেসেছিলাম—ভালোবাসা দান ক'রেছিলাম! ভিক্ষা কবি নি!—কোন দুঃখ নাই। একদিন ম'র্ন্তে হবেই। তবে দিন' থাকতে মরানি ভালো; ঐ সূর্য্য অন্ত গেল—আমিও যাই।...

বলিয়া ভূপতিত হইলেন

ঔবংজীব। যাও, গুলনেশ্বর! তুমি অন্ততপ্ত চিত্তে মর নাই। মরণের পরপাবে বোধ হয় তোমার অনুতাপ আবস্ত হবে! কিন্তু আমার অনুতাপ মৃত্যুর পূর্বেই আরম্ভ হ'য়েছে।

## সপ্তম দৃশ্য

স্থান—আশ্রম প্রাসাদের সম্মুখস্থ অলিন্দ। কাল—সন্ধ্যা। দিলীর ঠা

এবং একজন কর্মচারী কথা কহিতেছিলেন।

কর্মচারী। সম্রাটের মৃত্যু হ'য়েছে?

দিলীর। হাঁ, মোবারেক! বড় শোচনীয় মৃত্যু সে। তাঁ'র শয্যাপার্শ্বে তাঁ'র একজন পুত্রও ছিল না—তাঁ'র বেগম ছিল না।—একা আমি! বড় শোচনীয় মৃত্যু!

কর্মচারী। তাঁ'র মক্কায যাবার কথা ছিল না?

দিলীর। হাঁ! কিন্তু আর যাওয়া হয় নাই। দৌলতাবাদে তাঁ'র মৃত্যু হয়। মৃত্যুর সে দৃশ্য আমি ভুলনা না। অন্ততপ্ত হৃদয়ের অর্দ্ধ-স্বপ্ন অবস্থার সেই মনোভেদী ক্রন্দন “কমা কর মারঠা, কমা কর রাজপুত, কমা কর পাঠান।” তার পর ম'র্কার পূর্ব্ব মুহূর্ত্তেই সেই

ভয়বিহ্বল ভগ্ন উক্তি “ঐ সম্মুখে মৃত্যুর কৃষ্ণ সমুদ্র। তাতে তরী ভাসিয়ে দিলাম।” শেষে ‘হো আল্লা বলে’ সেই মর্ষভেদী চীৎকার—সে দৃশ্য ভুলবো।

কর্মচারী। বড শোচনায।—এখন সম্রাট কে হন বলা যায় না!

দিলীব। যুদ্ধ বেধেছে, মোক্ষাম আব আজীমে। ফল জগদীশ্বর জানেন।

কর্মচারী। আপনি সাহজাদা বাজিয়াকে এখানে নিয়ে এসেছেন?

দিলীব। হাঁ, মোবারক। সাহজাদার আজ পিতা নাই, মাতা নাই—কেহ নাই। তাঁর মত দুঃখিনী কে?—এখানে তাঁকে এক বৃদ্ধ পরিচারিকার কাছে বেঁধে যেতে হচ্ছে।

কর্মচারী। আপনি কোথায় যাবেন?

দিলীব। আমি যাবো একবার দুর্গাদাসের উদ্দেশে।

কর্মচারী। কেন?

দিলীব। প্রয়োজন আছে। এখন চণ বাসবে যাই।

উভয়ের নিষ্ক্রান্ত

উদ্ভাস্তভাবে ধীরে ধীরে সেখানে রাজিমা প্রবেশ করিলেন

রাজিমা। আমি তাঁকে ভালোবেসেছিলাম। তাঁতে কি অত্যাঘ হ’য়েছিল? কে আমাদের বিচ্ছিন্ন ক’লে? কেন ক’লে?—এত স্মৃতি তাঁদের সৈল না!

পরিচারিকা প্রবেশ করিল

পরিচারিকা। ওগো সাহজাদি!

রাজিমা। সে দিন আমাদের সেই আবুগিরিহুর্গে গুল জ্যোৎস্নালোকে পর্বতপাদমূলে দেখা হো’ল—কেন আমাদের দেখা হো’ল, অজিত?

পরিচারিকা। ঐ সেই আবাব বিড়ির বিড়ির করে ব’কছে। বলি, ও সাহজাদী!

রাজিমা। অজিত! অজিত! তাঁর নামটিও কি মিষ্ট! অজিত!



পরিচারিকা। না, ও এখনও উত্তর দেবে না। আমি এখন যাই।  
সাহজাদীর রকমই আলাদা।

বলিয়া চলিয়া গেল

রাজিষা। সন্ধ্যাব বাতাস বইছে—কোকিল ডাকছে। নীলসলিলা  
যমুনা নদী প্রাসাদমূল বেঠেন ক'রে যাচ্ছে। আকাশ কি নিশ্চল, কি নীল!

তবে, আর কেন বহে মলয়পবন, আর কেন পাখী করে গান?

আজি, হৃদয়কুঞ্জে সুখমধুমাস হ'য়ে গেছে যবে অবসান।

আজি, চলে' গেছে এক সঙ্গীত, ছিল ছেয়ে যা আকাশ ভুবনে—

আমার নয়ন হইতে নিভে গেছে জ্যোতি, হৃদয় হইতে গেছে প্রাণ।

গাহিতে গাহিতে প্রস্থান

## অষ্টম দৃশ্য

স্থান—পেশোলা হ্রদতীরের প্রাসাদ। কাল—মধ্যাহ্ন। দুর্গাদাস একাকী দাঁড়াইয়া  
সে দৃশ্য দেখিতেছিলেন।

দুর্গাদাস। ব্যর্থ হ'য়েছি। পাল্লের্ম না এ জাতিকে টেনে তুলতে।  
মোগল সাম্রাজ্য থাকবে না বটে, কিন্তু এ জাতি আর উঠবে না।

জয়সিংহ ও সরস্বতী আসিয়া পদবন্দনা করিলেন

সরস্বতী। ভিতরে আমুন, দেব। জল গ্রহণ করুন! দ্বিপ্রহর  
অতীত হ'য়েছে।

দুর্গাদাস। যাচ্ছি চল, মা!

জয়। এখানে আপনাব কোন কষ্ট হ'চ্ছে না?

দুর্গাদাস। কষ্ট? রাণার আতিথ্যে আমি পরম সুখে আছি।

জয়। আমার আতিথ্য ব'লবেন না। সরস্বতীর আতিথ্য। সরস্বতীই এ স্থান পছন্দ করে দিয়েছে। সরস্বতীই এ ক্ষটিক হর্ম্য তৈয়ার করিবেছে। যে দিন আপনি আমাদের অতিথি হ'বে এক নির্জন স্থানে থাকবার ইচ্ছা প্রকাশ করেন, সেই দিন সে নিজে এখানে এসে সমস্ত বন্দোবস্ত কবেছে। এখানে প্রতিদিন সে আপনার জন্ত নিজে পাক করে।

দুর্গাদাস। অসীম অন্তগ্রহ মহারানীর!

সরস্বতী। অন্তগ্রহ? অন্তগ্রহ ব'লবেন না। দেব! এ দীনের অর্ঘ্য, ভক্তের নৈবেদ্য। রাজস্থানে কে আছে, রাঠোর দুর্গাদাসের নামে যার বক্ষ স্ফীত না হয়—শির গর্বে উন্নত না হয়? যদি একান্ত ভাগ্যবলে, পূর্বজন্মের পুণ্যফলে এই লেবতাকে অশিধি স্বরূপে পেয়েছি, পূজা করে' সাধমেটাবো।

দৌবারিকের প্রবেশ

দৌবারিক। মহারাজ! দ্বারে মোগল-সেনাপতি দিলীর খাঁ রাঠোর সেনাপতির সাক্ষাৎ চান।

দুর্গাদাস। দিলীর খাঁ! সে কি? দিলীর খাঁ?

দৌবারিক। হাঁ, সেই নামই ত ব'লেন!

দুর্গাদাস। যাও, পবন সমাদরে নিয়ে এসো। (সরস্বতীকে কহিলেন)  
—যাও, মা, ভিতরে যাও। আমরাও আসছি এখনি।

মহারানী সরস্বতী অন্তঃপুরে চলিয়া গেলেন

দুর্গাদাস। দিলীর খাঁ এলেন? অর্থ কি?

জয়। বুঝতে পারছি না।

দিলীর খাঁ প্রবেশ করিলেন

দিলীব । বন্দেগি বীর দুর্গাদাস ! আমায় মনে পড়ে ?

দুর্গাদাস । আমাব জীবনদাতাকে বিন্মৃত হব কি রূপে ? আশুন, আমার আজ পরম সৌভাগ্য । কিন্তু এখানে কি অভিপ্রায়ে, সেনাপতি ?

দিলীব । তীর্থদর্শনে, দুর্গাদাস । তোমাদেব হিন্দুদেব মধ্যে কাশী, হবিদ্বাব, সেতুবন্ধ বামেশ্বব, এই সব তীর্থ আছে না ? যেখানে যাত্রীবা মাঝে মাঝে গিয়ে ধস্ত হ'য়ে আসে ? আমিও মর্ক্যার আগে তোমায একবার দেখতে এসেছি ।

দুর্গাদাস । ( ক্ষণেক নীবব বহিলেন ; পবে কহিলেন )—দিলীব খাঁ ! আমি সামান্ত মানুষ ; সাধ্যমত নিজেব কর্তব্য কবে' এসেছি মাত্র ।

দিলীব । এ পাপযুগে তাই কযজন কবে, দুর্গাদাস ? যে যুগে ভ্রাতাকে তা'ন অংশ হ'তে বঞ্চিত কবে' আনন্দ ; শূদ্র স্বার্থেব জন্ত স্বজাতিদ্রোহ কবে' পবিতৃপ্তি ; যে যুগে তোষামোদ, পীড়ন, মিথ্যাবাদ, প্রতারণ, চাবিদিকে ছেয়ে পড়ে'ছে ; সে যুগে তোমার মত ত্যাগী দেখে আত্মা গুহ্ব হয় । যে প্রভুর জন্ত প্রাণপণ করে, দেশেব পাঁখে সর্বস্ব অর্পণ করে, আশ্রিতকে রক্ষা কর্তব্যব জন্ত দেশ ছাড়ে, অপর্য সম্রাজীর অবৈধ প্রেম প্রত্যাখ্যান করে, প্রপীড়িত অবলাব প্রাণরক্ষার্থে নিজের বুক আগিয়ে দেয়, শেষে আশ্রিতা কুমাবীব ধর্ম বক্ষাব জন্ত নির্যাসিত হয়, সে রূপ চরিত্র তোমাদের পুবাণেই কয়টা আছে, দুর্গাদাস ?

দুর্গাদাস । পুবাণে কেন, দিলীর খাঁ ? তাব চেয়ে উচ্চ চরিত্র দেখতে চাও যদি, নিজের চরিত্রের সন্মুখে দর্পণ ধর ।

দিলীর । আমার ?

দুর্গাদাস । হাঁ, দিলীর খাঁ, তোমার । আরও দেখতে পেতে দিলীর, যদি আজ কাশিম এখানে থাক্তো—তোমারই জাত তাই কাশিম ।

কাশিমের প্রবেশ

কাশিম। কৈ ! মহারাজ কৈ ? এই যে !

আত্মি প্রণত অভিবাদন করিল

দুর্গাদাস। এ কাশিম যে ? কি আশ্চর্য্য। কাশিম, তুমি এখানে খুঁজে এসে কেমন করে ?

কাশিম। খুঁজে খুঁজে আনাম মহাবাজ। কত জাবগায় তল্লাস করে'ছি, তাব আব কি ব'লবো, মহাবাজ !

দুর্গাদাস। তুমি কা'কে মহাবাজ ব'ল'চ, কাশিম ?

কাশিম। যা'কে চিবকাল বলে' আসছি, মহারাজ।

দুর্গাদাস। না, কাশিম। তোমাব আব আমাব মহারাজ এখন যোধপুবাধিপতি অভিতসিংহ।

কাশিম। তা'ব নাম করেন না মহারাজ। সে নেমকহারাম—

দুর্গাদাস। কাশিম ! তুমি কাব কাছে এ কথা ব'লছো মনে রেখো।

কাশিম। জানি। মোব জাবতাব কাছে কথা ব'লছি। তবু বে-হক কথা চুপ করে' শুনে যাতি পার্কো না। যা'কে আপনি বুকেব মন্দি করে' মানুষ কর্লে, যা'র কামে বোাক জানটা দিলে, যা'কে তাব মা ছাঃয়ালের মত দেখতো, সেই তা'কে যে বুড়োব সে, মাফ ক'রেন মহারাজ—গলা ধরে' আসছে, আব ব'লতে পার্কো না।

জয়সিংহ। কাশিম ! ইস্লাম ধর্ম্ম ত তোমাব মত মানুষ তৈরি কবে ?

দুর্গাদাস। সব ধর্ম্মেরই এক কথা, এক মহানীতি শিক্ষা দেয়, মহারাণা ! তবু যদি কেউ মানুষ না হয়—সে ধর্ম্মেব দোষ নয়। মুসলমান ধর্ম্মে কাব্লেস্ খাঁও আছে।

দিল্লীর। আর হিন্দুধর্ম্মে শ্রামসিংহও তৈরী হয়, দুর্গাদাসও তৈরী হয়।

কাশিম। তবে, হুজুর, মোর এক আর্জি আছে।

দুর্গাদাস। কি কাশিম?

কাশিম। শুন্ছি যে হুজুর আজ রাণার রুটি খায়ে মাহুষ। তা' ত হতি পারে না!

দুর্গাদাস। কি হ'তে পারে না?

কাশিম। মোর জান থাক্তি মহারাজ ত আর একজনের দরোজায যাবে না। তা' ত মুই জান থাক্তি ছাথবো না।

জয়। সে কি! তুমি কি ক'র্ত্তে চাও, কাশিম?

কাশিম। কি ক'র্ত্তি চাই? শোন রাণা, মুই মহারাজকে খাওয়াবো।

জয়। কেমন করে'?

কাশিম। যেমন করে' পারি। মজুর থেটে খাওয়াবো—ভিক্ষা মেগে খাওয়াবো।

জয়। তুমি কি পাগল হ'য়েছো, কাশিম! তুমি পাবে কোথা থেকে?

কাশিম। যেখিন থেকে পাই। যদি আজ রাণী বৈচে থাক্তো, দুর্গাদাসকে পরের দুঘোরে ভিখারী হতি হোত না। তিনি নেই, কিন্তু মুই আছি। মুই থেটে খাওয়াবো—খুদ কুঁড়া যা পাই খাওয়াবো—

জয়। তা' কি হয়?

কাশিম। হয় না? দেখ, মহারাজ দুর্গাদাস! তোমার যেমন মনে লেয় করো! বেছে লাও, মহারাজ! রাণার ফেলে-দেওয়া রাজভোগ খাবা? কি মোর পুজোয দেওয়া খুদ কুঁড়ো খাবা? বেছে লাও, রাণার পায়ের তলায় থাক্বা? না, মোর মাথায় থাক্বা? যেটা লেবা বেছে লাও।

হুর্গাদাস। ঠিক বলে'ছো কাশিম! হুর্গাদাস তোমার দেওয়া খুদ কুঁড়োই খাবে। (এই বলিয়া হুর্গাদাস উঠিয়া কাশিমকে আলিঙ্গন করিয়া কহিলেন)—ভাই কাশিম! আজ হ'তে আমরা দুই ভাই। (পরে দিলীরকে কহিলেন)—দেখ, দিলীর খাঁ, কি উচ্চ!

দিলীর। সত্য কথা বলে'ছিলে, হুর্গাদাস! দাঁড়াও, তোমরা দু'জনেই আজ আমার সম্মুখে দাঁড়াও; একবার নয়নভরে' দেখি—ঈশ্বর! তোমাব স্বর্গে যারা দেবতা আছেন শুনি, তাঁরা কি এঁদের চেয়েও বড়?

### যবনিকা পতন